

中華民國郵政掛號特認爲新聞紙類
中華民國五年九月一日出版

義聲日報彙刊

石得夫人 植菴



凡例

一定名

本彙刊係就日報材料節採精華刪削膚泛並兼選各報及海內外碩學名著以資宏備而廣流傳顏曰義聲日報彙刊

二宗旨

本彙刊專以擁護共和發摭民意建設最完全之中華民國爲宗旨

三編輯大意

本彙刊略定兩月一冊每冊約百五十頁務期材料豐富擇精語詳以饜閱者之目

目

次

向湖邨漁

雲南義聲日報叢刊第一期目次

弁言

趙藩題序

圖畫

唐都督偉像

蔡總司令偉像

李總司令偉像

任前巡按使偉像

要電

雲南首義致北京政府請求永除帝制擁護共和並嚴懲楊度孫毓筠諸人電

雲南首義通告各省請同伸義憤擁護共和電

雲南首義飭各軍隊照常辦事並切實保護外國教堂教士等電

目次



雲南陸軍第一二師長旅長通告各省請掃除帝制重建共和電

滇黔舉義通告各省共興義舉請勿存心觀望坐誤機宜電

滇黔舉義諸公致駐各國公使務望同伸義憤電

雲南軍府覆各省將軍巡按使暨各長官電

滇黔舉義聲討袁逆之通電一

滇黔舉義討袁逆之通電二

雲南政府飭各道縣及各員照常任事電

雲南張劉兩師長嚴拒偽命之通電

雲南政府致各省電報局勿積壓明密各報電

雲南軍府覆北京政事堂統率辦事處之通電

雲南軍府覆武昌王上將軍段巡按使電

雲南軍府覆宿州張上將軍電

雲南唐都督致旅居各省同鄉軍界電

雲南護國第一軍蔡總司令整隊北伐通告各省電

雲南護國第一軍蔡總司令入蜀規定各縣劃一辦法電

雲南第二師師長兼南防剿匪軍總司令官劉祖武賀滇軍占領叙府電

雲南護國第二軍李總司令烈鈞致袁世凱電

雲南護國第二軍李總司令烈鈞致各省電一

雲南護國第二軍李總司令烈鈞致各省電二

雲南護國第二軍李總司令烈鈞在南甯致袁世凱電

雲南護國第一軍劉梯團長雲峯等佈告北兵在川兇殘電

雲南護國第一軍蔡總司令佈告北兵在川罪惡電一

雲南護國第一軍蔡總司令佈告北兵在川罪惡電二

雲南護國第一軍右翼戴總司令截回黔舉義情形電

黔軍步五團長熊其勳致廣西軍界同心舉義電

四川護國軍總司令劉存厚致滇軍轉告各省舉義擁護共和電

雲南唐都督致貴州前敵各軍官舉義情形電

廣西陸都督宣佈獨立通告滇黔督蔡總司令電

廣西陸都督宣佈獨立通告京師各省電

廣西各將官宣佈獨立通告北京會師討袁電

兼護督理廣西軍務桂林鎮守使第一師師長陳炳焜等通告各省征討袁逆電

雲南唐都督決心討袁電

護國軍滇黔桂粵四省都督連名致駐京各國公使電

唐都督致黎段徐再迫袁世凱退位電

滇軍府致大舟驛貴陽松坎論袁世凱退位電

貴州劉都督致雲南唐都督廣西陸都督各司令勿爲袁氏所欺電

廣東獨立通電

滇黔桂粵護國軍嚴斥倡議復辟之通電

廣東贊同獨立來電

雲南陸軍第二師師長兼剿匪軍總司令官劉祖武致龍濟光勿暗助巨奸滋擾

故鄉電

滇黔桂粵迫袁退位之通電

湖南零陵鎮守使望雲亭獨立通電

浙江鎮守使呂公望宣告獨立各電

廣西陸都督答辨調停通電

誓詞

中華民國雲南都督唐擁護共和誓師討袁文

中華民國雲南護國軍第一軍總司令蔡誓師討袁文

中華民國雲南都督唐誓告全國同胞四義文

文告

中華民國雲南軍都督唐嚴拒偽命倡義討袁改將軍爲都督文

中華民國雲南軍都督唐通佈全省軍民人等倡義討袁文

雲南軍都督唐照會籌餉代表文

雲南軍都督唐飭軍需局趕製梯團旗式文

雲南軍都督唐通飭本省各縣知事保護在外省服務人員家屬文

中華民國雲南都督唐通告南甯陸上將軍及全體軍界同聲討逆文

中華民國雲南護國第一軍蔡總司令鏢告滇父老文

中華民國雲南護國第一軍蔡總司令飭四川各地方官吏應嚴拒偽命効忠民

國文

中華民國雲南護國第一軍蔡總司令通飭我軍凡逆軍之歸降及被捕者不得

虐待擅殺當優加待遇文

雲南護國第一軍蔡總司令通飭四川各縣及各部隊偵查逆軍舉動酌予優獎

文

書牘

中華民國雲南護國第二軍李總司令烈鈞告滇父老文

雲南全省團保總局飭各縣知事認真遵辦團務文

雲南全省警務處處長唐繼禹咨各縣知事保護在粵將校家屬文

中華民國雲南都督唐致北方各師旅團營長書

任前巡按使可澄敬告貴州全省父老昆弟書

中華民國雲南都督唐致華僑勸捐啓(其一)

中華民國雲南都督唐致華僑勸捐啓(其二)

中華民國雲南都督唐致華僑勸捐啓(其三)

劉師長祖武上唐都督言南防兵事書

劉師長致廣東龍將軍函

組織護國演說團啓

雲南商務總會勸捐資金購備物品分寄前敵各戰地義軍藉供需用啓

雲南紅十字會募捐啓

南洋籌餉代表龔振鵬古直致華僑父老書

捷電

滇護國第一軍橫江戰鬪之捷電

滇護國第一軍占領叙府之捷電一

滇護國第一軍占領叙府之捷電二

滇護國第一軍占領叙府之捷電三

滇黔護國第一軍蔡總司令進攻叙府各方面之捷電

滇護國第一軍再戰叙城之捷電一

滇護國第一軍再戰叙城之捷電二

滇護國第一軍再戰叙城之捷電三

滇護國第一軍占領永寧之捷電

滇黔護國第一軍蔡總司令詳述納溪各方面之捷電

滇黔護國第一軍蔡總司令部進抵永寧等情之捷電

滇黔護國第一軍蔡總司令進克瀘州之捷電

滇黔護國第一軍蔡總司令進納溪江安之大捷電

滇護國第一軍占領龍頭舖一帶之捷電

滇護國第一軍攻克梁山龍頭舖一帶之捷電

黔護國軍通告北路各軍大捷電

黔護國軍佔領晃州之捷電

黔護國軍攻克吳公關之捷電

黔護國軍在瀘平礦山戰勝之捷電

黔護國軍占領沅州之捷電

黔護國軍進攻麻陽之捷電

黔護國軍連占通道綏甯諸城之捷電

黔護國軍在高汰戰勝之捷電

黔護國軍占領趕水東溪一帶之捷電

黔護國軍攻克青羊寺之捷電

黔護國軍攻取九盤子趕水之捷電

黔護國軍占領分水嶺等處之捷電

黔護國軍在三角塘方面戰勝之捷電

黔護國軍攻克獅子岩之捷電

黔護國軍大敗逆軍於草坪聖之捷電

黔護國軍占領二塗岩小珊門等地之捷電

黔護國軍在石牛口戰勝之捷電

黔護國軍攻克南溪之捷電一

蜀護國軍佔據牛背石之捷電

蜀護國軍劉司令克復南溪之捷電二

趙支隊長世銘克復箇舊之捷電

紀事

剿匪軍劉總司令祖武克復箇舊之捷電

剿匪軍劉總司令祖武克復彌勒等處之捷電

剿匪軍劉總司令祖武肅清邱北之捷電

護國第二軍張司令開儒戰勝龍軍之捷電

挺進軍黃司令毓成大敗龍軍於黃南田之捷電

滇省首義紀略

義軍聲譽

英文京報之美我軍

英文楚報之美我軍一

英文楚報之美我軍二

太晤士報之美我軍

大阪朝日新聞之美我軍

附袁軍殘暴之種種

論說

義聲日報發刊詞

廣義

本社同人送蔡松坡先生討袁序

本社同人送李協和先生討袁序

論雲南關於歷代及近日用兵之形勢

論義戰

論敵不可縱

慰滇軍受傷士卒文

頌都督唐公撫循傷軍之盛意

唐都督勞軍之盛典

中國新英雄之紀元

書東大陸主人言志錄後

文苑

東川唐冀慶先生近作

李協和先生近作

選載

梁任公辭職南下後致袁世凱書

梁任公致滇中各將校士卒書

梁任公在軍中敬告國人

康南海勸袁世凱退位書

袁世凱偽造民意鐵証書後

岑西林回國討袁之宣言

祝民國五年

讀唐都督誓師戒律感言

共和軍與袁軍勝負之推測

附錄

目次

義聲日報社職員一覽表



弁言

大盜穰國滇南聲義而義報
報社同時埒義軍而崛起即
義軍所未履之域而義報無
不先播焉天殪元凶還我共
知天人翁應夫豈偶然滌污

護垢作新國民建設早亟懲
前愆後紀述具存是用分編日
報分期彙刊以餉海內之籌國
事談國故者異日國家危史
吾知其必有取於斯中華民
國五年秋日石礪老人



圖

畫

爰
仙

雲南首義偉人督唐繼堯莫廢



淵冲其度
潛粹其容
心弘包與
志切大同
提師首義
奮討元兇
光金碧之
日月調歐
亞之雨風
蓋中夏特
挺之偉人
而媿新大
陸華盛頓
林肯之雄
同人公贊

雲南首義偉人第一軍總司令蔡錕松波



其肅若日
其和如春
深沈大度
機警絕倫
手提共和
力掃妖氛
一身所動
天下皆驚
衡嶽間氣
鍾此偉人

同人公贊

雲南首義偉人第二軍總司令李烈鈞協和



英雄先識
曾討項城
滇今首義
復與同盟
總師北伐
東亞蜚聲
望天人之
眉宇抱孔
墨之熱誠
是捲土而
重來者僉
頌之為李
西平
同人公贊

雲南首義之偉人前巡按使任可澄志清



俊傑識時
贊襄首義
討彼神奸
迴殊俗吏
炎炎大文
聲震天地
仰風度之
端凝挹冰
懷之雅粹
是不愧斗
南一人凡
國民皆知
其姓字
同人公贊

要

極
部

電

要電

雲南首義致北京政府請永除帝制擁護共和並嚴懲楊度孫毓筠諸人電

北京大總統鈞鑒。華密自國體問題發生。羣情惶駭。重以列強干涉。民氣益復騷然。僉謂誰寔召戎。致此奇辱。外侮之襲。責有所歸。乃聞頃猶籌備大典。日不暇給。內拂輿情。外貽口實。禍機所醞。良可寒心。竊維我大總統兩次即位。宣誓皆言恪遵約法。擁護共和。皇天后土。實聞斯言。億兆銘心。萬邦傾耳。記曰。與國人交。止於信。又曰。民無信不立。食言背誓。何以御民。綱紀不張。本實先撥。以此圖治。非所敢聞。計自停止國會。改建約法以來。大權集於一人。凡百設施。無不如意。憑藉此勢。以改良政治。鞏固國基。草偃風從。何懼不給。有何不得已。而必冒犯叛逆之罪。以圖變更國體。比者代表議決。吏民勸進。擁戴之誠。雖如一致。然利誘威迫。非出本心。作偽心勞。昭然共見。故全國人民。痛心切齒。皆謂變更國體之原動力。實發自京。

師其首禍之人皆大總統之股肱心膂蓋楊度等所倡之籌安會煽動於前而段芝貴等所發各省之通電促成於繼大總統知而不罪民惑實滋查三年十一月二十四日申令有云民主共和載在約法邪說惑衆厥有常刑嗣後如有造作譎言紊亂國憲即照內亂罪從嚴懲辦等語楊度等之公然集會朱啓鈴等之秘密電商皆爲內亂重要罪犯證據鑿然應請大總統查照前項申令立將楊度、孫毓筠、嚴復、劉師培、李燮和、胡瑛、段芝貴、朱啓鈴、周自齊、梁士詒、張鎮芳、袁乃寬等即日明正典刑以謝天下渙發明誓擁護共和則大總統愛國守法之誠庶可爲中外所信而民怨可稍塞國本可稍定矣堯等夙承愛待忝列司存既懷同舟共濟之誠復念愛人以德之義用敢披瀝肝膽敬效忠告伏望我大總統改過不吝轉危爲安民國前途實爲幸甚再者此間軍民痛憤久積非得有中央永除帝制之實據萬難鎮勸以上所請乞於二十五日上午十點鐘以前賜答臨電零涕不知所云謹率三軍翹企待命開武將軍督理雲南軍務唐繼堯雲南巡按使任可澄叩漾印

雲南首義通告各省請同伸義憤擁護共和電

各省將軍巡按使護軍使都統鎮守使師長旅長團長各道尹公鑒并請轉各報館鑒天禍中國元首謀逆蔑棄約法背食誓言拂逆輿情自爲帝制卒召外侮警告迭來干涉之形既成保護之局將定堯等忝列司存與國休戚不忍艱難締造之邦從此淪胥更懼繩繼神明之胄夷爲皂圍連日致電袁氏勸戢野心更要求懲治罪魁以謝天下所有原電迭經通告想承鑒察何圖彼昏曾不悔過狡拒忠告益煽逆謀夫總統者民國之總統也凡百官守皆民國之官守也既爲背叛民國之罪人當然喪失元首之資格堯等深受國恩義不從賊今已嚴拒僞命奠定滇黔諸地爲國嬰守并檄四方聲罪致討露布之文別電塵鑒更有數言涕泣以陳諸麾下者閱牆之禍在家庭爲大變革命之舉在國家爲不祥堯等夙愛平和豈有樂於茲役徒以袁氏內罔吾民外欺列國召茲干涉既瀕危亡苟非自今永除帝制確保共和內安外攘兩窮於術堯等今與軍民守此信仰舍命不渝所望凡食民國之祿事民國之事者咸激發天良申茲大義若猶觀望或持異同則事勢所趨亦略可預測堯等志同填海力等戴山力征經營固非始願所在以一敵八抑亦智者不爲麾下若忍於旁觀堯等亦何能相強然

量。靡。下。之。力。亦。未。必。能。摧。此。土。之。堅。即。原。靡。下。之。心。又。豈。必。欲。奪。匹。夫。之。志。苟。長。此。相。持。稍。巨。歲。月。則。鷓。蚌。之。利。真。歸。於。漁。人。而。箕。豆。之。煎。空。悲。於。轢。釜。言。念。及。此。痛。哭。何。云。而。堯。等。則。與。民。國。共。死。生。靡。下。則。猶。爲。獨。夫。作。鷹。犬。坐。此。執。持。至。於。亡。國。科。其。罪。責。必。有。所。歸。矣。今。若。同。申。義。憤。相。應。鼓。桴。所。擁。護。者。爲。固。有。之。民。國。七。豎。不。驚。所。驅。除。者。爲。叛。國。之。一。夫。天。人。同。慶。造。福。作。孽。在。一。念。之。危。微。保。國。覆。宗。待。舉。足。之。輕。重。敢。布。腹。心。惟。靡。下。寔。圖。利。之。

雲南首義勸各軍隊照常辦事並切實保護外國教堂教士等電

雲南各局分送各師旅團營長覽。自國體問題發生以一人之私意二三佞幸之弄權致令全國人心囂然不靖。馴至外人羣起干涉五國警告頻來辱國喪權於斯爲甚。而大總統曾不悔禍。堅欲實行舉國皇皇懼禍至之無日。故主張取消帝制之議。人心實已大同。現由多數省分軍民長官往返密商。并擬聯電中央。切實勸告。速下取消帝制之明令。更爲擁護共和之宣言。戮力同心。務達目的。本將軍斟酌國勢。顧念民依。不能不一致進行。已於本日列電入告。惟茲事體大關國存亡。誠恐各屬吏民未能深悉。此意尤慮。

少數匪徒或竟乘間造謠各地人心不免驚擾各該師長等責任所關無可諉貸務各照常辦事禁絕浮言各保地方之治安靜待茲事之解決至於內地之外國教堂教士以及遊歷外人各口岸外商尤當督飭所屬照約切實保護毋得稍有疏失致碍邦交大局攸關幸勿忽視特電將軍印

雲南陸軍第一二師長旅長通告各省請掃除帝制重建共和電

除四川外分途各省將軍巡按使鎮守使各師旅長都統均鑒吾國肇建共和於茲四載民情大順國度方新乃袁氏野心自爲帝制元兇逢熙玩全國於股掌譸張誦詐薄海痛心重以五國警告大局岌危而袁氏猶悍然不顧積極進行甘以四萬萬人爲犧牲全國土地爲代價眞千古未有之神奸曠世未遭之劫運也全國人民同深怨憤滇省軍民尤爲痛心石爛海枯誓不從命昨日業由本省唐將軍任巡按使徑電袁氏要其取消帝制懲辦元兇限二十四小時內答覆并通電各省軍政長官計蒙鑒察子貞等全體軍人協同一致此舉實爲保存我中華莊嚴璀璨之民國剗削千古未有之奇恥純出於愛國熱忱并無一毫權利意氣之見存乎其間堂堂

正正大義昭然當爲天下人民所共諒。尙希奮袂而起。合力同心。掃除帝制。重建共和。不勝翹企待命之至。雲南陸軍第一二師長張子貞劉祖武旅長孫永安趙鍾奇劉雲峯暨全體軍官同叩。

滇黔舉義通告各省共興義舉請勿存心觀望坐誤機宜電

各省將軍巡按使各鎮守使護軍使各都統鈞鑒。前陳兩電計蒙鑒察。袁氏違法背誓。背叛民國。凡有血氣莫不痛心。矧在服民國之官。食民國之祿者。迺電告已一週。間響應者固不乏人。尙有多省未聞同申大義。一致進行。見義不爲當仁。而讓坐失事。機宜不可惜意者。豈有戀於袁氏之爵祿。不欲舍棄耶。夫袁氏爵賞之濫。亦可謂空前絕後矣。羊頭寵婢。盡授官階。走卒販夫。咸膺爵位。物以稀而可貴。袁氏名器之濫。如此。豈尙有價值之可言。果能同舉義師。拔彼趙幟。共和復故。民國重新。則是烈烈轟轟。光耀千載。以視彼燭火之虛榮。冗濫之官秩。曾腐鼠之不若矣。又豈有感於袁氏之私惠。不忍背棄者耶。吾人所受之官祿。民國之官祿也。受爵公庭。謝恩私室。君子鄙之。何私惠之足云。况袁氏要結。雖工而陰。很實甚。附我者則象之。如犬馬。異己者則誅之。如寇讎。爲怨爲德。何常之有。今

日以私恩之故徘徊猶豫異日功狗之烹可翹足而待與其噬臍後悔何如及早決心左提右擎成功可必保節全身在茲一舉不然其必以君憲政治爲真可行耶姑勿論世界文明已趨共治君主國體日在淘汰之中即就現政而論袁氏就職以來摧殘輿論濫耗庫儲生殺由心法律芻狗民生困敝呼訴無門名爲共和總統實無異於君主專制凡所設施皆以爲其私耳所謂福國利民者安在哉其爲總統猶橫恣如是則異日之君主可知今若戮力同心剷除帝制推倒袁氏重建共和則法美之良規具在我中華民國巍然繼起於東亞大陸矣舍此三者之外則必其劫於積威之故而不敢發難不知自籌安會發生以來薄海人民同深憤恨賢達君子高舉遠引衆叛親離已成獨夫攘臂一呼行見衆山皆應摧枯拉朽可操券而決又或狃於目前之安憫念民生之苦不欲變動貽累地方不知見小利者反致大害懷安樂者反貽困苦况今日我國民之困敝甚矣不改絃而更張之又何樂利之可言今茲之舉正所以去苦害之域臻樂利之境除帝制之毒復共和之庥安之大者也人類以求安爲目的不此之求復何求哉繼堯等計畫已定著著進行但有進死更無退生非達到還我共和國

要電 滇黔舉義通告各省共興義舉請勿存心觀望坐誤機宜電

之目的不止諸公皆當世賢俊手造民國忍使莊嚴燦爛之名邦墮於浩劫而不復耶神州陸沉誰尸其咎同舟共濟大有其人恐著鞭之先我願負弩以前驅切盼深諒熱忱共興義舉機緣可惜宏願必償蓋以正勝邪以直勝曲自然之驗必至之符也幸勿存心觀望坐誤機宜甘作公民之敵自貽後至之羞萬世千秋永為世界人之話病則幸甚矣臨電神馳貯聆好音唐繼堯蔡鏜劉顯世任可澄戴戡同叩全印

滇黔舉義諸公致駐各國公使務望同伸義憤電

倫敦 波爾多 維也納 柏林 羅馬 東京 中國公使鑒袁氏背叛民國帝制自為內拂輿情
 華盛頓 彼得勒格 柏林 羅馬 東京

外召干涉迭經勸告怙惡不悛繼堯受職民國祇知鞏固共和現已糾合義軍嬰守滇黔嚴拒偽命傳檄聲罪共逐獨夫地方安軍民揚厲公等銜民國之命當必效忠宣勤務望鼎力維持同伸義憤不勝盼禱唐繼堯蔡鏜任可澄劉顯世戴戡叩

雲南軍府覆各省將軍巡按使暨各長官電

分送南甯陸上將軍王巡按使安慶倪將軍李巡按使浙江朱將軍河南趙將軍田巡按使山西閻將軍金巡按使福州李護軍使許巡按使吉林王巡按使上海楊鎮守使盧師長齊

齊哈爾朱將軍張家口張都統鑒華密賜電敬悉懼左右不察謂堯等前電係出脅迫或別有原因敢掬血誠再塵清聽君主民主本無絕對美惡可言堯等亦非有憾於袁氏也惟職此之故致國家主權喪失殆盡則堯等尙有天良萬難承認此次籌安會發生之離奇事務局選舉法之乖謬段梁等種種密電之舞弊諸公同處局中更何諱飾則主張帝制之是否民意自不待言如謂前此何以不言則如黎段徐諸公皆海內人望袁氏故人言之無效且得罪矣堯等言之徒取戾耳如謂前已贊成何復反對則袁氏不憚弁髦約法背棄誓言堯等此舉更何足異且前此亦欲以全體贊成俾袁氏少全顏面仍徐冀其警覺還自取消庶對內對外威信不至全墜此區區之意而不意袁氏之悍然不顧終出此下策也至謂外交困難近將解決尤非事實夫五國干涉寧苟而已某國處心積慮尤爲昭揭但不惜犧牲一切權利悉聽要求則何不可解決者特不知國體解決後我國民尙有死所否耳要之袁氏一意倒行國亡已決堯等今日亦是死中求活倣倣萬一且借以風示外人使知吾國人心未死冀少戢其野心至成敗利鈍非所敢知是在我全體國民之自決而已我公洞明大局於國家存亡之故計之已熟袁氏難共憂患亦所深知賢

如芝。泉。甘。爲。鷹。犬。如。趙。智。庵。王。治。馨。結。果。如。斯。可。爲。殷。鑒。我。公。寧。忍。自。絕。生。機。張。其。凶。燄。惟。乞。始。終。爲。國。不。盡。百。一。翹。盼。明。示。繼。堯。可。澄。卹。儉。印。

滇黔舉義聲討袁逆之通電一

十萬火急各省上將軍將軍巡按使護軍使鎮守使各都統並轉各軍師旅長各道尹各知事各商會農會教育會各學校各報館公鑒嗚呼天禍中國實生妖孽袁氏以子孫帝王之私致意兆生靈之禍怙終不反復諫無親既自絕於國民義不同其履戴敢聲其罪與衆討之袁氏昔在清廷久竊權位不學無術跋扈飛揚凶德既已彰聞朝端爲之側目迨民軍首義之日及清廷遜位之時袁氏兩端首鼠百計媚狐以孤兒寡婦爲大可欺以天災人言爲不足畏跡其侮弄神器睥睨君親固已路人知司馬之心識者有沐猴之嘆惟時我邦人諸友念風雨之漂搖懼民生之塗炭永懷國難力奠邦基故贛寧之役無功而皖粵之師亦挫乃袁氏恃其武力遽即驕盈蹂躪人權弁髦法治國會加以解散自治橫被摧殘異已削迹於國中大權獨操於一手彼固曰是可以有爲矣卒之無補時艱不保中立濟南自拓夫戰域遼東復展其租期甚至俯首爲城下之盟被髮有陸沉之痛嗚呼我國民之忍辱含垢爲

已甚矣。袁氏之力圖湔雪，以求報稱，宜何如者？何圖異想，忽開野心，愈肆元首謀逆，帝制自爲。籌安會發生於前，請願團繼起於後，等哀章之金匱，假疆華之赤符，對內國人民，則謂外議之一致，於外交方面，復假民意以相欺，自奮獨夫之私欲，掩天下之目。嗚呼！永除專制，夫已氏口血未乾，難拂民心，清帝之詔書具在，無信不立，寧得謂人食言而肥？何以爲國？因之外侮自召，警告頻來，干涉之形既成，保護之局將定。此時楊再思一日天子，寧復有人間羞惡之心？他日石敬瑭半壁河山，更安有吾民視息之所興言？及此哀痛，何云夫總統一國之元首，中外所具瞻也。今袁氏躬爲叛逆，自失元首之資格，斯其醜行涼德，固有無能爲諱者。更舉其略以告國人：南北和議初成，黨人歡迎南下，袁氏欲留無辭，乃煽動兵變，以爲口實。京津一帶，慘付劫燒，張家口兵變，首亂不過數人，而全軍咸遭坑殺，逞一己之淫威，輕萬衆之身命，是爲不仁。黎副總統一代元勳，功在民國，段陸軍總長當世人傑，志尤忠純，皆袁氏股肱心膂也。徒以反對帝制之故，積彼猜疑，瀛台等羑里之囚，西山有雲夢之辱，近傳惡耗未卜，存亡歎烏喙之凶，殘悲烏弓之俱盡，是謂不義。梁士詒、段芝貴、張鎮芳、袁乃寬、楊度、胡瑛、顧鼈輩，皆市井小人，頑鈍無恥，袁氏利其奔走，任以鷹犬之材，梁等遂竊威權，肆其狼狽。

之技羣邪並進一指當前望夷之禍匪遙輪臺之悔何及是謂不智當和議初起袁氏握清廷全權每語人曰吾誓不作總統及叛跡已露中外咸知袁氏猶曰公等若再以帝制相迫則我必逃英倫言猶在耳今竟何如是謂不信辛壬之際義旅同興爭冒死以圖功更舉國以相授袁氏之有今日伊誰之力乃動矜禪讓橫肆誅夷謂不殺于謙則此舉無名謂苟無曹瞞則幾人稱帝功反爲罪生者之身已冤死而有知地下之目豈瞑是謂不讓又若財權集於內府計部徒建空名大借款以鹽稅抵押用途始終秘密長蘆運鹽公司獨占商利壟斷聞亦同登袁乃寬梁士詒張鎮芳袁氏之聚斂臣也交通銀行袁氏之外府也甚至以一國之元首而寄私產於他邦騰笑外人貽羞當世其寡廉鮮恥有如其者尤可異者顯違親訓陌視孔懷乖戾已深本實先撥宮門喋血患已伏於隱微斗尺尋仇禍恐烈於典午彼宗且覆吾國何存哀我無告之人民忍與昏暴而俱盡哉昔者董逃未唱關東州郡同盟莽竊初成兩河義軍並起今袁氏之罪更浮於二凶民國之危尤甚於季漢而且孫皓與下多忌祖約褊阨不仁孟津之八百不期牧野之三千愈奮斯其時也各省軍民長官身爲共和官吏實繫大局安危必能揮士行之義旗標茂宏之大節舉足輕重立判存亡其有海內顧廚

先朝耆碩在昔首陽。貶節原知。心在國家。於今大盜潛移。寧肯助其亂逆。諒同義憤。請共驅除。至若南陽舊部。新室故人。誰非國民。豈任私隱。况悲涼風於斛律。剗地難除。感大樹之飄零。長城已壞。難共憂患。請視韓彭。其必有倒戈以圖奮袂而起者乎。自餘各界人士。雖未與人軍師之謀。應念興亡有責之義。則匹夫蹈海。義感邦君。小吏登壇。節厲羣后。於古有之。是所望也。堯等痛念阽危。誠發宵寐。力雖窮於填海。志不挫於移山。請負弩以先驅。冀鼓桴之相應。將與摧公路之枯骨。走楊越之居尸。義聲播而黃河清。大旆指而幽雲捲。然後保固有之。民國定再造之。舊邦解此倒懸。綿我華胄。天下自此定矣。諸公其有意乎。乃若覬延漏刻。眷戀窮城。等防后之稽誅。效蜚廉之死紂。則師直爲壯。助順者天。何枯朽之能支。將身名之並裂。幸毋貽悔於他日。庶其有感於斯文。唐繼堯蔡鍔任可澄劉顯世戴戡暨軍政全體同叩感印。

滇黔舉義聲討袁逆之通電二

徐州巡閱使分送各省將軍巡按使護軍使各鎮守使各師旅團長各道尹各報館熱河察哈爾歸化綏遠都統均鑒。有日所發檄文。諒已達覽。惟尙有未盡之義。謹再掬誠報告如下。

期 一 第

慨自晚清失政國命阽危我國民念競存之孔艱當元二年之交舉國喁喁望治愛國之士不惜犧牲一切與袁氏相戮力豈其有所私於一人冀藉手以拯此垂亡之國而已袁氏受國民付託之重於茲四年在政治上未嘗示吾儕以一線之光明而汲汲爲一人一家怙權固位之私計受事以來新募外債逾數萬萬其用途無一能相公布歐戰發生外債路絕則專謀搜括於內增設惡稅強迫內債更懸重賞以獎勵掎克之吏不恤竭澤而漁以致四海困窮無所控愬問其聚斂所入則惟以供籠絡人士警防家賊之用而於國務絲毫無與對外曾不聞爲國防之計畫爲國際經濟競爭之設備徒弄小智小術以取侮於友邦致外交着着失敗對內則全不顧地方之利害不恤人民之疾苦盜賊充斥未或能治冤獄填塞未或能理摧殘教育昌言復古壟斷實業私爲官營師嬴政愚弱黔首之謀尊弘羊利出一孔之教法令條教紛如牛毛朝令夕更自自犯使人民無所適從而守法觀念馴至漸滅以盡用人則以便辟巧佞爲賢以苛酷險戾爲才忠讜見疏英俊召嫉遵妾婦之道則立躋高明抱耿介之志或危及生命以致正氣銷沉廉恥掃地國家元氣斷喪無餘凡此政象萬目具瞻以較前清黑闇泯焚奚啻什倍我國民既懲破壞之不詳復諒建設之匪易含辛忍痛

冀觀後效。掬誠側望。亦既數年。方謂當今內難已平。大權獨攬。列強多事。邊患稍紓。正宜奮臥薪嘗膽之精神。拯一髮千鈞之國命。何圖彼昏百事。弗恤惟思。覬覦神器。帝號自娛。背棄口宣之誓言。干犯公約之憲典。內罔吾民。外欺列國。授意鷹犬。徧布爪牙。劫持國人。使相附和。良士忠告充耳。弗聞輿論。持正翻成罪狀。以致怨毒沸騰。物情惶駭。農輟於隴。商閉於廛。旅梗於途。士歎於校。在朝節士。相率引退。伏莽羣戎。伺機思逞。馴至列強干涉。警告再三。有嚴密監視之宣言。作自由行動之準備。夫以一國之內政。乃至勞友邦之容喙。奇恥大辱。甯復堪忍。誰謂爲之。乃使我至於此極也。今猶不悛。包羞怙惡。彼將遂此。大欲鑿其禍心。苟非效石晉割地稱兒之故技。必且襲亡清獎拳排外之覆車。二者有一於此。則吾國永沉九淵。萬劫甯復。先聖不云乎。亂賊之罪。盡人得而誅之。况乃受命於民。爲國元首。叛國之事實。既已昭然。賣國之陰謀。行且暴露。此而不討。則中國其爲無人也。已嗚呼。國之不存。身將焉託。而立國於今。抑何容易。人方合兆衆爲一體。日新月異。以改良其政治。稍一凝滯。不進已岌岌焉。爲人魚肉。是懼况乃逆流回棹。欲襲中世紀東方奸雄之伎倆。弋取權位。而謂可以奠國家安社稷。稍有常識者。當知其無幸也。袁氏對於國家。既瞞然不自知其職責之所在。對

於世界復瞽然不審潮流之所趨其政治上之效績受試驗於我國民之前者亦既有年所餘者惟纍纍罪惡汚我史乘他復何有就令忱於名分不敢明叛國體然由彼之道無變彼之術亦惟有取國家元氣旦旦而伐醞釀大亂以底於亡況當此禍至無日之時乃更有帝制自爲之舉譬猶熟視父母宛轉屬續而復引刀以殊之別有肺腸是孰可忍數月以來淫威所煽勸進之辭所在多有彼方假借指爲民意冀以竊譽當時掩罪後史實則羣公之權宜承旨或出於顧全大局投鼠忌器之苦心或懷抱沉幾觀變待時而動之遠識豈其心悅誠服甘作貳臣狂走中風殉茲戎首堯等或任職中樞或濫竽專閫爲私計則輝顯逾分更何所求與袁氏亦共事有年豈好違異徒以勢迫危亡間不容髮邦之杌隉實由一人亦既屢進痛哭之忠言力圖最後之補救奈獨夫更無悔禍之心即兆衆日在倒懸之域是用率由國憲聲罪致討翦彼叛逆還我太平義師之興誓以四事一曰與全國民戮力擁護共和國體使帝制永不發生二曰畫定中央地方權限圖各省民力之自由發展三曰建設名實相副之立憲政治以適應世界大勢四曰以誠意鞏固邦交增進國際團體上之資格此四義者奉以周旋下以

徵福於國民。上以祈鑒於天。日至於成。敗利鈍。非所逆睹。惟行乎心之所安。由乎義之所在。在天相中國。其克有功。敢布腹心。告諸天下。唐繼堯蔡鏗任可澄劉顯世戴戡張子貞劉祖武叩卅一印。

雲南政府飭各道縣及各員照常任事電

急。雲南各道尹各縣知事各行政委員各分治員各厘員均覽。查官員擅離職守。國有常刑。况值義師初舉。民心未定。各該員等或有表率之責。或膺地方之寄。或司國帑之重。亟宜照常任事。并加意振作。相與維持秩序。保裕餉源。如有未奉命令擅離職守。更或棄職潛逃。置地方安危國欸盈虧於不顧者。定即從嚴查拏。照軍法分別懲治。以爲不明大義者戒。本將軍巡按使言出法隨。各宜凜遵。勿輕嘗試。仰即知照。軍巡卅一印。

雲南張劉兩師長嚴拒僞命之通電

北京政事堂統率辦事處參政院各省將軍巡按使護軍使宿州巡閱使熱河綏遠察哈爾都統川邊鎮守使並轉各鎮守使各師旅長均鑒。民國肇建。四載於茲。內治粗安。與國敦睦。循此不變。本可徐致富強。乃袁氏妄肆。更張僭爲帝制。民情不順。列強干涉。喪權害國。已無

餘地稍有血氣甯不痛心前經本省唐將軍任巡按切電勸告冀其改轍子貞等亦經通電贊同共圖挽救諒並達覽在滇人擁護共和原屬萬衆一心而子貞等忝總師干職責所在尤應維持國是將順民情乃愛國有心回天無力迫至今日勢非得已耿耿此心當蒙共諒詎近接京電有加子貞將軍銜暫代督理雲南軍務暨加祖武少卿銜代理雲南巡按使之命是欲餌以利也子貞等出萬死不顧一生之計興斯義舉純係出於愛國之一片熱誠既非威所能脅亦豈利所能動皇天后土靈爽式憑公等同爲民國分子爲一人計爲一國計孰得孰失諒能自擇所望戮力同心共伸大義以從民欲而奠國本則國家幸甚謹肅電奉佈幸垂鑒焉滇第一師師長張子貞第二師師長劉祖武同叩

雲南政府致各省電報局勿積壓明密各報電

各省電報總分局均鑒袁賊謀逆禍國招侮薄海痛憤羣思得而甘心繼堯等不忍民國之淪亡敬竭棉薄爲國前驅耿耿愚誠具詳通電知蒙鑒察現在各省聯合同申義憤次第發動日有好音袁賊之亡可立而待但軍事之消息遲速不同則成敗攸分故電報傳達關係

全。局。當。此。風。聲。鶴。唳。之。日。袁。政。府。嚴。重。檢。查。明。密。電。報。易。致。積。壓。恐。誤。事。機。諸。君。子。熱。忱。愛。國。務。懇。格。外。力。勤。勿。論。何。處。明。密。報。隨。到。隨。發。力。避。積。壓。事。機。緊。急。之。時。一。紙。電。碼。直。賢。於。十。萬。師。他。日。克。奏。膚。功。凡。我。國。民。皆。拜。諸。君。子。之。賜。矣。夙。夜。劬。勞。爲。國。珍。衛。唐。繼。堯。任。可。澄。印。

雲南軍府覆北京政事堂統率辦事處之通電

萬。急。北。京。政。事。堂。統。率。辦。事。處。各。省。將。軍。巡。按。使。并。轉。鎮。守。使。宿。州。巡。閱。使。承。德。張。家。口。歸。化。都。統。上。海。福。州。貴。陽。甯。夏。護。軍。使。鑾。堂。處。寢。電。具。悉。約。其。要。旨。一。謂。列。國。勸。告。之。并。非。干。涉。一。謂。變。更。國。體。之。全。出。民。意。故。以。滇。電。各。節。爲。自。認。干。涉。任。意。造。言。請。再。致。膚。辭。幸。垂。聽。焉。夫。一。國。內。政。乃。至。容。他。人。之。置。喙。奇。恥。大。辱。甯。尙。可。言。彼。將。曰。我。非。干。涉。我。亦。曰。是。非。干。涉。特。友。誼。之。勸。告。云。耳。政。府。諸。公。必。俟。他。人。之。舉。刃。加。頸。而。始。謂。之。干。涉。耶。世。固。有。亡。其。國。奴。其。種。猶。日。號。於。衆。曰。我。尊。重。其。主。權。也。我。特。代。理。其。內。政。也。非。有。利。於。彼。也。彼。國。之。君。若。臣。固。有。於。宗。覆。社。屋。而。後。猶。自。謂。國。之。尙。存。權。之。未。失。者。此。固。不。乏。先。例。政。府。諸。公。其。謂。之。何。至。欲。知。變。更。國。體。之。是。否。民。意。則。當。視。發。起。茲。議。之。爲。何。人。與。辦。理。茲。事。之。何。等。手。續。籌。

安會請願團發起諸人非袁氏之爪牙心腹卽僉壬壽張衆所不齒欲藉此以階進者也其能否代表民意國人自有公論若夫國民代表會選舉法之謬妄支離梁士詒朱啓鈴顧鼇輩種種通電之蒙蔽舞弄堯等尋將加以輯錄刊布中外則此舉之是否民意可無費詞政府諸公同處局中更無俟深辨矣至如滇中兩次勸進別具苦衷則固有說國於大地君主民主皆可爲治在施治何如耳國體問題初起特疑發起之非其人與發生之非其時而梁朱輩日馳電告則皆謂內外之一致果如所言何敢立異乃未幾而五國之勸告迭來未幾而各省辦理選舉之醜態畢露當以爲內外情勢旣已如斯中央非極愚闇審罔聞見各省仍復勸進中央自必轉圜則對內對外威信差可不墜猶爲國家之福而不意悍然不顧竟出此下策也各省諸公一致贊成心理當不相遠審皆隨波逐流中風狂走哉度并有所不得已也堯等當事機至迫之時亦旣披瀝腹心敬效愚慮乃荏苒經旬略不置顧始迫於全體軍民之要求不得已而出此最後之忠告皇天后土實鑒此心政府諸公會不悔禍猶謂任意造言誣讎我全國官吏欲以少數人違心蔑理之詞掩蔽天下人之耳目且以爲本無干涉而自招本無外侮而自啓本無奇辱而自求竊謂此政府諸公之自道尤冀諸公就良

心。上。一。爲。判。決。也。要。之。國。事。至。今。寧。止。可。爲。痛。哭。堯。等。萬。死。不。顧。一。生。惟。知。有。國。他。非。所。論。不。辭。縷。縷。幸。鑒。區。區。唐。繼。堯。任。可。澄。全。叩。印。

雲南軍府覆武昌王上將軍段巡按使電

火。急。武。昌。王。上。將。軍。段。巡。按。使。鑒。有。電。敬。悉。矢。志。救。國。人。同。此。心。惟。中。華。民。國。之。人。應。救。中。華。民。國。聖。人。復。起。不。易。斯。言。袁。氏。謀。覆。民。國。在。約。法。爲。叛。逆。若。云。民。意。則。國。體。投。票。挾。詐。弄。術。純。由。造。作。是。否。民。意。箇。中。人。何。必。自。欺。前。次。勉。徇。亂。命。舉。行。投。票。及。通。電。勸。進。并。非。有。意。從。逆。徒。以。袁。氏。多。詐。故。姑。與。委。蛇。以。稔。其。惡。而。速。其。亡。耳。幸。勿。誤。會。謂。係。中。變。此。心。此。理。各。省。從。同。自。帝。制。問。題。發。生。以。來。人。心。皇。皇。怨。讟。譁。起。工。商。輟。業。市。肆。夕。驚。京。外。正。人。君。子。引。避。逃。亡。朝。署。爲。空。此。種。情。形。有。目。共。覩。人。心。瓦。解。此。豈。謠。言。而。况。五。國。警。告。至。再。至。三。干。涉。之。機。括。已。露。搪。塞。之。空。言。何。補。不。自。斂。抑。恐。石。敬。塘。張。邦。昌。之。故。事。行。再。見。於。今。日。內。審。輿。情。外。察。邦。交。亂。象。敗。徵。不。寒。而。慄。繼。堯。等。中。夜。徬。徨。以。爲。逆。謀。不。戢。必。不。免。於。危。亡。是。用。聯。合。各。省。仗。義。執。言。問。罪。獨。夫。改。造。政。府。各。省。軍。民。長。官。皆。國。家。之。棟。樑。非。袁。門。之。膺。犬。現。已。往。返。籌。商。各。發。戒。備。雲。從。景。合。指。顧。可。期。兩。公。熱。忱。愛。國。洞。察。時。局。較。順。逆。之。跡。計。勝。敗。之。

情幸即早決大疑。同申義憤。據左右輕重之形勢。樹南北繼起之風聲。使袁氏懾威。早遁大局。易於收拾。則再造民國。誰與比烈。若或坐昧全局。眷念私情。不顧衆叛親離。甘爲權騙術。使微論衆矢所集。已知曲直壯老之分。即能久於相持。亦徒重生靈塗炭之禍。貽強鄰漁人之利而已。況袁氏不仁。以趙智庵段芝泉馮華甫之服勤效忠。今竟何如者。即以赤心奉袁。恐兩公他日亦不免東門黃犬之嘆矣。爲國爲己。兩公幸熟權之。唐繼堯任可澄叩。

雲南軍府覆宿州張上將軍電

宿州張上將軍鑒。密宥電敬悉。危言高誼。佩感同深。此次袁氏罔民誤國。對內對外。威信全墮。聽其所爲。則種奴國亡。必無倖理。故各省主張反對。大致略同。都非得已。滇黔窮僻。堯等材復驚下。以抗袁氏。明知卵石不敵區區之意。特爲諸公負弩先驅。亦恃人心不死。必能鼓舞相應耳。在我輩推翻專制。改建共和。本爲安定國家。可告無罪於清室。若乃食言背誓。帝制自爲。微論外侮。內鬩無以爲國。即我輩對於清室。已切忖無可自解。我公眷懷故君。久而彌摯。純忠大節。海內昭然。今袁氏置國家於至危。復陷我輩於不義。下走所由憤興。度亦從者所深惡也。且袁氏何常之有。黎段諸公宣力效忠。可謂甚至。而拘囚箝辱。尙未知命在何。

時。烏。盡。弓。藏。古。今。同。慨。時。至。今。日。公。猶。不。知。所。自。處。乎。尊。處。控。制。江。淮。鎖。鑰。南。北。更。得。我。公。登。高。一。呼。必。能。使。海。內。景。從。中。外。傾。聽。舉。足。輕。重。立。判。存。亡。凡。此。曉。曉。要。非。過。計。惟。乞。亮。察。不。盡。屏。營。繼。堯。可。澄。叩。印。

雲南唐都督致旅居各省同鄉軍界電

廣州龍上將軍天津朱將軍新疆楊巡按使襄陽黎鎮守使潮陽馬鎮守使欽縣王鎮守使虎門要塞黃司令廣州陸軍第二混成旅段旅長陸軍第一師部李團長鈞鑒袁氏食言背誓帝制自爲不惜犧牲四億國民求作一日天子堯等一再諫阻略不顧瞻乃迫於全省軍民之要求奉辭伐罪將與四方豪傑除此凶殘前經電陳諒邀鑒及惟堯愚慮尙有欲陳於我同鄉諸君子之前者袁氏罪無可逭夫人知之乃或瞻望徘徊未能先發此特切於袁氏之積威抑亦成敗之故未能深察故也袁氏勢力在於北軍而段芝泉馮華甫實中分北軍之勢力今以反對帝制故段既被毒馮亦遭忌朔方健兒罔不解體北通拱衛軍尙且譁變遑論其他衆叛親離獨夫而已此其勢力更何足畏至於遠賢親佞立致傾頹古今中外理莫能易乃梁士詒張鎮芳段芝貴楊度顧鼇輩皆讒諂小人頑鈍無恥袁氏則引爲心膂

期 一 第

任以爪牙。其有當代名流。如梁任公。徐東海。張季直。湯濟武。諸人。則皆放流竄逐。不保朝夕。讒人高張。正士碎首。瓦解土崩。可爲痛哭者也。夫一國之元首。中外所具瞻也。袁氏逆世界之潮流。而施專制。復乘歐戰之機會。以便進行。外飾內欺。無所不至。然袁氏之肺肝。如見外人之耳目。難逃以故。警告頻來。已窮因應。醜行畢露。無可彌縫。遂使全國蒙羞。五洲騰笑。袁氏而尙有廉恥。早已銷聲匿跡。寧復儼然。民上而不慚。吾民而猶有血氣。亦豈低首下心。宴然爲之。臣妾而不怒乎。吾滇人士。痛國維之不張。懼禍至之無日。爰整義旅。誓除神姦。首事不過。經旬風聲。已播全國。各省軍民。長官除袁氏少輩。鷹犬甘附。亂逆外莫不秣馬厲兵。爭爲響應。各埠僑商。聞風歡忭。亦復慨輸鉅款。以餉義師。振臂一呼。立致百萬事之易集。前所未有也。夫袁氏曩所恃以侮弄一世者。勢利富厚耳。今官中烏喙。已不復有。與共憂患之人。即竈下羊頭。更何足爲收拾人心之具。尸居氣盡。鼯鼠技窮。義軍所臨。豈有不滅者哉。昔湘軍以一隅之衆。轉戰至十八行省。延垂亡之清祚。更數拾年。雖其効忠非人。而義氣之盛。助烈之隆。猶稱當世。滇軍自民國以來。仗義卹鄰。戰功久著。今更不惜捐千數百萬人。之頂踵。以赴國家之難。成則爲一旅之興。夏不成。亦可爲五百之殉。田

此亦千載一時之會也。諸公滇中人，豪海內，物望並膺，重寄於閩外。久播威稜於國中，當民國締造之初，莫不有後先奔走之力。忍見大盜潛移，舉神明之胃裔以殉一人，且使大好之山河永淪萬劫乎？所冀奮袂羣興，揮戈並起，或據其肘腋，或按其腹心，犄角之形既成，首尾之勢相應，必能殲此羣醜，保我民國。施聲譽於無窮，奠共和於奕世，國家之福，桑梓之光也。鄉父老子弟，延頸跂踵，以望諸公久矣。公其有意乎？堯等力慚填海，志切回天，惟我里仁同此袍澤，羣力羣策，所望於諸公愛國愛鄉，請充此一念，敬申誠悃，逖聽義聲，唐繼堯叩寒印。

雲南護國第一軍蔡總司令整隊北伐通告各省電

各省都督將軍巡按使護軍使鎮守使師旅長道尹各商會報館均鑒。前會滇黔兩省勸阻帝制，良念風雨漂搖，不堪再經擾亂。如果袁逆悔禍，則吾言見用，弭患無形。我輩雖以言見嫉，終身願願，尤所甘心。不圖彼昏不悟，置若罔聞，尤復日肆狡謀，內則輦金四出，羽檄紛飛，揮國帑若泥沙，驅國軍若犬馬。外則輸誠通款，乞憐外人，以國家為犧牲，引虎狼以自衛。迹

其。憤。亂。昏。暴。直。鎔。王。莽。董。卓。石。敬。瑭。張。邦。昌。於。一。治。似。此。遺。臭。心。甘。遷。善。路。絕。更。無。委。蛇。遷。就。之。餘。地。故。萬。不。得。已。會。商。滇。黔。與。袁。告。絕。滇。督。唐。公。黔。督。劉。公。皆。忠。義。奮。發。各。以。所。部。編。成。護。國。軍。以。屬。之。鏢。負。弩。之。責。既。專。絕。纓。之。志。已。決。是。用。整。隊。北。行。取。道。蜀。漢。誓。清。中。原。夫。亂。賊。人。得。而。誅。好。善。誰。不。如。我。引。領。中。原。豪。傑。各。有。深。算。老。謀。尙。望。排。除。萬。難。早。建。大。義。勿。使。曹。瞞。拊。手。笑。天。下。之。易。定。遂。令。伊。川。披。髮。決。百。年。之。爲。戎。國。家。幸。甚。中。華。民。國。滇。黔。護。國。第。一。軍。總。司。令。蔡。鏢。叩。印。

雲南護國第一軍蔡總司令入蜀規定各縣劃一辦法電

滇。唐。都。督。鑒。本。軍。入。蜀。連。克。名。城。川。南。數。十。縣。官。民。望。風。來。歸。共。拒。僞。命。當。經。規。定。劃。一。辦。法。通。飭。遵。守。大。略。如。下。一。官。紳。一。律。照。常。供。職。不。加。更。動。若。擅。離。職。守。捲。款。潛。逃。者。緝。獲。按。軍。法。從。事。一。官。吏。暫。行。直。接。受。成。於。總。司。令。部。不。得。私。通。僞。廷。官。吏。一。錢。糧。稅。課。仍。照。向。章。徵。收。按。期。報。解。該。管。道。署。收。存。一。知。事。對。於。盜。匪。暫。准。便。宜。行。事。一。各。屬。應。奉。民。國。正。朔。以。遵。國。體。一。經。通。佈。各。屬。均。安。靜。若。素。秩。序。井。然。恐。遠。道。傳。訛。特。電。奉。聞。並。乞。設。法。通。告。全。國。俾。知。真。象。而。免。搖。惑。是。幸。鏢。陽。印。

雲南第二師師長兼南防剿匪軍總司令官劉祖武賀滇軍占領叙府電

雲南唐都督鈞鑒。養電敬悉。我軍於二十號占領叙府。佳音迭聽。欣忭莫名。父老騰歡。軍民稱慶。義旗所指。州郡承風。建瓴之勢已成。破竹之期可待。以正義爲干櫓。無靡不披。護共和之河山。如響斯應。捷書首報。獲勝前驅。佇看破虜。祖武枕戈待旦。聽鼓思飛。忝列白馬之盟。遙祝黃龍之飲。謹掬微忱。代伸慶旨。祖武叩敬印。

雲南護國第二軍李總司令烈鈞致袁世凱電

北京袁項城先生閣下。不通音問。倏逾兩載。當道遙歐。陸忽聞神武之聲。揚播中外。意閣下掌政四年。成績懋昭。我華國山河。殆莊嚴逾昔矣。夫以廣土衆民。天產閎富。睨五陸。猶有雄姿之國。閣下非其頽靡不肖。則經營數載。宜可媲美列強。不足怪異。而孰意其大謬不然。耶。刻道路轟傳。皆以閣下內爲姦謀。外媚強敵。喪權辱國。懦怯無恥。自迭次交涉失敗以來。引事指證言之。鑿鑿近益怙勢弄權。倒行逆施。妄欲奪公有之國家。私諸一人。陷當世之名節。成其僭逆。嘻。何若是之甚耶。竊觀閣下才略不如操莽。而姦猾卻更過之。國之不興。殆即

以此閣下其亦嘆予爲知言而捧腹自笑歟癸丑以還養疴異域不欲問聞世事者久矣以閣下甚敗吾國之故四方賢彥日以賊討之言來相告語哀我同族心爲惻然輒復隨滇督唐公與諸父老之後攝領師旅飛旆前行以就教於閣下頃閱閣下致滇人電不覺粲然意謂閣下擁兵數十萬方豪誇雄強驕睨一世果內不自慙儘可相見疆場奚鬼賊爲耶李烈鈞文。

雲南護國第二軍李總司令烈鈞致各省電一

各省將軍巡按使師旅長護軍使鎮守使暨各報館轉父老昆弟公鑒民國不幸帝制復活一人肆毒五族痛心國本動搖民怨沸騰都督唐公代表衆意集合羣英樹義旗於滇南作共和之保障發人所欲發行義所當行望洽蒼黎光同日月滇軍義勇旗鼓堂皇各省民軍義憤相同共起弔民伐罪之師必收激濁揚清之效從此遐邇一心軍民同仇掃除逆氛伸張民意漂搖國基實奠於此烈鈞此次歸來得瞻義舉皆諸賢達所賜撫髀聽鼙鼓謹祝義軍萬歲中華民國萬歲李烈鈞叩。

雲南護國第二軍李總司令烈鈞致各省電二

各省將軍巡按使師旅長護軍使鎮守使暨各報館轉父老昆弟公鑒前電計達滇編兩軍次第出發鈞現受都督唐公任充中華民國護國第二軍總司令力薄任重曷克勝此祇滯陽聲鼓正氣未伸悵念前途愧談往事今何幸西南奔走得隨義麾馬革裹屍必償素志然因一人之藐法迫成兄弟圍牆俯念及此又復怦然所望舉國賢豪共張大義殲除元惡早奠邦基謹貢愚誠爲民請命李烈鈞叩

雲南護國第二軍李總司令烈鈞在南甯致袁世凱電

北京袁項城先生閣下入滇後曾以一電相告謂將統我六師與足下相見於幽燕之野想已欣悉三月以來義軍戰勝攻取所向披靡我護國軍第一軍合川黔勁旅略有湘西川南本第二軍今又擊破粵軍矣桂省軍民本共夙抱亦奮然高舉矣足下抗義之兵非不可戰有國民大義臨監其前天良慚怯或不願爲逆賊效死耳義軍則不然本爲國殺賊之精神義憤赫然故雖不必悉爲勁旅械精餉裕亦一往直前誓死不顧故勇怯異形勝敗異勢足下其亦知之否耶偵聞足下攝義軍之銳勢懼刑戮之及身有取消帝制託人調停之說何遽懦怯可笑至於此也足下背叛國法早失元首資格帝與不帝特其餘事僕前謂足下才

略。不。如。操。莽。而。姦。猾。却。更。過。之。今。若。此。直。反。覆。無。恥。之。小。人。耳。操。莽。云。乎。哉。足。下。無。道。德。無。信。義。全。國。人。民。誰。不。知。之。今。欲。以。市。井。無。賴。之。口。矢。約。義。軍。之。前。以。再。售。其。使。貪。使。詐。之。術。亦。適。足。自。呈。其。醜。態。已。耳。意。謂。足。下。果。知。愧。恥。應。速。自。投。法。庭。識。其。積。惡。國。事。由。黎。副。總。統。支。持。整。頓。否。則。一。意。準。戰。尙。不。失。其。權。奸。本。色。幸。勿。癡。心。妄。想。爲。也。李。烈。鈞。宥。印。

雲南護國第一軍劉梯團長雲峯等佈告北兵在川兇殘電

急。滇。都。督。唐。行。營。總。司。令。蔡。鈞。鑒。北。兵。在。川。姦。淫。擄。掠。蹂。躪。地。方。民。怨。沸。騰。無。心。不。腐。我。軍。沿。路。撫。循。有。如。春。雨。該。軍。戰。敗。之。後。無。以。媚。賊。叙。府。之。去。誣。民。背。叛。來。助。我。軍。不。知。彼。自。安。邊。橫。江。等。役。奔。亡。相。續。不。敢。守。城。我。軍。到。後。城。中。不。但。無。兵。且。併。知。事。亦。先。亡。去。此。其。懾。我。之。威。喪。心。誘。過。罪。更。不。容。於。死。其。尤。有。可。恨。者。此。次。分。兵。數。道。圖。復。叙。城。陳。宦。既。襲。袁。賊。故。智。以。重。賞。啗。其。軍。復。示。意。入。城。後。准。其。騷。擾。殊。經。我。軍。分。頭。迎。剿。又。復。大。敗。而。該。軍。此。來。係。爲。利。誘。其。鋒。之。兇。其。心。之。毒。世。界。人。類。所。不。忍。爲。不。圖。袁。賊。用。一。人。之。私。而。率。以。害。我。同。胞。至。於。此。極。冥。穹。在。上。豈。容。此。虜。蓋。其。敗。後。羞。愧。兇。殘。遇。事。洩。忿。白。沙。場。之。役。至。燒。燬。多。戶。老。弱。婦。孺。悉。付。一。炬。敗。逃。所。過。尙。復。姦。淫。有。年。逾。五。十。尙。被。其。污。抗。拒。不。從。復。遭。槍。斃。甚。至。雞。

姦兒童亦罹兇刃在南溪縣輪姦良家姊妹二人併復殞命言之酸鼻深痛在心至於獲我之兵挖目拔舌剖腹摳心斷手殘肢種種兇狼復有令人不忍觀者將我傷兵斬去兩手求死不得求生不能其他情形視此尤慘我之所獲致待爲優傷者醫調並不歧視凡此事實中外人士所共見共聞叙城有法美兩醫院足爲明證昔韓嬰有言殺一人而得天下儒者恥焉袁賊擁兵脅民自爲帝制即不好殺已爲民國之仇何況率彼凶兵殘民以逞秉彝含識必不與彼爲謀賢智同胞當然不屑昔顧亭林以殘民衙蠹爲民虎狼夫衙蠹只剝取民財而人猶虎狼視之今袁賊之兵直養虎狼而付之翼天禍中國出此奸凶雲峯等職在戎行雖灰滅此身不忘湔洗伏願將此情形明告中外以正其罪劉雲峯鄧泰中楊綦等謹聞陽印、

雲南護國第一軍蔡總司令佈告北兵在川罪惡電一

(前略)頃接松坎戴總司令來電據殷參議長熊梯團長華團長合詞電稱逆軍數千據油羅坪經我軍連日痛擊漸次潰散餘均伏匿不出七號夜半突有油羅坪多數百姓紛紛渡河團首保正亦在其中據其口述北軍占據油羅坪後於昨午十二時大肆擄掠裝運財物

二十七船。每船能容百人。經三溪向綦江方面進發。又該逆大肆姦淫。婦女撲水死者數十人。查油羅坪爲四川天險。四周壁立。中現平原。周圍八九十里。前經張獻忠之亂。未遭蹂躪。自前月起。綦江富戶大都遷徙入內。計其財物不下數百萬。乃逆軍行同盜賊。任意擄掠。姦淫。應請將其罪狀宣布全國等語。查此次我軍前所到之地。凡川中人民慘遭逆軍種種蹂躪者。莫不泣訴軍前。研訊所獲俘虜。亦供認不諱。且擒獲逆軍各官長。在其身上搜出袁逆偽諭。縱肆淫掠證據。確鑿現值軍事孔亟。未可逐一揭布。應請先將此通電中外。使衆周知等語。逆狀如是。人道安在。凡我國民應當怒髮衝冠。速起而誅此獠也。

(後略)

雲南護國第一軍蔡總司令佈告北兵在川罪惡電二

雲南唐都督貴陽劉都督南甯陸都督松坎戴總司令廣南李總司令冕州王司令鑾北兵在川。奸淫擄掠。無惡不作。舉其所目覩者而言。逆軍敗後。其散兵壕內。民間被褥。媛女衣袴。狼籍滿地。其遺棄屍骸。戒指手鐲。輝煌滿手。非男非女。怪狀難名。每至圍攻緊急。或潰退時。迭縱火毀燒民房。幾成定例。旬日以來。牛背石雙合場及納溪附郭各處。焚燒民房。殆近千家。有時發見偽示。尙謂滇軍縱火貽害百姓。乞請專欸賑卹等語。橫暴之極。濟以貪騙人民。

身親目睹銜之刺骨故逆軍所至遷徙一空其步哨潰兵常被人民挺擊昇送本軍口操北音之人非十人以上不敢經行鄉鎮我軍所至人民舞蹈歡迎逃匿婦孺相率還家市塵貿易驟盛甚至火線以內常有人民携榼饋食各屬野老村嫗大率徹夜諷經祝滇軍之戰勝故俘虜供詞曰天時地利人和都爲滇軍占盡北軍萬無全勝之理等語天厭凶德人心大去理無不亡特電奉聞乞爲廣佈鏘叩敬印。

雲南護國第一軍右翼戴總司令戡回黔舉義情形電

滇唐都督并請轉各廳長各師長旅長及各軍同志各界各報館鑒戡至滇同謀舉義後忽忽回黔行抵兩頭河即聞龍建章藉故潛逃至郎岱縣迭奉劉都督尋緝當即兼程赴筑黔中同志籌備已久即於念六號宣佈獨立是日正午各界在省議會開會歡迎當將袁逆叛國罪狀滇省首義情形詳爲演說各界於逆則痛心疾首於滇舉義則鼓掌如雷旋得黔各團長及各軍官來電既佩滇中義舉又推戡任軍職足見人心所同羣情一致不勝感幸念七號復奉劉都督唐都督蔡軍總司令委充護國第一軍右翼總司令自維謏陋曷敢膺此重責但天職所在惟有勉任其難即一面商承劉都督將黔出征軍一律改編爲護國第一

軍右翼使滇黔愈爲融洽。一面組織總司令部使事權不至紛歧。現各事均已就緒。準於三號出發。業經通電各省區區。愚忱惟期與諸公剷除帝制。還我共和。否則甯爲玉碎。勿爲瓦全。此心此志。皇天后土實共鑒之。惟戡此行於大局不無關係。尙祈時賜教言。爲荷。至本部除照通常組織外。并約有劉希陶張雪廬陳智石諸君襄贊一切。亦將陸續啓行知注。并聞護國第一軍右翼總司令戴戡叩冬。

黔軍步五團長熊其勳致廣西軍界同心舉義電

南甯陸上將軍蘭州譚師長桂林陳鎮守使並請轉林甫田黃元臣曾少暉蒙若陶黃慶生諸公鈞鑒。華密拜別數年。相思甚苦。其勳賦性愚拙。忝列戎行。身爲國家軍人。非同一姓走狗。但能報國。雖死猶榮。諸公血性男兒。當必同此感想。乃者袁氏叛國。帝制自爲。以公有之國家。作一人之私產。蔑棄約法。背誓食言。全國之人心可違。外交之危險不顧。馴致五國干涉。警告頻來。哀氏苟有人心。自當及時悔禍。乃悍然不顧。一意孤行。京電紛馳。迫軍民長官以勸進。大典籌備。更改元建號而不遑。凡茲叛國行爲。固已衆目共見。乃喪心病狂之輩。居然頌德謳功。幾不知人間有羞恥事。我四萬萬神明之胄。豈果人心盡死乎。其勳幼讀詩書。

稍知大義往歲贛甯亂起影響及於川東革黨露布之詞謂袁氏將恢復帝制吾儕以毫無實迹認爲擾亂治安是以黔軍援川曾經躬任前敵詎年來靜觀默察漸覺事多可疑此次假面揭開更覺醜形畢露滿腔悲憤恨不欲生迭請歸田皆未獲准茲何幸滇南首先起義川軍相繼贊同本省護軍使劉公刻亦舉建義旗共圖討賊不禁欣然色喜曰我國人心殆未盡死夫見義不爲無勇覲顏從逆不忠然滇事已起旬餘而諸公尙存觀望豈諸公猶以袁氏勢力尙盛未敢輕於發動乎不知袁氏今日因其倒行逆施內部早經改體馮張心腹既操同室之戈蜀隴粵匪已結同仇之約且彼內迫於輿論外逼於強鄰衆叛親離途窮已見公路塚中枯骨直有待人驅除耳藐彼獨夫更何勢力足懼若爲保持利祿計則袁氏爲人久稱陰狠黎宋卿之羈留三海段芝泉之坐困西山非曾擁護袁氏者乎諸公卽爲獨夫戮力度數月之後亦不過杯酒釋兵否或兔死狗烹且將步淮陰後轍彼時待人割割噬臍已遲往事皆然又何利祿足保其勳籌之既熟決然不疑爰率所部健兒誓從劉公之後自念躬爲陸將軍舊部用敢縷述下情竊謂人生不過百年身後之名當計吾輩行年五十來日無多與其忍辱從逆苟延十餘載光陰何若

爲國捐軀保全千百年名譽師直爲壯衆志成城羣力進行未必即死又何必觀望畏縮甘爲袁氏鷹犬而不辭哉陸將軍反對帝制海內咸知諸公羽翼其間正宜進盡忠言促成義舉倘西南各省聯爲一氣則滇黔以當川楚桂省出一旅之師向衡永長沙以進窺武漢曹錕西向防守必單避實擊虛勢如反手他日義師所指全國景從執子嬰於咸陽逐拿翁於荒島直指顧間耳流芳遺臭一念之爭惟諸公實利圖之敬布腹心伏乞諒鑒並希示覆黔軍步五團長熊其勳叩敬印

四川護國軍總司令劉存厚致滇軍轉告各省舉義擁護共和電

雲南唐都督貴陽劉都督永甯蔡總司令並請唐都督由海電轉南京宿州南昌杭州南甯武昌長沙安慶福州廣東濟南開封太原西安齊齊哈爾盛京蘭州迪化將軍巡按使護軍使並轉各鎮守使師長旅長團長承德齊齊哈爾都統歸化廳轉都統各報館各紳商學界鈞鑒袁氏不道悖戾民彝昔當鼎革之時即欲擁兵肆逞同人本天下爲公乃概付以治權冀其出精白不貳之忱宏茲國延何圖掌國以來言夫內政則征歛如此言夫外交則敗辱如彼任官吏輒引其所嚙選總統竟臨之以兵甚至立法權攬爲已有殺人案暗與其謀妨

功。害。能。殄。民。敗。國。綜。其。暴。戾。罄。竹。難。宣。同。人。懼。搖。國。本。猶。復。沉。吟。而。天。誘。其。衷。恣。亂。日。厲。竟。敢。假。民。意。之。命。棄。共。和。揮。黨。徒。而。謀。興。帝。制。蠅。營。狗。苟。上。下。若。狂。勸。進。之。電。出。于。庭。圍。選。舉。之。場。設。於。軍。府。勢。威。利。誘。無。醜。不。陳。中。外。騰。譏。羣。情。激。昂。卒。召。強。隣。之。干。涉。將。促。民。命。于。淪。胥。凡。有。血。氣。之。倫。莫。不。仰。天。興。嘆。滇。黔。首。義。一。檄。遙。傳。薄。海。同。欽。景。從。恐。後。存。厚。不。敏。外。審。大。勢。內。問。良。知。痛。此。危。亡。中。心。欲。裂。爰。整。其。旅。擐。甲。出。征。聯。合。滇。黔。揮。旌。北。討。誓。擬。成。盟。白。馬。重。翻。五。色。之。旌。行。看。痛。飲。黃。龍。一。掃。羣。兇。之。燄。公。等。或。爲。望。重。當。時。之。俊。彥。或。係。手。造。民。憲。之。元。助。同。領。師。千。身。關。治。亂。豈。於。此。日。遂。負。初。心。竊。以。爵。賞。之。羈。盡。入。奸。雄。之。彀。忍。令。先。人。廬。墓。化。作。坵。墟。不。惜。祖。國。莊。嚴。任。其。沉。陷。是。可。忍。也。予。甚。惑。之。抑。我。羣。豪。或。猶。有。待。時。乎。不。再。敢。作。先。驅。嗚。呼。枕。戈。飲。市。事。不。同。于。閱。牆。撥。亂。扶。危。義。實。嚴。乎。救。國。倘。袁。氏。能。及。時。徒。竄。還。我。共。和。則。本。府。當。捲。此。旌。旗。不。爲。已。甚。皇。天。后。土。實。式。憑。之。我。師。出。矣。此。爲。露。布。護。國。軍。四。川。總。司。令。劉。存。厚。東。印。

雲南唐都督致貴州前敵各軍官舉義情形電

晃州王司令并轉各營連排長銅仁專送廬團長并轉各營連排長均覽袍澤三年睽違兩

地。追。維。舊。雨。彌。用。拳。拳。迭。接。諸。君。來。書。具。感。相。念。之。厚。以。公。冗。未。及。裁。答。然。思。憶。至。深。遠。也。舉。義。以。來。滇。黔。一。氣。中。外。同。欽。諸。君。身。履。行。間。迭。獲。優。勝。忠。勇。奮。勵。金。石。為。摧。矧。茲。逆。醜。何。難。殄。滅。現。我。出。川。之。師。既。占。叙。州。進。攻。瀘。滄。渝。川。南。一。帶。相。率。響。應。成。都。動。搖。入。心。已。去。蜀。省。全。局。不。日。可。定。昨。據。確。報。新。疆。已。宣。布。獨。立。廣。東。惠。潮。清。遠。先。後。舉。義。北。方。則。蒙。軍。長。驅。南。下。已。逼。幽。燕。袁。逆。孤。立。之。勢。斷。難。持。久。惟。盼。諸。君。努。力。進。行。將。與。諸。同。志。會。師。武。漢。直。搗。燕。京。恢。復。共。和。還。我。民。國。諸。君。不。朽。盛。名。與。國。無。極。堯。亦。隨。諸。君。後。得。覩。太。平。斯。則。私。衷。之。企。幸。者。也。別。久。思。深。聊。抒。積。悃。以。當。面。談。繼。堯。皓。印。

廣西陸都督宣布獨立通告滇黔暨蔡司令電

十萬急。滇唐都督黔劉都督並轉蔡司令鑒。討袁一檄。義聲動天。竊意神姦喪心。當竄身削迹。罪己輸誠。以謝全國。不料帝制自為。悍然不顧。奴隸將士塗毒。生靈喪心。辱國至於此極。敝省軍民同仇。切齒義憤。填膺榮廷不佞。願挈舊部共誅獨夫。以完四年擁護民國之苦。心還我五族共和之盛軌。幸福方略。藉資指揮。廣西陸都督榮廷咸印。

廣西陸都督宣佈獨立通告京師各省電

十萬急、滇唐都督黔劉都督並轉各軍司令鑒。本日敝省宣告獨立通電。京省文曰：帝制發
生人心大惑無信。不立榮廷早為國家危之顧念。改革以來民力凋殘。邦基未固。萬不欲以
一夫作難再致同室操戈。邇日滇中首義黔陽。從風長驅。川湘雷動。響應國民真意。昭
若日星。宜袁氏罪己。一身削除。偽號罔拂。百姓以張國維乃復包藏禍心。離間將士。以金
錢為買命之法。以名器為傭奸之酬。猛虎牧羊。炙蠅盜狗。玩五族於掌股。希萬世之帝王。此
而可忍。寧謂有人及今不圖。其何能國。茲我三筮父老子弟。枕戈以待。投袂奮興。泣涕中原。
瞻予馬首。榮廷雖身起椎埋。尙知綱紀。不得不率此舊部。完我初心。誓言除專制
之餘。羞重整共和之約法。除聯合滇黔聲罪。致討外。敬告各省文武忠勇志士。協心
戮力。誅彼民賊。載宣國幟。庶內慰四年死義之英魂。外固萬國締交之大信。
印。仗茲正氣足壓河山。無任嘔心瀝血。傳檄以聞。云云。謹聞。廣西都督陸榮廷成

廣西各將官宣佈獨立通告北京會師討袁電

十萬急、滇唐都督黔劉都督並轉各軍司令鑒。華密敝省本日宣佈獨立通電。京省文曰：民

要電

兼護督理廣西軍務桂林鎮守使第一師師長陳炳焜等通告各省征討袁逆電

四十

國成立四載於茲元首固無變更國體之權人民應負擁護共和之責乃袁氏偽造民意帝制自爲吸吾脂膏以供運動禁吾言論以遂陰謀正氣摧殘羣邪並進大信全失邦本動搖我同胞艱苦締造之中華民國竟斷送於袁氏之手凡有血氣莫不痛心比者滇黔起義全國嚮風事尙可爲責無旁貸炳焜等旁皇瞻顧欲罷不能當經會議表決即日宣佈獨立公推陸上將軍榮廷爲廣西都督戮力和心會師北伐誓除國賊恢復共和邦人諸友其亟圖之云云謹聞陳炳焜譚浩明莫榮新暨本省軍民同叩成印

兼護督理廣西軍務桂林鎮守使第一師師長陳炳焜等通告各省征討袁逆電

特別分送北京參政院京兆尹分送各省將軍巡按使宿州巡閱使福州寧夏護軍使承德歸化張家口都統並轉各鎮守使均鑒華密帝制議起中外譁然凡有血氣靡不痛憤桂省軍心民氣日益激昂大勢所趨獨力難挽炳焜等即於本日電致堂處文曰辛亥以還炳焜等以軍人天職隨同陸上將軍效忠民國四載於茲疊經變亂我桂省將士不憚以全力擁護中央者所以鞏固共和苦心孤衷當爲天下所共諒乃野心鄙夫違言背德恢復帝制愚

弄國民舉所謂代表大會選舉推戴等等自唱自和竊國賊民義憤所激成欲甘心炳焜等重念民不堪亂盡力維持希望若輩有所悔及至友邦警告舉國離心猶復怙惡窮兵殘民以逞桂省軍民蓄憤久矣近益萬衆一心聲請討賊激烈騷動斷非炳焜等所能鎮壓只得電請轉陳元首立發明令取消帝制並嚴辦倡義爲首諸人以謝天下無任企禱全省將士荷戈待命盼於三日內賜答云云此國家生死問題諸公手造共和中外欣仰決非無恥求榮甘爲一姓家奴者比伏懇同申大義褫彼奸魂重奠國基雪我民恥臨電迫切翹候好音兼護督理廣西軍務桂林鎮守使第一師師長陳炳焜龍州鎮守使第二師師長譚浩明桂平鎮守使中區總司令莫榮新同叩成印。

雲南唐都督決心討袁電

萬急廣西行營陸都督南甯陳譚兩師長莫鎮守使均鑒密頃據某領事告稱得廣州電袁氏已電桂省允以命令取消帝制未知確否亦未知取消帝制外有無他項條約貴省義聲一倡國民心理愈益昭著袁氏藉此下台亦意中事惟有宜切究者自上年十二月十三日起袁氏叛逆之罪已經成立今即取銷帝制不能取銷其犯罪又究其造意之始早在以非

法。蹂躪國會之日。故年來一切法令皆當隨而失其效力。關於國家根本問題。應以舊約法及大總統選舉爲據。袁氏犯罪當然喪失總統資格。以副總統黎公繼承此正當辦法也。所慮者袁氏險詐陰賊。此時窮無復之姑。以取消帝制爲敷衍目前之計。願仍靦顏就總統職。以徐圖恢復。於將來則國家前途蓄禍尤烈。此斷斷不可者。微論法律方面絕無可道。更自他方面言之。禮義廉恥國之四維。古今中外理無或異。今袁氏所爲神人共憤。充其所至。必將率國民而出於寡廉鮮恥之一途。一國而悉爲寡廉鮮恥之人。其何能淑。此吾輩反對袁氏之真意也。假袁氏取銷帝制復爲總統。斯其廉恥可謂漸滅已盡。以廉恥盡滅之人儼然爲一國之元首代表吾民。是可忍孰不可忍。此不可者一。袁氏背誓食言其狡詐已暴於天下。今劫於西南義師與世界公論。不得不出此。然其心寧能一日忘帝制者。今仍保總統之位。則此後必當潛鋤異己。愈務增漲其勢力。迨勢力已達其度。然後惟所欲爲。則國民受禍之酷必益甚於今日。而國家沈淪之痛乃無術可以復免。此非妄爲推測。謂袁氏復任總統。帝制永不發生。可決全世界之人無能爲保證者。此不可者二。凡此理至淺顯。無待繁言。然假袁氏而果出此。以吾國人苟且之心理測之。必有明知其不可而姑爲之說者。或遂出任

調停倖免無事則吾輩茲舉直無異增殖袁氏之勢力愈堅其倒行逆施之心而隱種他日亡國滅種之禍可爲寒心者也鄙意如袁氏已電允取銷帝制而不及其他則我輩當乘此時機將其種種狡謀預爲揭破俾無復利用其他各省出爲轉圜之餘地乃不得不出於退位今日爲國家計似無逾此幹公老成遠謀必能深維終始諸公熱誠救國亦當同此心期敢竭鄙誠立盼賜覆繼堯敬叩

護國軍滇黔桂粵四省都督連名致駐京各國公使電

略云貴國承認民國政府以來貴公使尊重兩國國交敵國軍民人等均甚感謝敵國前大總統袁世凱因犯違憲之大罪已失大總統之資格乃自帝制取銷之後仍自稱大總統我軍民等斷不承認因據國法宣言以黎副總統爲代業經通告貴公使矣惟黎總統尙未脫出敵地而本軍征服北京亦尙需時是以黎總統之行動及言論須脫離袁世凱暴力範圍之後方有效力特再宣言又袁世凱既敢公然謀反則今後企圖如何陰謀殊爲叵測故對黎總統之行動尙乞共同監視云云

唐都督致黎段徐再迫袁世凱退位電

要電 護國軍滇黔桂粵四省都督連名致駐京各國公使電

北京分送黎副總統徐前國務卿段前陸軍總長鈞鑒。密。勘電江奉。即於支日電由松坎轉渝。具覆。比來電阻。懼不時達。謹再撮要。另塵清聽。堯等今日之舉。本爲救亡。苦衷萬不獲已。今項城取銷帝制。既莫不感其悔禍之誠。然茲事出之三月以前。誠爲最圓滿之解決。荏苒至今。形勢殊異。卽取銷帝制。是否足以救亡。此不能不長慮卻顧者。勿論法律政治方面種種問題。萬難拋置。而民意已失。而難回。威信已墜。而莫挽。敷衍了事。萬不足以服激昂之心。故卽堯等相率息兵。而大難終不能免。此猶就國內言之也。立國大地之中。談何容易。今雖取銷帝制。竊恐國際團體中。必尙有未能滿意者。故項城真誠悔禍。欲救國亡。竊謂不能再作退一步想。內以息洶洶之爭。外亦弭耿耿之口。自箇人言。仍不失爲英雄舉動。卒保一世令名。自國人言。亦全體拜仁人之賜。爲項城計。似無逾此。諸公民國柱石。內外情勢。至已洞曠。無遺國命。絕續實在於此。敢有不盡之愚。妄冀明察。惟幸教之。唐繼堯任可澄叩元印。

滇軍府致大舟驛貴陽松坎論袁世凱退位電

急大舟驛行營參謀處貴陽劉都督松坎戴總司令鑒。密。頃復黎徐段電文。曰。諫電奉悉。元

首引退之說諸公亦已謂然特於去位後之利害安危不憚詳審苦心分明欽服無似惟鄙見猶有進者尊慮項城去位兵事財政急難收拾此在昔日堯等亦何嘗不作是想今則人心已去威信已失既無可諱言更何恃以爲收拾之具竊意項城去後諸公同負全國人望未遂不可收拾特項城不去乃真無可收拾也強鄰抵隙事極可危然以堯等所知則某國終將有迫令退位之提議此外各國亦未必能爲項城左袒故項城幸即退位或可弭覬覦之謀荏苒不決必不免干涉之禍此又彰明較著之事實兩害取輕惟在項城之自覺耳粵事複雜誠不易就緒桂代表被戕人道可謂滅絕顧論者或尙滋疑謂出于中央要人之指使此勿論如何徒重中央之憂終無能爲大勢之梗是皆愚慮所及未能盡如尊情者也夫今日誠如尊論云云能以法律定責任鞏固國家根本甯非至幸然我國前此是否已有法律是否用爲共和之保障於今翻復是否有效蓋項城茲舉既不啻舉法律之根本破壞無遺故今即退位猶可保法律殘餘之效力藉以恢復於異日否則除以武力解決國事後一切改組外尙何法律之可言亦安用此虛器爲者非法之難而使法必行之法難此其故可深長思也堯等於項城在昔不無私感今亦豈肯爲已甚特項城不去國事立危即項城自

身亦有邱山之害而無纖毫之利而去位之期卽在此時過此以往恐更無相當之機會而結果尤非所料語曰君子愛人以德細人則以姑息又曰能有所忍然後可以就大事諸公愛國亦愛項城姑息不忍行致兩誤諒在達人必不出此謹再貢其愚用助堅決無任主臣等語前復黎段徐電是否聯名未據示知故右電已以堯澄名義逕復並聞堯澄漾印

電 貴州劉都督致雲南唐都督廣西陸都督各司令勿爲袁氏所欺

急雲南唐都督南甯局柳州局飛送陸都督永甯總司令部飛轉蔡軍總司令松坎戴總司令廣南李總司令黃草躡劉總司令鑒袁逆背誓叛國罪不容誅自滇黔起義以來猶復怙惡不悛妄自稱尊所發僞命及一切舉動無一不佐實其謀逆之證及本月陸都督宣布獨立該逆遂於二十二二十三兩日下令取消帝制廢止年號對於桂事仍復秘而不宣彼其居心一在藉以防止他省義旗之繼興一在藉以保持總統之地位冀獲乘機自固殲除異已擴張勢力以達其帝制自爲之目的司馬之心路人皆見我國民若因其撤消帝號之故遽議休戰狼子野心終必復逞除惡未盡後患愈烈揆諸吾輩鞏固共和之初心寧不大相

刺謬况該逆叛國稱帝既爲民國之罪人即失元首之資格倘仍聽其掌握政權不特國威掃地抑且世界騰羞竊恐國際團體中將不復有我中華民國立足之地矣言念前途可爲寒心世意擬由桂滇黔三省聯銜電達黎副總統及各省宣布三事一迫使袁逆退位聽候國民依照約法裁判二請黎副總統遵照約法代行總統職權三根據約法及大總統選舉法選舉正式大總統一面將三項辦法通告外國聲明袁逆撤消帝號即係供招罪狀已喪失總統資格若該逆再以總統名義與各國交涉請各國勿予承認至於甘爲鷹犬反抗義師之逆軍仍應極力痛勦並由各省自行通告軍民勿爲袁逆所欺拙見當否祈教再各省電局諸多阻滯惟滇省可由海線傳達諸公如以爲然擬即請陸都督領銜並由唐都督就近主稿挈銜譯發期能達到如何盼示顯世叩二十七

廣東獨立通電

分送各省將軍巡按使甯夏護軍使承德歸化張家口都統均鑒頃接廣西陸都督電云接唐劉兩督會電南甯陸都督鑒粵養電附陸兩電悉西南舉義非爭意氣非貪權位惟欲擁

期

一

第

護國法鞏固國基袁氏下令撤銷帝制其果屬誠心與否且勿深究但袁自去年十二月十三日下令稱帝以後大總統資格業已消滅同月十五日大典籌備處堂密電云今上所居乃帝國元首地位非民國元首地位是袁氏非民國大總統在彼亦已自承今稱帝不遂分爲齊民安能僭稱大總統就法理論之我民國已爲袁帝國所篡竊滅而復興則元首選舉自有應履行之秩序今袁有何理由擅自盤據粵省若欲息兵請速聯電袁氏引身遠避服法律之制裁靜候新選舉之組織結果庶足以表其確無利天下之心而國憲不致破壞然後繼堯顯世有辭謝滇黔軍民而平和可期恢復尊處若同意請挈銜覆繼堯顯世叩江等因據電理由甚正榮廷無辭以難前公既力任調停請即將此電轉京速予解決爲盼等因查三省所具理由甚爲正當欲求救民息戰惟有由各省要請退位否則各省均皆獨立使衷知人心全去不敢相持自可以得和平解決粵省宣告獨立即本此義諸公保民愛國具有同心惟祝早日一致進行以免大局糜爛至爲盼幸龍濟光張鳴岐虞印

滇黔桂粵護國軍嚴斥倡議復辟之通電

萬急分送各省將軍巡按使巡閱使各都統各報館公鑒近聞有人倡議復辟不勝詫怪此

次義師討袁。即由袁賊敢於變更國體而起。國體不許變更。乃國民一種之決心。豈有不許袁賊獨許他人之理。諸公深明理勢。想不爲妖言所惑。請與諸公約。如有再倡復辟之說者。繼堯等卽視爲蔑棄約法。推翻民國之公敵。罪狀與袁賊同。待遇與討袁等決。不使流血所得之共和爲一二敗類所破壞也。唐繼堯劉顯世陸榮廷龍濟光養印。

廣東贊同獨立來電

萬急滇唐都督貴陽劉都督南甯陸都督鑒。諸公擁護共和義聲。震溢寰宇。粵雖不敏。敬步後塵。從此風雨同舟。休戚相共。輔車唇齒。誓澈始終。尊處軍事。進行如何。祈隨時相聞。勿吝教示。臨時盼禱。龍濟光張鳴岐麻印。

雲南陸軍第二師師長兼勦匪軍總司令官劉祖武致龍濟光勿暗助巨奸滋擾故鄉電

廣東龍都督鑒。電局並抄送雲貴會館南中線阻音問久稽。昨見通電。始知貴省已於歌日宣布獨立。贊助共和。民國前途實深嘉賴。佩甚。惟有不能已於言者。近數月以來。足下派遣軍隊分道擾滇。又嗾子姪在內。倡亂敵師。轄境先當其衝。時足下擁戴神奸。固不惜蹂躪梓

里往事已矣。夫復何言。獨是怡庭令兄於三月拾日在百色通電贊成共和。尊處又於麻日通告獨立。故鄉父老方共歡忻。乃尊部黃恩錫於三月二十以後。尙率隊逼攻邱北。令郎體乾等至今。仍糾集土匪。抗踞江外。敝處不忍使人民塗炭。况既稱同舟。誼難武裝相見。且恐係尊處命令。尙未達到。遂迭將令昆仲所發通電。輾轉設法抄寄。黃恩錫及少臣諸人。冀其繳械。贊同釋嫌。修好殊黃某以爲假造。仍一味反抗。縱兵如故。邱北師宗彌勒竹園十八寨。婆兮臨安等處。鄉民或搶或殺。遭其荼毒。目不忍見。耳不忍聞。不得已乃飭各軍分道進勦。大兵所至。如摧枯朽。黃氏之衆。遂悉殄滅。少臣昆季處。並將粵中函電一再照抄。轉知迄不肯信。加以理喻。亦復無效。電致怡庭。勸其諭止。更無答復。現在大軍壓境。旦夕進攻。來書猶以背城一戰。見訾不稍覺悟。指日玉石俱焚。咎實自取。詳細打聽。皆公指使。竊以足下固贊成共和之人也。竟先滋擾首義之省分。又慎人也。竟先滋擾滇境。且臨安九屬人也。竟先滋擾臨安各屬。吾不解足下何惡於故鄉而行此種種毒害也。現在與足下約。若必欲暗助巨奸。破壞義軍。請即正式宣戰。摩厲以待。設仍曠土匪在此擾亂。當宣告同義。各省暴公罪惡。望三思見復。雲南陸軍第二

師師長兼勦匪軍總司令官劉祖武徑印。

滇黔桂粵迫袁退位之通電

滇省得滬電言袁逆捏造蔡總司令允許協議八條。質問有無此事。滇政府既駭且怒。一面請桂省陸都督領袖四省會電北京徐段二公。一面電港令轉達滬上各機關。勿信謠言。茲將四省電京原文錄下。

連電敬悉。當局痛懷國難。希望和平。瞻顧大局。酸心刺骨。榮廷無狀。竊忍忽然。顧所以遲遲未答者。緣茲事體大不能自專。首義滇黔。必須徵求意見。茲得滇黔兩省及蔡松坡來電。大旨均謂項城違反約法。自召兵戎。若僅削除帝號。復據總統廉恥。既亡威信。全失。祇愈益國家前途之憂。絕無以慰中外圓滿之望。曲予調停。無術解免。榮廷等伏乞諸公依據約法。轉陳項城。速行宣告退位。遵照約法。繼任有人。一面息兵。速集議會。掃除秕政。救亡之道。在此一舉。想項城既無家天下之心。必不難犧牲此虛名。出生靈於塗炭也。回天之力。惟當局一言決之。無任徬徨悚惕待命之至。廣西都督陸榮廷。雲南都督唐繼堯。護國軍總司令蔡鍔。貴州都督劉顯世。廣東都督龍濟光。前廣東巡按使張鳴岐同叩。

湖南零陵鎮守使望雲亭獨立通電

雲南貴陽廣東南甯都督並轉各師旅團長鈞鑒竊以帝制肇禍釀成干戈內患叢生外侮浸至嗟我神州幾無淨土億萬生靈將膏鋒鏑國勢阽危不絕如縷揆厥亂源皆此一人作俛爲厲之階雲亭蒿目時艱體察險象略舉數端公告當道袁逆履任以來陽襲共和之名陰施專制之毒解散國會摧殘司法法律皆由私令用人不外宵小至今日而民意代表機關實無一存凡百措施已大背人類生存之公理卽無帝制發生其倒行逆施之行爲已應受天演之淘汰況於共和國體之下居然明目張胆帝制自爲平白晝行竊路人皆知而猶覷然人面僭號民主今日文明時代應無奸人生存之餘地矣此證之於政治原理者如是也天視民視天聽民聽國家之得喪全視民心之向背乃袁逆忽視民瘼一人橫行重征暴斂罔體時艱峻罰嚴刑不恤民命近數年來盜賊充斥幾徧全國民不聊生流離失所於此不察猶復妄造民意謬言君主籠絡誑騙掩飾天下及雲貴反對高舉義旗猶不知覺反縱其虎狼大肆殺戮騷擾姦淫毒焰滔天民怨沸騰此驗之於人心者如是也袁逆臨民四載雖政治不良而民猶假息如故者亦以約法所在信誓所繫苟袁逆一日爲總統民卽一日

無叛心。乃不料操莽性成急思。一逞稱帝。改元毫無顧忌。在個人爲失信。在國家爲叛逆。人不之叛。而自爲叛首。自作之孽。不可追也。及至滇黔兩廣。聲罪致討。計無所掩。又欲撤消帝制。仍踞總統。不知自改元之日起。袁氏既辭總統。而竊帝位。卽無總統資格之存在。今日而猶欲爲總統。是前以競帝位者。轉竊總統也。以此號召天下。其誰信乎。此憑之於信義者。又如是也。尤有進者。自籌安會發起。勸進緘來。令舉國上下。皆忙碌於子孫帝王之私事。以致政綱廢弛。庫幣虛擲。友邦相勸。日惟同種相殺。殘民以逞。外人乘間思起。不曰保護僑商。卽曰担任和平。甚至干涉和議。延迫退位。內外交訐。幾陷我國於無政府地位。且有守土之責者。不預自立之謀。卽受瓜分之禍。雲亭駐守南服三年。於茲除暴安民。藉資生息。當茲戰禍方殷。坐視糜爛。何如自保疆土。護我生靈。爰於四月二十六日。宣布獨立。改零陵鎮守使署爲湘南護國軍總司令部。謬推雲亭爲總司令。力辭不獲。卽於是日就職。雲亭一介武夫。素乏經濟。我愛國諸公。旣倡義舉。力挽狂瀾。雲亭權勢雖微。亦惟一腔熱血。隨諸君子之後。力効馳驅而已。虞虢相依。唇亡齒寒。惟諸公垂愛及之。專電表決。諸乞諒鑒。湘南護國軍總司令望雲亭叩宥印。

浙江鎮守使呂公望宣告獨立各電

致雲貴粵桂四省電 雲南貴州廣東廣西各都督民政長均鑒。帝制實行。貴省先後表示擁護。共和義聲所播。薄海同欽。國民謂袁氏知真正民意之不可違。翻然改計。懲首禍急。退位根據約法。以副總統繼續肩任。由國會另行選舉。如貴護國軍所主張。黎段馮徐諸公爲正式總統。國民猶可爲袁氏曲諒。乃仍擁位不退。徒以一紙空文。託飾卸責。忍令戰禍蔓延。生靈塗炭。保一己之地位。陷國家於危亡。公敵所在。軍民同憤。公望等不忍時局日卽。卽危特於本月十三日起脫離北京政府關係。宣布獨立。并通電各省勸告。速卽聯合與貴省力謀統一。以挽危局。素仰諸公盡籌碩畫。必有以宏濟時艱。奠定國基。尙祈時錫教言。俾策進行。臨電無任企禱之至。浙江嘉湖鎮守使呂公望率各屬文武同叩元。

致各省各報館電 各省除雲貴兩粵浙五省將軍巡按使長江巡閱使各都統各護軍使各鎮守使各師長上海北京各報館均鑒。帝制實行。滇首反對。黔粵響應。舉國震動。今雖帝制取消。而以總統退位不退位問題。未能解決。致兵禍日蔓。外交日棘。滅國之禍。近在眉睫。以不退位論。實拂全國多數之人心。以退位論。祇在項城一人之決意。孰爲難。孰爲去。從。

具有智識天良不難立決爲項城計早宜受護國軍勸告速行退位根據約法由副總統繼續肩任一面由國會另行選舉全國推重民心嚮戴如黎段馮徐諸公之一爲正式總統庶足以挽危局而奠國基乃復擁位不退虛言調停多方疑忌實行武力以相壓制忍令戰禍蔓延險象環生速國於亡公望等遠爲國家前途近爲地方現狀起見不忍坐視因與倡義各省一致進行對於袁氏政府於本月十三日起脫離關係宣布獨立須知國民心理對於項城一日不去位即一日不能曲諒亦即時局一日不能平和素仰諸公識見卓遠尙希速即聯合響應力與護國各省協謀統一國利民福在此一舉臨電迫切竚盼覆音浙江嘉湖鎮守使呂公望率各屬文武同叩元

按呂君數電慨當以慷實足爲維持共和之表徵惟署銜仍舊似稍疏略而涉及總統問題處有類推選尤失言矣

廣西陸都督答辨調停通電

萬急政事堂統率辦事處各省將軍巡按使徐州巡閱使松滬福州寧夏護軍使承德歸化張家口都統康定鎮守使同鑒前准政事堂統率辦事處嘯電南京馮將軍頭銜卅電敬悉

諸公莊論危言。亨屯拯溺。用意懇懇。讀之淚零。顧榮廷此次舉兵。固猶是愛民愛國之熱誠。所激而發。竊謂人之愛國。必知立國之本原。滋培而擁護之。而國於是乎昌。人之愛民。必知國民之真意。發榮而光大之。而民於是乎興。我國自辛亥改革以來。一誤再誤。其端至微。有不得不窮本探原。披瀝肝胆。再爲諸公進一言者。自古國家之存亡。視乎人心之去就。而代表國家之所以維繫人心。要在威與信而已。往者帝制復生。姑無論籌安會之造成國民代表之選舉。種種作偽。證據昭彰。卽諸公是時以作偽證據。具在亦惴惴焉。懼貽歷史污。必欲舉而焚之。而後快。雖曰一致贊成。試平情以外。參輿論內。反良知其非出於信仰之誠。固明甚。不過上以僞求下。以僞應。相猜相疑。相牽相制。供少數熱心帝制之人所播弄。以鑄此大錯。可斷言也。故數月以來。正人引退於上。志士太息於下。五國警告於其旁。雖演黔之事。未生而杌隉不安之象。已渾淪瀰漫於全國矣。於此而曰非元首本意。則於勢既非同黃袍之加於時。亦無有赤烏之瑞甯。不能毅然決然。以一令取銷之。使絕佞倖之邪心。而示天下以大信乎。今者蠶端既開。禍由自召。斯言之玷。非白圭之可磨。罪己之書。愚黔首其猶懼。威信全失。中外相輕。人心既去。國本先蠹。榮廷雖頑抗。原不欲以退位迫項城。致負諸公調停苦

衷○然○諸○公○試○爲○項○城○一○人○計○爲○國○家○前○途○計○其○禍○福○利○害○當○不○待○斤○斤○致○議○要○亦○有○怒○焉○如○
擣○而○廢○寢○忘○餐○者○况○調○和○議○起○滇○黔○早○有○要○求○退○位○之○宣○言○決○非○榮○廷○一○身○所○能○周○旋○進○退○
於○其○間○諸○公○居○轉○圜○地○所○願○於○目○前○萬○狀○之○危○險○及○將○來○無○窮○之○危○險○委○曲○而○詳○慮○之○惟○中○
國○利○賴○是○恃○則○大○幸○矣○爲○罪○爲○功○榮○廷○無○任○文○印○



狂言

所庵

舞

誓詞

中華民國雲南都督唐擁護共和誓師討袁文

維中華民國五年正月朔日

繼堯

謹以犧牲酒醴昭告

皇天后土而誓於師曰。嗚呼。民貴君輕。萬邦是式。賊仁殘義。一夫可誅。矧國是之久。成何逆謀。之可宥。魯連蹈海。尙恥帝秦。管寧適遼。不甘臣魏。豈有國步方艱。羣情望治。遂乃妄侈邊幅。效井底之鳴蛙。夷我華宗。戴塚中之枯骨者哉。粵自武昌首義。中土雲從。五族一家。億姓同德。掃除專制。創建共和。應世界之文明。爲友邦所承認。乃者袁逆世凱。謀叛民國。復興帝制。黃屋大纛。遽興非分之思。礪河帶山。無復未寒之約。移鐘虜於反掌。家天下局勢已成。輸歲幣以尋盟。小朝廷面目安在。亟子孫萬世之私計。誤國家百年之遠圖。本都督服役民國。作鎮滇疆。痛國家之將沉。恨獨夫之不翦。爰整義旅。恭行天罰。擊祖逖渡江之楫。誓清中原。問新莽指斗之杓。能持幾日。嗟爾有衆。尙其弼予。嗚呼。爾惟克奮厥武。實乃無疆之庥。予亦報于汝功。永有不次之賚。嗟爾有衆。尙欽念哉。

中華民國雲南護國軍第一軍總司令蔡誓師討袁文

維中華民國五年月日。護國軍第一軍總司令蔡鏗。謹率所部官兵全體。以犧牲酒醴之儀。敢昭告於

皇天后土而誓師曰。嗚呼。天祚華胄。肇造區夏。治隆中古。實官天下。子氏始衰。不率厥德。朝覲訟獄。化家爲國。玉食萬方。宅中無外。丈夫如是。可取而代。狐鳴篝火。不寇斯王。人堯家禹。殺伐用張。亦有神奸。睥睨神器。狐媚孤寡。患生肘腋。天地大寶。於囊於橐。誨盜致亂。一邱之貉。歲在辛亥。蒼頭特起。攘除舊污。復我先矩。易占无首。禮運大同。昫昫禹域。天下爲公。相彼關東。羣雄如堵。本初擁衆。遂爲盟主。眷懷國難。風雨漂搖。百爾退聽。誰則旁撓。民懷其粒。待澤孔殷。彼昏弗恤。苛政繁興。封豕啓疆。協以謀我。彼昏曰諾。何求弗可。失我民依。斲我國脈。自我視聽。天奪其魄。帝制自爲。在法必誅。卓焚其臍。煬斫其顛。時日曷喪。天人共怒。海內匈匈。維一人故。重足側目。湮鬱待宣。奕奕南疆。爲天下先。五百存田。六千報越。矧茲有衆。而不克捷。誰捍牧圉。曰維行者。與子同仇。不渝不舍。嚴爾紀律。服我方略。伐罪弔民。義聞赫濯。汝惟用命。功懋懋賞。違亦汝罰。欽哉。弗諼。嗟爾有衆。爲國力勤。念茲誓詞。其克有勳。

中華民國雲南都督唐誓告全國同胞四義文

中華民國雲南都督唐繼堯謹誓告於我

全國同胞公鑒。袁爲不道。竊號自娛。言念國危。有如朝露。堯等不忍神明之胄。遞降輿臺。更懼文教之邦。永淪歷劫。是用憤發。力任驅除。首事不過兼旬。風聲已播全國。具見時日之痛。悉本於人心。差幸疾風之節。猶光於天壤。惟是棟崩棟折。詎一木之能支。定傾扶危。將羣材之是賴。堯等回天力弱。返日心長。不惜執挺效撻伐之先。所冀鼓桴有聲應之助。乃如黨分洛蜀。疑有異同。地判越秦。不無歧視。或謂伯符有坐大江東之勢。抑恐敬業存覬覦金陵之心。凡此疑似之辭。慮不免於讒間之口。竊爲是懼。用敢披瀝肝膽。謹布誓詞。以告國人。並自申警。一。同人職責。惟在討袁。天祚吾民。幸克有濟。舉凡建設之事。當讓賢能。以明初志。個人權利思想。悉予剷除。二。地無分南北。省無論甲乙。同此領土。同是國民。惟當量材程功。通力合作。決不參以地域觀念。自啓紛裂。三。倒袁救國。心理大同。但能助我。張目便當引爲同志。所有從前黨派意見。當然消融。絕無偏倚。四。五大民族。同此共和。袁氏得罪民國。已成五族公敵。萬衆一心。更無何等種族界限。茲四義者。誓當奉以周旋。苟此志之或渝。即

明神所必殛。皇天后土。實式憑之。惟我邦人。諸友鑒此心期。或仗策以相從。亦劍履之遽及。其諸同仇。可賦必有四方豪傑之來。衆志成城。不墜二相共和之政。謹告。



文

斫庵

告

文告

中華民國雲南軍都督唐嚴拒僞命倡義討袁改將軍爲都督文

出示曉諭事。照得袁賊叛國。妄竊帝號。拂國民之公意。招外人之干涉。本都督忱念危局。當經電勸袁賊取銷帝政。不圖彼昏不智。益肆狡謀。本都督不忍民國之淪亡。當又電達各省。誓師討賊。共保共和。各在案。現在嚴拒僞命。與民更始。所有將軍巡按使名義。悉予罷除。特照民國前案。組織雲南都督府。以正名義而資統治。茲刊就都督印信一顆。文曰：中華民國雲南都督印。當於民國五年一月一日啟用。除通飭知照外。合行出示曉諭。仰本省軍民人等一體知照。此示。

中華民國雲南軍都督唐通佈全省軍民人等倡義討袁文

通佈事。照得共和成立。於茲四載。國是久定。中外具瞻。乃袁總統蔑去約法。帝制自爲。假託民意。搖動國本。自帝制問題發生以後。內則羣情惶惑。懼禍至之無日。外則五國警告。動干涉之危機。本都督眷念國本。漂搖之莫定。思消患於無形。當於民國四年十二月二十三日。

電告袁氏文曰。（已見本報第一電茲不贅）等語。不圖彼昏不悟。曾不見覆。窺其意旨。直不惜以全國爲孤注。於以求遂其大欲。似此遷善路塞。遺臭心甘。本都督受國厚恩。與叛賊不兩立。與民國共生死。又於民國四年十二月二十五日通電各省文曰。（原文已載本報第三電茲從略）等語。宣布在案。此事係屬全國公憤。風聲所樹。遐邇雲從。現在各省通電次第贊同。慷慨誓師。共鋤兇逆。滇省出師中原。師道爲壯。已操破竹之券。佇策飲至之勳。至省內各地。維持秩序。部署已周。刀斗不聞。絃歌依舊。合行示諭。仰全省軍民諸色人等知悉。須知袁賊叛國稱帝。本爲國法所不容。而本省仗義執言。已爲中外所共仰。事順而易。危害全無。爾軍民諸色人等。幸各照常營生。自敦本計。不必輕信妄聽。致啓驚疑。而滋紛擾。本都督有厚望焉。其各凜遵。勿違特示。

雲南軍都督唐照會籌餉代表文

雲南軍都督爲照會事。大地陰霾。元首背叛。國政紛如亂絲。共和危在旦夕。年來喪權誤國。饕餮放橫。罪案山積。罄竹難書。本都督慨念杞梓之邦基。體顧真正之民意。因與中原豪傑。併力合謀。共興討伐之師。滌蕩瑕穢。重光八表。惟是首義區域。擔負特重。非大張師旅。厚集


軍實不足以挽狂瀾於既倒。作中流之砥柱。滇南山國。士氣強勁。義聲一播。萬衆歡騰。矢志從戎。惟恐獨後。現在已編護國兩軍。次第進發。唯軍多用繁。任重道遠。爰設籌餉專局。內外兼籌。冀收士飽馬騰。金鼓響振之效。素諗執事。才高望重。識遠學優。用特照請擔任南洋各埠籌餉代表。商同呂君天民。方君聲濤。龔君振泯。金君仲顯。趙君厚生。李君心雨。分道協籌。柏先生烈武。幟幟。現在暫駐南洋。業已函請擔任南洋籌餉總代表。并希就近接洽。南中僑胞。豪傑輩出。傾囊救國。必竟辛亥前功。攘臂同仇。渴慕共和新治。聞義麾之北指。想已歡呼得明公之勸輸。知能踴躍。共和存亡。在此一舉。捍衛之責。內外同負。引領南望。無任企盼。除行知籌餉總局及香港支局外。相應照會。須至照會者。

雲南軍都督唐飭軍需局趕製梯團旗式文

爲飭遵辦理事。此次出征。各梯團應即頒發軍旗。以樹軍聲。而資識別。茲飭擬就式樣。查核當屬妥協。合行飭仰該局遵照。尅日製齊。詳候飭發。再步兵第九十兩團。業經飭編成立。並應授與團旗。以昭一律。即由該局一併趕製詳核。切速勿違。此飭。

計梯團旗式一紙

擬定梯團旗



梯團旗以紅綢爲之。旗長三尺二寸。直長三尺。上書旅長及亞拉伯文字。如第一梯團書 B.H. 第二梯團書 B.H. 餘類推。字用黑色絨製成。以線載之。旗杆塗五色。長七尺五寸。圍二寸六分。以黃布作圓筒式。綴於旗旁。杆上端冠以矛形銅頂。長七寸。注七寸長之五色旄杆。末用矛形銅鑄。長五寸。所有尺寸。均以營造尺爲準。

雲南軍都督唐通飭本省各縣知事保護在外省服務人員家屬文

爲通飭事。照得此次本軍都督爲擁護共和維持國體起見。特聯合各省興舉義師。共討袁氏。所有吾滇同鄉在外省統兵人員。及服務各官兵。或以時機未熟。或爲勢力不及。不能響

應。而。其。家。屬。之。留。居。本。籍。者。均。應。責。成。各。該。縣。知。事。妥。爲。保。護。勿。得。藉。口。反。對。致。滋。擾。害。除。分。行。外。合。亟。飭。仰。該。知。事。即。便。遵。照。切。切。特。飭。

中華民國雲南都督唐通告南甯陸上將軍及全體軍界同聲討 逆文

南甯陸上將軍陳師長龍州譚鎮守使桂林師旅長并轉各旅團營連長各道尹各商會農會教育會各報館公鑒袁氏叛國自絕於天本都督順字內之推心乃奉詞而討罪出師以來所向克捷一麾而兩川底定再接則三湘澄清順逆之勢既分成敗之數已定猥茲龍氏濟光親光兄弟竊據粵東猶思負隅本都督既以愛國愛鄉之義爲同義同氣之求何圖彼昏曾不覺悟乃復奮其螳臂將肆蝸爭襲假道於虞之詭謀逞以鄰爲壑之狡計本都督是用整我師旅將以樓船十萬駟呂相於海隅勁弩三千射劉鋹於嶺表惟是義旅之起專在屠龍而師行所經首出桂境陸將軍效忠民國海內著聞早寄同心必能相諒各師旅團營長同爲民國之干城亦當與義軍相提挈如其軍中左袒立成安劉之奇勛否則壁上縱觀亦是亡秦之豪傑本都督已申儆有衆視等同袍請無詐虞敢誓天日自餘各界人民當知

我軍惟在誅逆。所有地方秩序。必能盡力維持。當胡越在同舟之時。况滇桂有輔車之誼。務各安其四業。絕不損其一毫。慎勿妄起猜疑。自滋紛擾。嗚呼。大盜移國。本率土之同仇。廉來逢惡。亦神人所共憤。試望桂林山水。此中大有入乎爲謝金田遺民於今。可以興矣。雲南都督唐繼堯通告。儉印。

中華民國雲南護國第一軍蔡總司令鏐告滇父老文

鏐去滇二年於茲矣。憶辛亥起義倉卒。爲衆所推。式飲式食於茲土者。亦既有年。自維德薄能鮮。無補於父老。而父老顧不以其不職而莫我肯穀焉。則父老之所以遇我者。良厚。屬以內遷不獲久。與父老遊。卒卒北行。伴食權門。鬱鬱誰語。睹此國難之方興。計好義急公。堪共憂患。誓生死者。茫茫宇內。蓋莫我滇父老若。今鏐之所以來。蓋誠有爲國請命於父老之前者。願父老之垂聽焉。民國成立。以還。袁逆世凱。因緣事會。遂取魁柄。憑權藉勢。失政亂國內。則僉壬競進。苛政繁興。盜賊滿山。人民憔悴。外則強鄰侵逼。藩服攜貳。主權喪失。疆土日蹙。乃袁逆曾不悔禍。猶復妄肆威權。排斥異己。揮金如土。殺人如麻。等法制於弁髦。玩國民於股掌。伊古昏暴之禍。蓋未有若袁逆世凱者。顧中國志士仁人。所以忍痛斯須。虛與委蛇者。

誠念漂搖風雨國步方艱冀民國國體不變元首更替有期猶可徐圖補救耳乃袁逆貪黷
又復帝制自爲俾茲禍種貽我新邑袁逆之帝制成吾民之希望絕矣比者胙土分封綿蕞
習禮袁逆急急顧景若不克待而起視四境則彌天忿嘆羣發曷喪借亡之惡聲武夫健士
則磨刀霍霍莫不欲剗刃賊腹袁逆日暮途窮謀逆愈亟懼人心之不附則又聘外力以自
固參加歐戰之危局承諾東鄰之要求以若所爲不惜以國家爲孤注以求彼一人之大欲
嗚呼袁逆塚中枯骨耳石敬瑭張邦昌之故事彼固可聊以自娛顧我神明華胄共偷視息
於小朝廷之下嗟我父老其又安能忍而與此終古耶諸葛武侯有言漢賊不并立王業不
偏安今日之勢民國國民與袁逆義不共戴三戶亡秦一旅興夏有志者事竟成此匹夫之
通責而亦天下之公言雖然積威約之漸舉國若瘖相視莫敢發難獨以西南一隅先天下
而聲叛國之罪是則我父老之提携誘導其義聞英聲夫固足以入裸於天下後世矣鏢遠
道南來幸獲從父老之後以邁茲嘉會而又過辱寵信掃境內之甲兵以屬之鏢俾得與逆
賊從事鏢感激馳驅竭股肱之力濟之以忠貞以求勿負我父老之厚望而已抑全功未必
一蹴之可企而有志豈容一息之或懈鏢行矣其所賈餘勇而策後勁以期膚功迅奏而集

文告 中華民國雲南護國第一軍蔡總司令通飭我軍凡逆軍之歸降及被捕者不得虐待
擅殺當優加待遇文

八

民。國。再。造。之。大。勳。者。伊。誰。之。責。願。我。父。老。之。一。鼓。作。氣。再。接。而。再。厲。之。以。期。底。於。成。斯。國。家。
無。疆。之。麻。而。亦。吾。滇。父。老。不。朽。之。盛。業。也。

中華民國雲南護國第一軍蔡總司令飭四川各地方官吏應嚴 拒僞命効忠民國文

爲通飭遵照事。照得本軍入蜀。迭復名城。各該地方官吏。貪民國之祿。自應効忠民國。共拒
僞命。惟現在軍務倥傯。各該地方官吏職守所司。自應逐一規定通飭。俾有遵循。除通飭并
另案給發委狀外。合將應行遵守條例飭發。仰該即便遵照辦理。並即具覆查考。切切此飭。
中華民國雲南護國第一軍蔡總司令通飭我軍凡逆軍之歸降
及被捕者不得虐待擅殺當優加待遇文

爲通飭遵照事。照得本軍所向。克捷捕虜。歸降隨在。而有查戰時國際公法。對於俘虜之處
置。大率嚴加管束。取足以剝奪其戰鬥能力而止。至於虐待殺戮。在所必禁。此在國際交戰
猶且有然。而況國內戰爭。誼屬同胞。相戕何忍。且此次從逆軍人。豈必盡出本心。猝爲勢迫
形驅。遂至迷於所往。念其被脅之可憫。方且哀矜之不暇。若果戰敗被獲。繳械歸誠。是其悔

悟已萌。即不應再加侮辱。合行通飭。仰本軍各部隊一體遵照。以後凡從逆軍官士卒戰敗被捕者。其處置方法。均應按照陸戰規例辦理。不得虐待。擅殺致悖人道。若夫不甘從逆。自願歸誠。查無反復情事。及間諜行爲者。尤應優加待遇。俾得自効。勿違切切。此飭。

雲南護國第一軍蔡總司令通飭四川各縣及各部隊偵查逆軍舉動酌予優獎文

爲通飭遵照事。照得本軍入蜀所向克捷。逆軍天厭人棄。連戰皆北。勢已不克自振。但兇焰雖衰。逆謀未戢。我國民忿逆寇之稽誅。識匹夫之有責。知不少義憤填膺。亟思自効者。以後各屬人民如有能偵獲逆軍實情及擒獲逆軍間諜。或截獲逆軍軍械輜重。送交各該部隊縣署者。即由各該主管官查明虛實。有無關係。若果能裨益軍事。自應權衡輕重。酌予優獎。具報查核。倘查有無端虛捏。藉故誣陷。及其他滋累情事。亦應分別輕重。酌予處罰。毋稍姑息。除刊就示諭。飭發分貼。並通飭外。合行飭仰該 遵照此飭。

中華民國雲南護國第一軍李總司令烈鈞告滇父老文

烈鈞曩者。選車修矛。訓材茲土。久與父老兄弟遊。碧雞金馬。縈繫魂夢。雖訣別數年。而嵐影

期 第

神光未嘗不燁鑠長劍間因以想念諸父老交道之勲懇與青年俊士桃李成谿之壯觀
然久之踏遍天涯莫或置頓也辛亥建國治兵江右陰雨之後民物始蘇庶政草創袁逆兇
狡復陰假權柄遇事牽阻其嫉忌新治垂涎鼎鐘烈鈞斯時亦嘗燭照其奸厲詞抉擿遂有
癸丑之師當是時苟與諸父老共事一方者則猛士龍騰雄師虎躪逆賊雖狡當不能稔惡
至今使禮法蕩然每下愈况矣去國以還歷覽歐土觀彼番皇益增怛回瞻宗國則妖氛
黯黯鬼氣森森剝極將復誰爲雲雷居恒鬱鬱輒與當世豪哲屈指諸夏校量神喬計其雄
烈恢奇慷慨足恃咸以爲莫滇中父老若義聲震爆知必不遠而袁逆則賣國之事未終窃
國之事又起行且姦污蠱淫穢辱當世廉恥未忘民怒斯熾都督唐公赫然獨唱阿蒙舊好
首承號招雲路徘徊翩然來此諸父老不以爲不肖益復歡寵焉鈞則何能亦惟願追隨唐
公與諸父老之後共申大義拯溺救焚明其素志焉已耳今者承唐公命率二軍以行北望
燕雲神弓夜嘯剪彼昏逆還我光明國命所懸敢不拜勉抑鈞則尤有進者民國肇造本以
圖存海風溯滂橫流剽厲神州頽頽華胄顛危乃亂政亟行焚然四載本根斫伐夷傷蹙然
彪茲狂流魚鼈在望茫茫禹域砥柱何存誅彼昏逆窃國之罪小亡國之罪大咨我義師討

賊之責輕與邦之任重則所以盪滌穢瑕發揚光烈培元植基奮起爲雄我父老兄弟大有後責焉嗚呼烈鈞行矣升彼大阜從其羣醜敢橫刀躍馬竭其股肱之力無負我父老之厚望雖然前者唱吁而後者唱喁枝柯輪囷華實樞危盛德大業非異人任諸父老國本在躬全國喁喁相望至切其將有偉畫宏謨居內制外策近圖遠與都督唐公同德一心汨其泉源溉其根本布葉垂華潤色鴻業背負之巨蓋不特賈其餘勇策我後勁已也區區之忱敢以告勉立馬迴望無任神馳李烈鈞

雲南全省團保總局飭各縣知事認真遵辦團務文

爲通飭遵照事查團保之制防於周官兵農交修緩急足恃後世去古日遠浸失其真歷久變通範圍不過滇省前此舉辦團保成效昭然近年以來此制漸弛以致荏苒公行道路不淨即無軍旅之事猶應規復舊制以衛閭閻而保安甯况現值本省仗義興師悉銳而出各屬警備隊均經分別裁併駐防各陸軍亦經先後調發留防軍警無多所恃地方民團補助保衛用固吾圉即儲後勁故切實整理團保爲滇中今日最要之圖本總局奉 都督命辦理全省團保眷言桑梓日夕兢兢開局之初已將成立日期先行通飭各屬知照在案隨即

根據前頒保衛團條例按照地方情形酌量增減定爲團保章程二十四條注重簡易實行既可使團練保甲名實相符而於向章亦不失其効力現在此項章程已呈奉 都督核准照辦亟應通行各縣知事及行政委員一體認真遵辦以固境圉而遏亂萌惟治法尤賴治人實心乃有實效值此中原多故時局艱危各該縣知事爲親民之官原負有保護之專責即各縣團紳等生長斯土田園廬墓所在亦豈能漠不關心是團保之設在人民爲身家所寄在知事爲考成所關名雖保衛地方實則卽以自保若仍因循敷衍設一旦變故當前彼時雖欲毀家紓難已恐後時則何如未雨綢繆尙得以有備而無患仰卽查照新頒章程酌量地方財力何者可以樽節何者可以增加何者窒礙難行何者措施盡利逐條研究勿掉輕心總之籌欸不擇洪纖而民力亦在所當恤用人不拘資格而流弊尤早爲預防勿以操切而計功勿以顛頂而塞責懋臚上考共濟多艱本總局實有厚望焉凜之愜切此飭

雲南全省警務處處長唐繼禹咨各縣知事保護在粵將校家屬
文

爲咨請查照事頃奉 都督面諭自我滇省宣布獨立擁護共和各省已漸響應或特遣代

表贊成。或秘來函。電通欵。惟廣東龍氏兄弟徘徊觀望。態度不明。近據探報。且有時常密遣心腹來滇。窺伺之語。豈其不明大義。爲袁逆賞爵所糜。竟欲反對共和。甘心以圖桑梓耶。抑誤聽子虛烏有之謠言。謂我滇政府拘其家屬。苛虐殘害。特放心不下。遣人以探聽虛實。不知吾滇此次舉義。所仇者袁逆一人。所顧者同胞萬衆。况重以桑梓觀念。何能作箕豆相煎。查龍軍將校。多係滇人。其各家屬。半在本省。伊之家屬。既有人播此謠言。則各該將校之家屬。亦難免不同被影響。各該將校。遠在廣東。既聞訛傳。而妄生猜度。則各該家屬。近在本省。亦難免不接來信。而羣致恐慌。若不將我滇政府一番德意。宣示明白。將在外者。無端懸揣在內者。自起驚疑。遠近惶惶。殊非所以定人心。而全大局。除由本都督前於宣布起義時。業已電飭臨安縣。於龍氏家屬。特別保護。其各該將校之家屬。亦經通電各縣。一律妥爲保護。並於此次再行出示安撫外。猶慮地方散處。不盡週知。特將調查所得各該將校銜名籍貫。表一紙。發下省會警察廳。由該廳長轉行各縣知事。按其銜名籍貫。詢悉家屬住址。在城在鄉。一律妥爲保護。並諭令通信各該將校。宣示政府德意。使無顧慮。家室悉得盡心國事。去逆効順。共建殊功。惟原表。僅及督練官而止。似乎太略。其間保護撫諭。應如何推廣辦理。由

第 期

該廳長酌度行之等因奉此查滇省宣布獨立擁護共和赫赫義聲著於天下龍氏兄弟暨在粵滇人諸將校各屬雲南一分子律以公義固當絕對贊同揆之鄉情尤應協心扶助茲於伊等方面不問其贊同扶助之如何先於家屬方面總加以仁至義盡之相待誠我督寬宏大度以德服人而本廳職責所在維持公共安甯保衛衆人生命亦良有不容自己者也合行轉達除龍氏家屬另行特別保護外即希貴知事查照按來表銜名籍貫訊悉其家屬住址其有表中僅列銜名未詳籍貫抑或銜名籍貫一並漏列而家屬現居境內各就地以清查當逐戶以週知凡在管轄區域皆盡保護責任又原表調查所得僅及督練官而止誠如都督所諭殊嫌太略特再請煩貴知事詳細調查凡在廣東充任大小軍官及文職而當重要差使者均各按名填表一視同仁妥爲保護並傳諭各該家屬速即通信廣東俾知政府德意其爾尤須開陳大義曉示利害勿受僞逆之牢籠背去自家之根本現在義軍所向勢如破竹蜀之瀘叙湖之晃沅咸唾手以成功行長驅而大進袁逆推倒即在旦夕若猶意存觀望甚或身作附從則各該家屬現經保護悉受範圍難再求仁至義盡之相待當易爲法繩律制之相加是欲圖不利於滇即先自不利於己舉足一差噬臍何及盍若共

贊。義。舉。借。作。同。仇。壯。粉。榆。桑。梓。之。光。慰。父。母。妻。孥。之。望。以。彼。易。此。孰。得。孰。失。必。有。能。辨。之。者。
函。中。大。要。盡。斯。數。語。各。該。家。屬。查。照。寫。就。信。函。填。明。投。遞。處。所。呈。由。貴。知。事。隨。同。咨。覆。辦。理。
情。形。及。查。填。另。表。一。併。送。廳。以。憑。彙。報。都。督。查。核。總。之。我。政。府。既。有。此。一。番。德。意。尤。望。
貴。知。事。能。行。以。一。段。熱。心。務。使。比。戶。一。律。安。全。遠。人。聞。風。感。戴。定。人。心。而。全。大。局。舉。於。此。乎。
系。之。萬。勿。視。若。具。文。亟。宜。妥。速。歲。事。實。爲。至。要。至。盼。此。咨。各。縣。知。事。



書

續

石
碑

書牘

中華民國雲南都督唐致北方各師旅團營長書

北京直隸山東山西河南陝西甘肅新疆奉天吉林黑龍江各師旅團營長各同胞公鑒夫魯仲連東海之一匹夫耳迺能力拒強秦取銷帝號伸大義於天下增歷史之光榮華盛頓北美之一軍人耳迺以具獨立不羈之精神爭天賦人權之公理脫離壓制建樹共和茲二人者其耳目鼻身體髮膚無以異于人也而思想高尚義勇兼全如是試一繙太史公之史記遊合衆國之都城卓卓名言巍巍銅像不禁令吾人歎美傾服歆慕不置今吾輩亦猶是挺然丈夫之身而乃佻佻致令袁氏一人施愚民之政策逞獨夫之暴行自爲帝制賣國求榮若竟遂其所爲直將陷我四萬萬同胞於永世不復之浩劫此繼堯等所以沈舟破釜泣血椎心不辭鐵血之勞而謀公共之安者也粵自清廷遜位革命成功袁世凱以梟雄姿謬竊時譽爾時在事同人開誠布公不忍生靈之塗炭遂因而推舉之以爲袁世凱果能維持國家之治安尙不失爲當代之豪傑乃袁氏自就職總統以來包藏野心妄貪帝位

試回溯其四年之種種施設何嘗有一實心實政惠及吾民者無非爲其稱帝稱尊之私計而已今試揭其好罪爲

諸君子一略陳之比年盜賊不靖萑苻遍野水旱災害環起疊生國困民窮已臻極度仁人君子聞之惻然矧其爲一國之元首宜如何恐懼修省力謀奠安生民迺醉心帝位岌岌不遑日事敲剝供其浪費牢籠要結無所不至民生國計概未有聞但肆一己之奸貪違恤兆民之困苦豈非不仁之甚者世界文明日趨共和四海之富九五之尊已成陳迹榮威久殺况總統公舉爲世界無上之光榮欲皇帝私傳易啓骨肉殘殺之慘禍分藩構壘宮禁橫尸歷史昭然可爲殷鑒袁氏諸子競長爭雄各懷異心釜豆之煎伏於眉睫而乃利令智昏一切不顧但求償其大欲不慮及將來猶靦然飾詞以告於人曰余不惜犧牲一家以爲國夫今日之民國固尙相安無事也有何不得已而必欲犧牲其一家始可相救者其一家之闔牆猶未也而全國之禍害隨之其一身之甘爲石敬瑭張邦昌貽中國以莫大之恥辱猶後也而陷全國人於奴隸牛馬與獨夫以俱盡豈非不智之尤者袁氏兩次就職總統皆宣誓言擁護共和永不使君主復見又其致各省都督書有云世凱東髮受書即慕唐虞官天下

之風以爲歷代治道之隆污罔不繫乎公私之兩念泊乎中歲默識外情目覩法美共和之良規以爲深合天下爲公之訓云云迺息壤在彼竟不惜食言而肥豈非不信之尤者袁氏臣事清朝世承恩澤外掌封圻內歷樞要革命事起遂復倒戈民國推任總統然猶曰民國之元首公僕而已代表國家而已既非異姓而帝即無篡奪之嫌今則欺人孤兒寡婦公然取而代之矣公然降封爲王矣自古莽操之徒猶未必喪心至是也豈非不義之尤者天下斷未有不仁不智不義不信而可以忝然爲民上保邦家者凡有血氣宜無不痛心疾首奮袂而興咸思除此叛逆還我共和矧燕趙古稱多慷慨悲歌之士北方強矯爲英豪義士所挺生時至今日豈竟無思想之高義勇之備如魯仲連華盛頓其人者乎奈何倡義之舉寂然無聞北顧山河猶蒙瘴霧

諸君子皆手創共和之人其剷除貪橫之政府保衛神聖之民國皆其固有之天職未可放棄者也誰具桎梏阻其進行致使地靈人傑之區爲腥穢迷漫之地英雄在望用武無人詎不大可惜哉繼堯等之素志本以國家爲前提在平時服從命令擁護中央亦與諸君子同其宗旨但袁氏既甘心叛國則已爲天下公敵繼堯等負民國之重託受民國之

第 期

一

第

勝盼切之至。

失事機甘作公衆之敵自貽後至之羞萬世千秋永爲共和國所詬病則幸甚矣臨穎不

義舉迅奏膚功救民水火蓋以正勝邪以直勝曲自然之驗必至之符也切勿存心觀望坐

行將會兵武漢直擣幽燕我北方 諸同胞君子見義勇爲當仁豈讓所望深體熱忱共勳

祿位斷不敢附和逆謀以私害公用是躬率仁義之師誓盡弔伐之責師直爲壯衆志成城

任前巡按使可澄敬告貴州全省父老昆弟書

民國成立亦越四載共和大義如日中天袁氏奮其私心自爲帝制初假楊度孫毓筠等之

籌安會以罔吾民繼竊國民之公意以塞外議醜行百出無可諱言友邦如見肺肝再三警

告乃遂暗輸權利冀圖轉圜中日交涉第五項已將重提承認更不惜妄奮螳臂加入戰團

斷送全國之命脈以博一日之稱號外無以視列國內無以對國民民生無以謝滿清之臣僚

死無以見首義之烈士及汝偕亡孰能忍此在袁氏井蛙自大沐猴而冠語其功業尙不及

曹阿瞞劉寄奴之初窮其奸謀殆將爲石敬瑭張邦昌之續若敖狙蒲騷之役遽謂天下無

人公路惑當途之謠實速枯骨入塚是以滇師一起海內風從得天下之多助知人心之不

死。昔。日。司。馬。之。心。路。人。皆。知。來。年。祖。龍。之。死。山。鬼。預。告。願。猶。有。瞻。顧。徘徊。疑。其。兵。勢。強。盛。者。不。知。黎。副。總。統。被。囚。段。陸。軍。總。長。被。毒。馮。上。將。軍。被。疑。四。方。豪。傑。靡。不。解。體。加。以。窃。國。之。罪。上。通。於。天。各。省。軍。民。長。官。久。已。同。此。義。憤。所。餘。段。芝。貴。倪。嗣。冲。輩。聞。鼓。鼙。而。心。驚。知。狐。鼠。之。氣。盡。此。即。蜚。廉。效。死。何。救。商。受。之。亡。况。乃。貳。負。不。臣。必。有。望。夷。之。禍。哉。至。於。譚。尙。稱。兵。冀。爭。當。壁。皖。粵。植。黨。各。執。倒。阿。蓋。無。一。而。非。敗。國。之。行。即。隨。在。皆。有。必。亡。之。道。是。以。海。內。人。望。如。梁。任。公。徐。東。海。湯。濟。武。張。季。直。諸。人。無。不。相。率。引。退。賢。者。辟。世。善。類。爲。空。衆。叛。親。離。獨。夫。而。已。此。其。勢。力。更。何。足。言。可。澄。心。知。有。國。義。尤。愛。鄉。申。晉。哭。庭。會。共。艱。險。魯。連。蹈。海。敢。負。夙。心。虞。吾。鄉。攝。兩。大。之。間。或。左。袒。右。袒。之。不。定。惟。丈。夫。立。千。秋。之。業。當。劍。及。履。及。以。相。從。苟。首。鼠。之。猶。疑。恐。池。魚。之。殃。及。歸。楚。不。信。幸。味。蒯。生。之。言。疑。謀。無。功。詎。侈。夜。郎。之。大。况。滇。黔。久。同。利。害。水。崩。則。其。壞。在。山。當。成。敗。決。此。須。臾。室。築。豈。容。謀。於。道。務。希。投。袂。而。起。執。殳。以。從。勿。窮。大。而。失。居。讓。他。人。之。先。我。燕。雲。直。搗。何。殊。鳴。條。牧。野。之。師。天。日。鑒。茲。不。墜。富。水。貴。山。之。譽。敢。披。肝。膽。幸。鑒。腹。心。

中華民國雲南都督唐致華僑勸捐啓

(其一)

中華會館幹事諸公鑒。天禍中國。降此鞠凶。共和之基。未奠。叛逆之事。已彰。袁世凱。妄貪天功。思竊神器。帝制之說。一倡無恥之徒。諂附懼國人之反對。則殘殺異己。以抑之。懼外人之干涉。則捐棄權利。以奉之。違法背誓。倒行逆施。如其所謀。得遂則亡國。亡種。可以預期。此繼堯所以泣血椎心。首倡義舉。以護國討逆爲職志也。逆本一無賴。猥薄無行。欺詐成性。屬以運會。謬攬大權。少壯未習。詩書衰齡。反同取。豎竊帝號。以自娛。雖夕死而甘心。至國之存亡。非所計也。傳聞列強。以加入協約爲承認。帝制報酬。並附以種種酷烈條件。如此立國。尙可謂之爲國乎。嗚呼。中國不亡於革命以前。而亡於革命以後。不亡於列強眈逐之時。而亡於不暇東顧之際。不亡於四萬萬人排斥之滿清。而亡於四萬萬人拱戴之袁世凱。逆之罪惡。罄竹難書。舉其大者。言則斂取小民之脂膏。供其泥沙之揮霍。罪一外交失敗。國度愈低。罪二誅鋤異己。要結私人。狗苟蠅營。陰謀大位。罪三違背約法。自食誓言。罪四摧殘輿論。蹂躪民權。厲行專制。專爲其私罪。五曩所以不即申討者。以逆跡尙未大彰。隱忍不較。鑿煮豆燃箕之誠。避兄弟鬩牆之譏。逆遂鳴張。以爲天下無如我。何招集二三無恥之尤。欲以一手掩衆目。此而不討。其何以對越先烈。邇來義師一倡。響應四起。蓋奉辭伐叛。名正言順。外交內

政亦因而順利現組織臨時政府不日成立逆之授首可不旋踵而待惟是年來款項支絀羅掘已盡不忍再累吾民伏維

諸公身居海外心衛宗邦感異國之風華念中原之塗炭必有聞鼓角而傷心望鄉關而隕涕者矣茲特囑陳君毓善銜命南來敬布腹心陳君南州住士黔國通材望與之接洽一切若爲子文之紓難卜式之助邊異日肅清中夏當推諸公首庸四萬萬同胞不難范金以事也臨書神往不盡欲言敬候

公安伏維

照鑒不具

唐繼堯上言

中華民國雲南都督唐致華僑勸捐啟

(其二)

中華會館首事諸公台鑒自袁賊擅國四易寒燠治象不進國勢日危內則僉壬競進苛政繫興盜賊滿山人民憔悴外則強鄰日逼恫喝要挾利權損失剝牀及膚袁賊曾不悔禍方且日肆威福排斥異己揮金如土殺人如麻等法制於弁髦玩國人於股掌循是以往內憂外患已懼禍至之無日顧國中志士仁人所以忍痛須臾虛與委蛇者誠念風雨漂搖之國

家不堪再經擾亂。袁雖無道。冀共和國體不變。他日更替老死。尙可徐圖補救。此猶爲吾國人將來之一綫生機耳。不圖袁賊貪黷一身。誤國之不足。又爲子孫帝王萬世之計。俾茲禍種貽我新邑。帝制一成。吾國人不絕如縷之一綫生機。從此斬矣。比者帝制運動。威脅力迫。無所不至。國內重足忿嘆。已發曷喪。偕亡之惡聲。武夫健士磨刀霍霍。莫不思剗刃賊腹。而袁賊怙惡不悛。逆謀愈急。懼國人之不附。援外力以自固。參加至危之戰局。承認無理之要求。以求遂其大欲之故。至不惜孤注一擲。以國家供彼一人之犧牲。嗚呼。今日則爲石敬瑭張邦昌。他日則爲成泰王李太王。彼塚中之枯骨。尙復何恤者。顧使我四萬萬人。低首下心。永生息於小朝廷之下。吾亦安能忍。而與此終古耶。繼堯腐心切齒。痛念國步方艱。雅不願再動干戈。貽生靈塗炭之禍。顧逆謀既堅。不可回神。奸竊國終成附骨之疽。與其隱忍養癰。坐以待亡。毋寧忍痛一割。或有生理。是用移檄海內。誓師討賊。各省電馳風掣。密謀響應。感人心之不死。識凶逆之必摧。惟舉義以來。徵發調遣。需用浩繁。繼堯憑枯瘠之巖疆。供數省之援。應雖復勉力羅掘。終虞持久無術。諸公眷懷宗邦。夙敦風誼。抒薄海之公憤。急同胞之危難。知必有慨當以慷。力予援手者。茲遣某君前往敬問。起居藉呼。將伯若蒙。仁漿。

義粟誼重指困庶幾士飽馬騰感深挾纊他日膚功迅奏再造民國豈惟繼堯焚告頂禮全國同胞皆拜諸公之賜矣而不然者懸軍遠出左支右絀銳氣銷沈師老無功逆賊稽誅國危莫救繼堯與數萬軍人一死報國固已計不反顧矣諸公他日歸觀故國忍唱黍離麥秀之歌乎惓惓至誠與書俱馳惟賜鑒察並頌蕃釐不戢

唐繼堯免冠

中華民國雲南唐都督等致華僑勸捐啟

(其三)

敬啟者宗國肇建共和於茲四載國基甫定民志稍寧詎意天降鞠凶元首謀逆施利誘威迫之手段逞盜竊神器之狡心以二三宵小爲之爪牙視全國同胞有若龔瞽背誓食言悍然不顧列強干涉退讓自甘揆厥私衷殆不惜四百兆人之生命財產以爲帝王之代價忍心害理莫此爲甚此誠志士仁人所爲憤激填膺不能不出而維持國步者也繼堯等爲宗國安危計陳牧野之甲致討獨夫揮魯陽之戈願回皎日現集滇中子弟編爲護國三軍聯絡湘粵川黔誓師伐罪刻已陸續出發軍威所至勢猶破竹將與中原豪傑會剪蚩尤重光八表惟是首義區域軍用繁多負擔特重非廣呼將伯厚集餉糈無以收士飽馬騰之效而

鼓披堅執銳之心素謙 僑胞高義干雲熱忱愛國知危必救有同捐乘之弦高見義勇爲肯讓助邊之下式尙冀 同心提挈 毅力扶持慨助義金共襄盛舉庶借來箠筍用集底定之奇助重整河山復鞏共和之大局享幸福於斯世實拜 賜於諸君臨穎神馳不盡縷縷祇頌 公安統惟 惠照

唐繼堯蔡鏐李烈鈞任可澄同叩

劉師長祖武上唐都督言南防兵事書

冀廣都督鈞鑒日前郵呈密緘陳述南防情形諒登 偉鑒近日龍氏籌畫對付我軍陰謀益爲吃緊據各路偵探報告及精密調查種種計畫欲實行內外夾攻之計動搖南防根本俾逆軍得以深入以達其聲東擊西之目的謹將近日龍氏舉動爲我 都督陳之龍氏派遣浪人混入內地意圖擾亂業經通電各處加意盤詰防範不計外查逢春嶺一帶龍氏所轄各小土司均召集部落預備槍械約有新式槍枝無數砲二門士兵額數約計五千餘人借口防匪四路要隘已派士兵駐紮嚴禁出入遏止商旅內部消息甚爲秘密屢次派員前往偵探均不得深入調查據可靠消息龍氏陰謀預先調集該部土民發給槍枝一俟龍親光粵軍開到百色卽率該土兵等分撲箇舊建水蒙自等處爲響應龍軍借作犄角之勢師

長再四思維悉心籌畫就彼己之形勢策攻守之戰略以地形而論龍氏兵力集中江外其入內地之路酌分三路斗姆閣一路距蒙三日王布田一路距建水六日距蒙自四日梭斗坡一路距蒙一日半係山路較爲陡險以上各路均宜設防但現在師部兵力雖有二營已撥一營歸護國第二軍準備出征警備改編游擊分紮外縣臨時亦難集合以師部之重鎮徒擁虛名倘江外驟然思逞分道侵入既無中堅軍隊臨時指揮又難調遣別軍朝發夕至師長一人不足惜蒙自一邑不足計所可慮者根本動搖對內有肘腋之憂對外爲心腹之梗於大局不無牽動耳師長職司所在未敢緘默懇祈 鈞府酌量緩急杜微防漸竊有備而無患先未雨以綢繆請再添設二營急資鎮懾若蒙 允行卽由師選派營長來省組織但現下風潮甚緊若待組織完備誠恐緩不濟急昨奉 鈞電飭由臨安調派據李旅長來電情形大致相同亦難抽調應請由省暫抽一營到箇暫爲支持此誠迫於萬不得已之苦心若再遲滯延緩文電因循恐變起倉猝將來未易收拾關係大局責無旁貸又聞龍軍舉動步步進行近日喧傳前隊已到南甯我軍規畫未見神速動輒遷延反落人後主客之勢利害攸分擬請 鈞府預定方略採先發制人之語兵貴神速使桂粵方面早日得手對於

大局關係更占先着種種蠶見統祈 採納至對於江外之布置若再姑息優容終爲心腹之患以師長意見龍氏既不顧大局反圖陷桑梓於危地與其禍發於未來不如先機而制彼擬俟二軍到蒙組織完備之時先行勒令該處各土司一律繳械解散士兵若抗拒不從卽用威力脅制以除內顧之憂而免掣肘之患是否有當伏候 鈞裁訓示飭遵謹肅敬叩 崇安。

劉師長致廣東龍將軍函

紫丞先生助鑒前奉 瓊函謬承 推獎旋修素鯉未見還雲祇以粵嶺睽隔音書阻滯慨慕英風寢興馳仰近者據各方面報告僉稱 尊府子侄在納埂逢春嶺招募士兵封禁渡口聲言保護廬墓云云聞之詫異竊吾滇興舉義師擁護共和純依人民心理決不至轉與人民爲難是以首義之初卽遵照 都督唐公迭次電令一再嚴飭所屬凡在外省服官及當兵家屬無論土著客籍均一體保護不准稍失禮敬此邦父老實所共知故兩月以來各家屬皆安善如常從未發見有保衛不周之事是其明証今 尊府子侄無故招兵惹人視線殊所未解謂與滇軍爲難耶現滇省已組織六軍共計十二師團員兵餉械均設備完全

第一二三等軍業經分道出發四川方面已占領敘府瀘州一帶川中之劉師長存厚亦率衆響應成都垂手可得湖南北方面已占領晃州一帶長沙武漢更在掌握而留滇駐鎮之陸軍又另有數師及混成各旅尙不在六軍之內槍砲之利訓練之精遐邇所知無待自述尊府子侄招集鄉農藏備槍械封禁渡口意欲與滇軍齟齬味中原之大勢失桑梓之感情室內操戈自相魚肉想我公達人當不令其出此謂準備兵隊與台從之粵軍內外夾攻耶以台端昆仲海內英雄深明大局當不肯拂全國人民之心理替袁氏一人擇皇帝做爲操莽之典韋王尋致令中外誹笑損盡盛名卽或勉徇情面爲袁出兵現滇軍已到湖南境內江西廣西亦早有聯合福建方面更待機立應粵東兵隊若略舉動閩攻其北桂攻其西湘贛攻其東不出數日卽成八面受敵之局尙何有遠攻滇省之兵力然此尙係外省之形勢也屢接港澳友人來函民黨之幟已遍樹於惠州南韶等三十餘縣炸彈之隊已密布於觀音山華甯里廣府前等五六十處舟中敵國危機瞬息遲而不悟蓋粉將成更何有遠攻滇省之時機然此但係粵民之仇視也台端所恃以偵探運動者心腹數人耳所恃以戰鬪者黃宋等數人耳不知此諸人者與本師之秘密探員或同鄉素契或氣誼相投

久已晤面通函一再接洽情願効忠民國或直接投函師部願乘機倒戈聽候北伐甚有致密函於敵處甘願獻足下之首以自効俾與增鳳并列而三此間以堂堂義師不肯用紅線金盒之計婉却未允是親離衆叛內患已深瓦解土崩禍機在卽尙何有遠攻滇省之帮手然論者猶謂尊府子侄羣季皆將門之子若令蒼頭特起綠林廣招或亦足破壞滇中背城一戰不知綠林義士草澤英雄如著名之白旺莫卜等均由當道派員招撫久有聯絡渠等現尙未全數露面者亦因不明政府宗旨所在恐不相信耳現已陸續來歸聯接一氣少有人心雖在鄉愚獷莽亦有不肯覲顏附和國逆況在明公爲中流之砥柱壯共和之干城詎肯自取下策耶以上各端均係實事某誼切梓桑用貢腹心務希函囑令六公子等將已招之士兵立即遣散封禁之渡口宣布取銷照常安居樂業永保福利以免人民驚疑商旅阻礙敵處當恪守都督訓條凡家屬廬墓田產均加意保護決無他虞縱令滇粵兩省不幸以武裝相見亦斷不絲毫牽及尊府及從軍各人之家屬天日共鑒決不食言並請轉達吾鄉在粵之官長士兵知照萬勿疑慮敵處爲不肯操戈同室枝傷連理起見用特佈聞純係保護南防人民問題與戰爭無關至於戰鬪之事別有主任摩厲以待與此無涉

合併敘明再東南各省迭接來電內容已一致贊同待機立動奉天蒙古方面亦相繼獨立提兵攻袁現已達張家口一帶北京業調不動兵情狀甚危知注并及順頌勳安

組織護國演說團啟

鄉晚劉祖武啟

敬啟者公道自在人心揚之愈著忠義不絕天壤發之彌光箎吹老婦巾幗皆成健兒筑擊漸離壯士盡垂涕泣區區聲樂尙能感人况乎現身說法衷聖發言既有倫而有要當如火而如荼以故魯連奮舌氣奪秦師包胥痛哭立紓楚禍果精誠之所致雖金石亦爲開豈有血氣之倫猶弗鼓舞而興者乎今者袁逆蠹國叛法枉民罪浮於周厲一逐不足蔽辜暴甚於嬴秦非誅何能靖國我唐都督首舉義師誓清妖孽三軍挾纊萬衆一心直搗幽燕漆獨夫頭爲飲器羣扶共和集五色雲爲旌旗赤忱耿耿皎若日星黃口悠悠恐淆聞聽組織國之說團當木鐸之宣言要使懦夫凡豎各奮博浪之椎卽至孺子婦人爭詠同仇之什從此再接再厲殄彼元惡元凶凡屬先覺登壇早振金聲胥是國民屆時敢攀玉趾謹將組織簡章臚列如左

第

二

期

- (一) 本團定名為護國演說團。
 - (二) 本團以聲明大義。發揚民氣。輔助本省政府。掃除帝制。擁護共和為宗旨。
 - (三) 本團暫以進步黨事務所為集合地點。
 - (四) 本團演說員。以德望素著。通達事理者為合格。
 - (五) 演說處所。臨時酌定。先期布告。
 - (六) 演說詞。由本團主任編訂。
 - (七) 本團設主任四人。書記一人。雜役一人。
 - (八) 本團先由省城發軔。推廣各縣。
 - (九) 有願任演說員者。請到本團集合所書名。
 - (十) 本團經費。一面稟請政府。酌量協助。一面由本團募捐。
 - (十一) 本團成立。稟請警察廳立案。
 - (十二) 本章程有未適合處。隨時妥議改良。
- 發起人李燦高。由夔舉楊仰山。劉少鶴。張少榘。周芸生。夏伯魯。顧仰山。雷沛周。黃子實。王級。

三張君翔惠雲岑倪宣三王鐵山王小秋劉承之牛燦南胡盈川周善伯劉梓然陳述之段榮臣羅小池由幼先

雲南商務總會勸捐資金購備物品分寄前敵各戰地義軍藉供需用啟

啓者。慨自元首叛逆。謀劫帝位。欲陷四萬萬人民於萬劫不復。凡有血氣。莫不疾首痛心。幸我滇軍府。首先發難。興湯武之義師。先後出發。即有黔湘粵桂等省。先後響應。蘇鄂閩魯各方面。亦有同意。現在會軍征討所向。克捷旌旗到處。鷄犬無驚。指日北伐行看。犁庭掃穴。獨夫授首。還我共和。河山可爲預定。惟是擁護民族。伸張民權。注重民生。一戎衣而天下大定。雖賴豪傑振師。英雄鞠旅。運籌帷幄之中。決勝千里之外。然皆將士同心。三軍用命所致。我滇可親可愛之三迤健兒。類皆六詔菁華。俠同燕趙。所謂孫武子步伐整齊。進有法而退有則。岳家兵號令嚴明。撼山易而撼岳難。用能出奇制勝。義聲洋溢。吾儕商人向習白圭之業。身命財產繫於軍人之身。國既不立。家即不保。皮之不存。毛將焉附。此番天戈震盪。不惜捐軀報國。舍生取義。爲國家作干城。爲人民謀幸福。固已額首稱慶。出水火而登衽席矣。迴

憶兵凶戰危。古人所戒。我軍府以艱難締造之民國。竟爲神奸巨蠹所敗。壞用兵實出諸不得已之舉。然而護國軍之櫛風沐雨。跋涉山川。不避烟硝。暴烈匪肉。橫飛屬吾同胞。兄弟叔姪。痛癢自係。相關斷不能忽。然以置茲擬效。簞食壺漿之舉。由商界激發。天良各量力捐。金富者多助。俾集腋成裘。尅日儘數購備。物品分寄前敵。各戰地藉供需用。微紓我鄉邦父老愛同胞之忱。聊慰遠道出征各軍士之懷。是爲至幸。尙冀吾桑梓父老及各幫商董一致解囊共成斯舉。以期鼓勵戎行。早日推翻帝制。產出真正之共和國家。凡我金碧同胞。盍興乎起。總商會謹啓。

雲南紅十字會募捐啟

粵夫孔宏胞與佛廣慈悲。耶教之言愛衆回教之示相親。皆仁也。天道不能有生無殺自殺。機一發而浩劫頻開。血肉糜飛。天心未免愴惻。死者已矣。未死者猶冀生存。盡力人事以補天心。此萬國紅十字會之所由起也。考此會創始實於英國女士乃丁。戡爾而摩利爾爲之。定名經各碩學通儒講論提倡。遂致風靡世界。我國加入此會在光緒三十年。各行省相繼設立。殆遍焉。滇省軍興師出。絡繹戰楚。戰蜀者莫不爭櫻鋒鏑。瘡痍滿野。觸目堪憐。雖各營

俱有軍醫。或有力難兼顧之處。同人等竊取鄉鄰被髮之義。勉體蒼帝好生之心。衆志攸同。遵照萬國締盟日來弗條約創設雲南紅十字會。請命都督已蒙贊成。惟七級之塔一甄。莫擎百尺之樓。一木難構。所望識時俊彥。闡名媛。見義勇爲。當仁不讓。共挈菩提之心。來濟龍華之會。精刀圭之術者。任治金創富慈善之心者。同襄盛舉。虞潭母老鸞環佩以療疾。軍馮寶妻賢解衣襦而裹戰士已饑已溺。知金碧蒼洱不乏聖仁。並育並生。願蚊蠅蠅蛆皆含佛旨。謹述同情敬佈。短啓祈署芳名。

南洋籌餉代表龔振鵬古直致華僑父老書

海外父老兄弟鈞鑒。袁氏篡國。履霜堅冰。由來已漸。司馬之心。路人皆知。故秉國四年。百政墮廢。惟汲汲擢用羣小。廣樹爪牙。凡事只求利於一人。不顧有害於全國。國恥重疊。高於泰山。權利喪失。多如沙數。去年五月九日之事。尤爲亡國厲階。此皆我海外父老兄弟所共見。共聞切齒痛心者也。乃袁氏當此國本飄搖之秋。不思臥薪嘗膽。爲亡羊補牢之謀。反亟竊號自娛。希萬世帝王之業。叔寶心肝。果將安在。豈日日暮途遠。吾故倒行而逆施之乎。傳曰。長惡不悛。猶自及也。書曰。罪惡貫盈。天命誅之。唐大都督用是投袂而起。共行天罰。手挈滇

期 第

黔西蜀之山河以延中華民國之國命義聲倡而山岳動民氣奮而國魂蘇苞桑之繫其在此矣。鵬與聞大計共賦同袍欲以馬革未裹之身統率義旅長驅而前懸紂首於太白斬王莽於漸臺然後沈清宇宙奠定共和永剗帝王之根以塞篡盜之源功成不受長揖歸田其亦庶乎男子之所爲矣。乃唐大都督以登壇韓信已足幕中轉餉蕭何宜求海外屬諸護國軍第二軍總司令兼籌餉局總理李公俠璜命鵬與直代表南來宣達內情因呼將伯奉命以後凌越波濤間關萬里已至於斯咨諏忠信每懷靡及用知我海外父老兄弟北首國門念國之害憂心殷殷也夫鄉鄰有鬪猶且纓冠鵠鴿在原豈不急難我海外父老兄弟仁智愷悌感傷同類恩愛宗邦其必不忍坐視且傳有之皮之不存毛將安傅國苟滅亡家豈有幸猶太人飄零無國到處爲人欺凌擁資雖多亦安所用殷鑒不遠復在安南朝鮮之人岳飛有言文臣不愛錢武臣不惜死天下太平矣今唐大都督及各將士統率滇黔川蜀之子弟不敢惜其死豈我海外父老兄弟而忍愛其財乎側聞此間富者累千百萬次猶十萬數十萬焉出其千分百分之一以救國難而有餘而於己無所損亦何憚而不爲乎夫人生於世貴能建立驚天動地之大名以震盪當世焜耀史冊耳桓溫曰不能流芳百世亦當遺臭

萬年。今袁氏盜國遺臭。正我海外父老兄弟救國流芳之時矣。昔子文毀家以紓難。卜式輸財以助邊。並名垂青史。聲施無窮。范蠡用計。然之策。致富霸越。及扁舟五湖。爲陶朱公。復三致千金。而三散之。虬髯客家財千萬。奴婢千人。悉資唐宗。以成大業。此二子者。尤爲曠古之奇人。至今國史懷其舊俗。人世以爲美談。光榮莫過焉。茫茫南洋七州府。爪哇泗水三巴冷。婆羅洲蘇門答臘之間。今尙有其人乎。鵬直安敢量我海外父老兄弟哉。人亦有言。濟人濟急。故西江之激。無補於鮒魚。壺餐之舖。有救於飢渴。願我海外父老兄弟。以救焚拯溺之心。赴僊。後來蘇之望。鵬直之幸。祖國之幸。四萬萬人子子孫孫奕世無疆之幸也。敢布腹心。惟我海外父老兄弟實圖利之。龔振鵬古直頓首。



書順 南洋籌餉代表龔振鵬古直致華僑父老書

捷

緩
仙

電

捷電

滇護國第一軍橫江戰鬥之捷電

急滇都督唐師長張行營總司令蔡均鑒我軍自克黃坡耳燕子坡鳳來場等處後節節進攻復克捧印村敵勢不支遂向橫江退却時敵軍由叙調集有砲隊機關槍等扼守橫江一帶我軍當即跟踪追躡於十八日午後三時進至距橫江接近之黃果舖時有敵之北軍約一混成團漢軍數營已在該處擇地扼守形勢極爲堅固我軍遂分兵爲兩路進攻第一支隊向敵之左翼攻擊本支隊向敵之右翼包圍至午後四時三十分敵兵不支卽紛紛逃散被我軍擊斃數十人擊傷數十人并生擒北軍官長二員擊斃一員生擒北兵五人於是第一支隊一面整頓隊伍本支隊卽馳向橫江追擊前進至午後七時距橫江約三里敵之後衛猛向我軍對擊砲彈機關槍彈勢如雨下綦仍冒險前進田營長亦率隊繼進并一面派工兵兩連步兵一連向敵之右翼潛進時天色已黑敵人槍礮亂發約一時許旋即崩潰我軍乘勝奮追敵兵遂紛紛乘船逃遁遺棄砲一門并子彈無算至午後十一時遂完全占領

橫江是役也。我軍追敵至百餘里。而官長均奮勇忘饑。毫無倦容。故遂得此勝利。堪慰屢注餘情。如何。續行電聞。楊綦印。

滇護國第一軍占領叙府之捷電一

滇都督唐師長張行營總司令蔡均鑒。我軍攻下橫江。當已電陳大概。倉卒之際。磨盾飛書。所有奪獲敵人山砲二尊。機關槍一挺。及槍砲子彈多枚。各情未及詳報。自克橫江後。我軍仍分兩路。於十九日夜進擊安邊。北軍前已三次失敗。此次特出死力抗拒。我軍第一支隊先於東南岸射擊。敵不稍却。綦軍冒險越關河。金山自山後突出。敵軍彈下如雨。綦奮勇當先。各部隊蜂擁繼進。呼聲震地。遂將敵人攻退。時二十日下午七時也。至七時半。敵人援隊由屏山突至。我軍奮勇衝擊。其歸路被我阻斷。敵軍盡力奔逃。突以機關槍奮力射擊。綦乃命各部隊停止放槍。率敢死士齊上刺刀向敵猛進。敵軍旋退。旋戰。我軍節節進攻。盪決數次。敵遂不支。拋棄機關槍等件於河。立即潰散。是役也。我軍擊斃敵軍營長戴鴻智一員。敵兵無數。並俘獲敵兵數十名。安邊地方遂爲我軍確實佔領。敵軍黑夜奔逃。狼狽之形。達於極點。我軍奪獲子彈及其他軍需物品八船。容後詳報。我軍此次繞道包圍。忍饑一日。夜行。

百里以外。又以敵力強固。死鬪多時。疲勞特甚。然志氣益銳。無不以一當百。敵軍赴河墜岩而死者。不知凡幾。清晨第一支隊渡河。整隊向前追擊。敵人稍稍聚集。至是又復奔潰。棄柏樹溪而遁。我軍乘勝直搗。遂於廿一日佔領叙城。人民安堵。各界歡迎。刻正安撫人民。分道進攻。詳情容後續報。謹此電聞。蔡養印

滇護國第一軍占領叙府之捷電二

急滇都督唐行營總司令蔡均鑒。本部抵昭。即督兩支隊兼程前進。本月十六日。一二兩支隊先後行抵滇川交界之新場地。面十七日晨。我軍在新場與敵軍接戰。節次進攻。敵軍當之輒潰。進至燕子坡。敵人憑山列陣。一支隊仰攻。移時敵不稍却。旋命二支隊繞道許堰。突擊敵軍後路。敵軍不支。棄山逃遁。我軍乘勝追擊。勢如破竹。由黃坡耳鳳來塲直至捧印村。俱被佔領。十八日晨。一二兩支隊由捧印村先後進攻。午後二時。一支隊抵橫江附近之黃菓堡。查此地左右崇山路徑崎嶇。敵人以機關槍大砲羅置兩山。意在包圍我軍。附擊制勝。我軍一支隊突入山峽。敵軍鎗砲左右注射。彈下如雨。我軍奮勇支撐。冒死爭山。預命二支隊乘夜出其不備。繞出右翼。以躡敵後。由山後振臂一呼。衝至山頂。敵軍奔潰下山。我軍乘

勢。仰。擊。遂。獲。全。勝。左。翼。敵。軍。亦。聞。風。驚。潰。槍。斃。逆。官。三。人。殺。傷。敵。兵。約。百。人。奪。獲。大。礮。一。門。機。關。槍。一。架。一。路。追。襲。直。至。橫。江。敵。始。奪。船。奔。北。十。九。日。我。軍。直。搗。安。邊。查。安。邊。地。控。金。江。左。右。兩。山。對。峙。敵。人。高。據。左。山。阻。絕。江。路。一。支。隊。踞。右。山。以。大。礮。牽。制。敵。軍。雲。峯。當。率。二。支。隊。繞。道。羅。東。越。金。江。襲。攻。山。後。約。下。午。三。點。半。鐘。敵。人。方。隔。江。射。擊。雲。峯。親。率。二。支。隊。蜂。擁。登。山。直。貫。敵。背。敵。軍。前。後。無。路。困。獸。死。鬪。我。軍。左。右。盪。決。拚。命。力。擊。戰。至。夜。分。敵。軍。大。潰。擊。斃。敵。軍。營。長。戴。鴻。智。殺。傷。敵。兵。搶。獲。軍。械。無。算。敵。人。自。此。一。蹶。膽。爲。之。落。駐。紮。敵。軍。棄。城。遠。遁。我。軍。遂。於。二。十。一。日。佔。領。叙。城。統。計。叙。南。大。小。數。戰。我。軍。死。傷。合。計。僅。二。十。餘。人。諜。馳。露。布。以。聞。雲。峯。叩。敬。印。

滇護國第一軍占領叙府之捷電三

各。省。都。督。將。軍。巡。按。使。護。軍。使。各。報。館。均。鑒。滇。自。舉。義。後。編。制。八。梯。團。分。道。出。發。其。第。一。梯。團。由。昭。通。一。帶。攻。取。四。川。南。路。駐。川。北。軍。第。四。混。成。旅。及。川。中。漢。兵。不。明。順。逆。肆。力。抵。抗。或。依。山。設。險。或。阻。水。爲。營。戰。溝。礮。台。節。次。設。備。我。軍。以。直。爲。壯。勇。氣。百。倍。拚。命。力。擊。冒。死。爭。先。渡。關。河。越。金。江。追。奔。遂。北。勢。如。劈。竹。遂。於。一。月。十。六。七。八。九。廿。等。日。連。克。叙。南。之。新。場。燕。子。

坡、龍凸背、觀音岩、三角堡、黃泥耳、捧印村、橫江、安邊等處。擊斃北軍營長戴鴻智一員。殺傷士兵無數。俘獲兵弁數十人。一律優待之。北軍紛紛潰逃。拋棄大砲、機關槍、步槍及其他軍需物品。爲數甚多。北軍屢敗之餘。談虎變色。或拋棄槍枝。匿哭山谷。或脫換衣服。匿跡民家。由安邊至叙府。尙有柏樹溪一鎮。足以戰守。北漢兩軍。不但不敢於此抗拒。且併棄置叙府。鳥駭獸散。我軍現於二十一日。直入叙府城。百姓歡迎。已得安堵。風聲所播。仁暴顯分。至北軍在川所至之處。大肆姦淫。極形騷擾。人民怨聲載道。士夫切齒痛心。兵丁擄奪以奉將校。將校縱兵以殃百姓。有意害民。此亦其一。我軍威聲既振。此後所指不難。尅日蕩平。用敢通聞。惠照不一。劉雲峯、鄧泰中、楊綦、養印。

滇黔護國第一軍蔡總司令進攻叙府各方面之捷電

各省都督將軍巡按使護軍使鎮守使師旅長道尹各商會報館均鑒。滇黔組織護國軍。鏢被推爲第一軍總司令。當於一月中旬。率師分道出發。十七日晨。第一梯團長劉雲峯。第一支隊長鄧泰中。第二支隊長楊綦。率所部行次滇川接壤之新場地方。與助逆北軍交綏。我軍奮勇激進。所向披靡。連克黃泡耳、燕子坡、鳳來場、捧印村等處。逆軍退嬰橫江之黃菓堡。

十八日晨我軍進攻黃菓堡第一支隊攻其左翼第二支隊攻其右翼力戰竟日至午后四時敵漸不支我軍乘勢猛攻遂獲全勝是役擊斃逆軍官長三人捕獲二人斃逆兵百名奪獲山砲二門機關鎗一挺至七時乘勝追擊距橫江約二里逆軍後衛以山砲機關鎗死力拒戰我軍繞道夾擊逆軍驚潰奔竄棄械彈無算我軍遂進占橫江十九日我軍仍分兩路直搗安邊第一支隊踞金沙江右岸砲擊敵軍第二支隊經羅東渡江夜間由山後猛擊敵勢大衰七時許敵屏山援隊突至死力格鬥我軍再四突擊敵終不支棄機關鎗於河號哭奔潰墜岩墮河而死者甚多是役擊斃逆軍營長戴鴻智一人殺傷敵兵數百奪獲軍械及其他軍需品八船二十日晨我軍渡江追擊逆軍棄柏樹溪近踞叙州城我軍既至柏樹溪逆軍望風譁潰遂棄叙城分頭向自流井及瀘州潰走我一梯團進取南溪自流井等處第二梯團現由畢節直趨永甯會合川兵巡窺瀘州助逆北軍在川姦淫搶掠人民痛憤我軍紀律極嚴川民愛戴故所向克捷士氣大振合亟奉聞滇黔護國第一軍總司令蔡鐸叩卅印。

滇護國第一軍再戰叙城之捷電一

滇唐都督貴陽劉都督戴總司令均鑒。六號晚北軍一團陳逆親軍兩營由健爲方面據牛喜場進窺叙城。我軍一小部依險相持。以大部包敵列陣。敵方望城銳進。我軍出其不意四面環擊。敵軍驚顧失措。亡命逃奔。追殺三十餘里。奪獲大砲二尊。槍彈子五十餘。船屢戰皆捷。逆胆已寒。現擬即直搗成都。雲峯叩庚印。

滇護國第一軍再戰叙城之捷電二

滇唐都督鑒。據楊支隊差遣員由叙到永。面稱陽曆十九日鄧支隊破北軍四百人於黃泡耳。二十日楊支隊破敵人七百於橫江。二十一日鄧隊攻安邊。楊隊住橫江。廿二日晨會克安邊。斃敵軍七十餘。投河死者無算。我軍死十餘人。傷二十餘人。二十六日鄧隊開赴宗場。廿七日與北兵四百川兵六百戰於斗牛岩。三十日楊隊開赴白沙場。與敵遇。敵兵約五千人。鏖戰兩日夜。三十一日鄧隊敗敵於宗場。敵兵死傷四百餘人。二月一日楊隊又破之於白沙場。斃敵千餘人。敵縱火焚燒民舍數百。向南溪潰退。旅長伍逆負創昇走。馮逆順流東竄。計捕獲北兵百餘。持械投降者北軍漢軍計共六百餘。我軍傷亡共數十人。是役逆軍由瀘州自井健爲分道大舉犯叙。兵數近萬。陳逆懸賞四十萬。期在必克。宗場白沙場既敗。瀘

州自井兩路逆軍已潰散不能成軍。犍爲軍至屏山亦逡巡不進。我軍已派隊往攻叙瀘之敵兵已盡。我軍援應可通。經此一役駐川北兵一旅已去其二。請卽抽調昭屬警備隊或新招兵隊赴敘。以厚兵力。至禱。鏗庚印。

滇護國第一軍再戰叙城之捷電三

雲南唐都督貴陽劉都督南甯陸都督各省將軍巡按使巡閱使護軍使鎮守使道尹各商會報館鑒。據劉梯團長雲峰專報稱。我軍自克叙城後。陳逆調集逆兵四面圍我。一由瀘州犯叙。東一由自流井犯叙。北一由犍爲犯叙。西一由瀘州經高拱繞出叙南。三十日與自流井大股逆軍戰於宗場。經兩晝夜將逆軍全數擊潰。斃敵四百餘人。獲戰利品甚多。三十一日與瀘州大股逆軍戰於白沙場。經三晝夜擊殺溺斃逆軍十餘人。捕獲百餘人。僞旅長馮逆玉祥負創夜遁。等語。又報稱。陳逆懸賞五十萬元。購攻叙城。四日拂曉。逆軍約五營。迴攻宗場。以貪重賞。故殊死戰。我軍穩靜抗戰。至五日薄暮。敵力漸疲。我軍冒雨衝擊。敵遂奔竄。死百餘人。傷者無算。奪獲大砲二尊。機關槍一挺。彈藥四十餘。馱等語。駐川助逆北軍號稱三旅。是役。馮兩旅均經擊潰。不能成軍。合電聞。滇黔護國第一軍總司令蔡鏗叩青印。

滇護國第一軍占領永寧之捷電

滇都督唐暨各軍師旅營長及各報館均鑒滇軍左縱隊早已佔領叙府自流井一帶淮源於艷日攻克雪山關全日佔領風水橋北軍向永寧潰退我軍即猛烈追擊現已佔領永寧彼時川師長劉公存厚深表同情並認獻瀘州川師周駿北旅伍祥禎亦有響應之意滇軍既得叙瀘則左可以直搗成都右可以順流而下大局之定自不難矣謹此爲滇中父老釋念爲民國賀喜右縱隊前衛司令官唐淮源卅印

滇黔護國第一軍蔡總司令詳述納溪各方面之捷電

雲南唐都督貴陽劉都督並轉戴總司令南甯陸都督各省將軍巡按使巡閱使護軍使鎮守使各道尹各商會各報館鑒我軍攻克叙城後守叙之助逆北軍伍旅已死傷星散不能收集詎駐防瀘州一帶之北軍第十六混成旅馮逆竟率所部馳至南溪意圖犯叙一月二十七日進至李莊我軍第一梯團迎頭痛擊逆軍衆力抗拒相持三日我軍直前突攻更遣綦江繞攻側面逆軍不支驚潰奔竄死傷狼藉一部由陸潰退一部搶乘民船順流而下適值川軍第二師師長劉存厚於二月二日在納溪舉義聞馮逆下竄當派劉支隊攔路截擊

捷電

滇黔護國第一軍蔡總司令部進抵永甯等情之捷電 滇黔護國第一軍蔡總司令進克瀘州之捷電 十

行○至○江○安○之○馬○腿○子○地○方○遭○逆○軍○十○餘○船○當○即○開○槍○轟○擊○逆○軍○倉○皇○無○措○高○懸○白○旗○口○稱○願
 降○紛○紛○搶○渡○計○沉○溺○入○水○及○死○於○槍○彈○者○凡○數○百○人○現○馮○逆○有○意○歸○誠○劉○師○長○已○派○隊○進○據
 江○安○我○右○縱○隊○進○窺○瀘○州○前○鋒○已○抵○納○溪○瀘○城○指○日○可○下○又○據○楊○支○隊○長○蔡○報○稱○雅○州○方○面
 我○軍○進○行○無○阻○打○箭○爐○已○表○贊○同○矣○合○併○電○聞○滇○黔○護○國○軍○總○司○令○蔡○鏘○叩○支○印○

滇黔護國第一軍蔡總司令部進抵永甯等情之捷電

滇唐都督黔劉都督鑒本部今午抵永官紳商民懸旗結彩夾道歡呼附近各屬亦派代表
 前來接洽羣稱我軍之神勇慈惠情願編入戎籍共效前驅馮旅被我軍水陸分擊殘滅殆
 盡馮逆玉祥及其團長有舟覆溺死之說董支隊今日會劉師攻瀘逆軍據藍田壩爲陣地
 將民房付之一炬驅人民晝夜復事防禦工事榮昌隆昌已爲熊部據以獨立爲我軍援應
 合電聞鏘叩歌印

滇黔護國第一軍蔡總司令進克瀘州之捷電

滇唐都督黔劉都督並轉戴總司令王司令南甯陸都督各省將軍巡按使巡閱使護軍使
 鎮守使道尹各商會報館均鑒據護國軍四川劉總司令存厚暨我軍董支隊長鴻勳電稱

昨日會師攻瀘。均戰於藍田塢。敵軍右翼先退。本日晨七時。藍田壩攻克。敵軍投降甚衆。八時我軍已進克瀘城等語。合電聞護國第一軍總司令蔡鍔叩麻印。

滇黔護國第一軍蔡總司令述納溪江安之大捷電

我軍連日大破逆軍於納溪方面。逆軍四路告急。江安逆軍以一營循江而下。被我軍迎頭痛擊。逆軍飲彈投水者無數。遂進薄江安入城。撫慰民慶再生。查此次戰績。奪獲山砲四門。砲彈三十餘箱。鎗數百支。彈百餘箱。機槍四艇。軍需品三船。其他戰利品無算。俘虜逆軍數十人。內有總兵站長陳慶周一名。據稱連日劇戰。總計逆軍死傷逃亡俘虜不下千餘人。多其砲隊則已殲滅無餘。逆膽皆寒。張敬堯屢欲自裁。經偽參議陶雲鶴勸止。今遭大衄。或將步馬繼增後塵等語。溯本月初旬。我軍連得大捷。逆軍兵將或貽書通款。或在陣地聲言去逆效順。請求停戰。乃姑與退讓。冀其歸誠。殊旬日尙無信息。於是不得不與以稍劇之抵擊。如其踐約倒戈。則已。否則再張撻伐。

滇護國第一軍占領龍頭鋪一帶之捷電

雲南都督唐師長張暨各報館永甯總監羅蒙自師長劉均鑒。逆軍約一混成旅。佔據龍頭

捷電 滇黔護國第一軍蔡總司令述納溪江安之大捷電

鋪大灣坡一帶高地恃強抵抗三月十七號奉梯團長顧令鈞率所部攻擊當于十八號拂曉前進攻擊圍敵陣地險峻工事堅固猛攻終日未破敵陣遂令各營乘黑夜收回紮距敵十五里之渠壩驛前方高地伏匿不動聲響以怠敵防于十九日夜半入襲敵陣以白刃衝擊殺得逆軍尸橫遍野一部向納溪一部向揚子江敗潰本支隊即佔領龍頭鋪及大灣坡一帶高地並猛勇追擊前進又佔領茶塘鷓子岩窮追終日逆軍退至納溪後面之光山拒守是役也追擊逆軍二十餘里逆軍跌岩落水不計其數本支隊擄獲完全逆砲二尊機關槍二挺步槍百餘支砲彈槍彈及軍用各品無數二十一日逆軍尙據光山死抗乃將奪得敵人槍砲射擊敵人復敗退納溪死守午後二時敵人用經巡瀘州駛飛機三架鈞即令孟砲兵連長速射接連擊落二架其一架仍向瀘州逃回此兩晝夜逆軍死傷約數百人本軍現將逆軍左右合圍已無逃路料不日即可殲滅知關懸注先此捷聞第三梯團支隊長王秉鈞二十二叩印。

滇護國第一軍攻克梁山龍頭鋪一帶之捷電

滇唐都督黔劉都督南寧陸都督新疆楊都督松坎戴司令并轉東溪殷叅議晃州王司令

並轉各機關各報館均鑒。三月十八日至二十一等日。我軍連獲勝利。蔡總司令想經通電在案。茲特將本梯團方面戰勝情形詳叙如下。先是逆軍據有梁山龍頭舖一帶陰地。並築有堅固工事。晝間攻擊頗屬困難。本梯團王聶兩支隊于十七日夜間將逆軍前進部隊概行壕迫。經我軍直逼至敵前。最近距離十八日晝間相對峙。入夜向敵猛攻。將及拂曉。敵力不支。龍頭舖之敵先被擊潰。餘全陸續瓦解。十九至二十一等日。逆晝夜間在我火力下背外退却。我軍猛追數十里。敵官兵被我軍擊斃頗多。而情急投水者亦復不少。是役因敵陣險要。我軍亦傷亡三四十人。據擄獲完全山砲二門。完全機關槍二挺。其餘槍支子彈以及他之戰利品不計其數。並俘獲敵之官兵多人。知關錦注用特電達。顧品珍漾印。

黔護國軍通告北路各軍大捷電

急滇唐都督黔劉都督永甯蔡總司令叙府劉梯團長晃州王司令鑒。戡於元日抵松坎。本翼北路各軍即於寒日開始攻擊。並由熊團長其勳副官長李雁賓親臨前敵指揮。頃得第一次報告。九盤子全山皆爲我軍占領。查九盤子爲川邊天險。此次竟爲我軍所得。第二次報告。我軍攻下九盤子後。逆軍死傷數百人。降者尤衆。奪得槍彈無算。刻已追至大沙溝。第

報。戴。戡。寒。印。
三。次。報。告。我。軍。已。奪。踞。大。沙。溝。逆。軍。紛。紛。逃。潰。現。正。圍。攻。綦。江。即。日。可。以。占。領。等。語。特。電。飛。

黔護國軍佔領晃州之捷電

雲南唐都督鑒。據東路司令王文華電稱。上月宥日。晃州逆軍被我軍擊退。本月二號。該逆軍復以一混成團。由沅州直上。其前衛仍據晃州。我軍於三號黎明進攻。逆軍營長及偽嚮道前鎮遠道尹林炳華。據城抵抗。激戰三小時。擊斃逆軍三十餘人。奪獲槍支子彈甚多。該逆軍本隊。仍向沅州方面却退。追擊二十餘里。現已實行佔領晃州等語。特聞。顯世微印。

黔護國軍攻克吳公關之捷電

滇唐都督永甯蔡總司令鑒。據東路司令王文華電稱。逆軍於三號退據晃州三十里之吳公關。恃險抗拒。兵力約六連。我軍攻擊一晝夜。至四號下午。占領吳公關。擊斃逆軍官長數員。兵士八十餘人。獲戰利品多件。我軍傷亡軍士各二人。正在追擊中。詳情續報。文華自晃州叩等語。特聞。顯世魚印。

黔護國軍在瀘平礦山戰勝之捷電

滇唐都督永甯蔡總司令納溪劉積之總司令鑒。頃據東路王司令文華電據吳團長傳聲報稱。三號在瀘平鑛山等處。與逆軍接戰。擊斃逆軍兵士十四名。生擒數名。擊傷逆軍連長一名。兵士十餘名。逆軍殘部潰退。我軍并無傷亡等語。特聞。顯世叩虞印。

黔護國軍占領沅州之捷電

滇唐都督黔劉都督永甯蔡總司令松坎戴總司令鈞鑒。東路本軍自克晃州黔陽洪江後。即於元日進攻沅州黎古支隊。由右截出兩面夾攻。自夜達旦。於十四號午前即將沅州完全占領。逆軍紛紛逃潰。該處房屋民船多被逆軍燒燬。殘忍已極。現正進攻麻陽。特此飛報。王文華叩刪印。

黔護國軍進攻麻陽之捷電

滇唐都督黔劉都督永甯蔡總司令劉司令松坎戴總司令並轉各處鈞鑒。華率本軍於銑日拂曉進攻麻陽。逆軍千餘死力抗禦。相拒經我軍節節進攻。酣戰十餘小時。逆復背城抵禦。直至更深始紛向鳳凰廳方面潰逃。逆軍官兵死傷百餘。我軍傷亡共三四人。奪獲機關槍一挺。鑼鍋帳工作器具無數。特此飛報。餘容續聞。王文華叩覈印。

捷電 黔護國軍占領沅州之捷電
連占通道綏寧諸城之捷電

黔護國軍進攻麻陽之捷電 黔護國軍

黔護國軍連占通道綏甯諸城之捷電

滇唐都督黔劉都督永甯蔡軍總司令松坎戴總司令鈞鑒。頃接我軍遊擊隊統帶王華裔自靖縣報告該隊聯絡湘軍於十二號進攻靖縣逆軍兩營抗戰一夜天明時倉皇奔逃我軍追擊連占通道綏甯諸城逆退守之天堂要隘復鏖戰一晝夜棄械潰入武崗一帶現正撫慰軍民詳情續報華叩徑印

黔護國軍在高汰戰勝之捷電

滇唐都督貴陽劉都督南甯陸都督行營蔡總司令松坎戴總司令黃草壩劉總司令均鑒。據我軍遊擊支隊長湖南步兵統帶周則范報稱武岡逆軍復進擾綏甯范部於九號分兩路圖攻武。一由高汰。一由梅口。高汰方面血戰四晝夜擊斃逆軍連長一員。士兵三十餘名。逆軍潰入武岡城死守。梅口方面因過於深入。我軍傷亡數人。不便窮追。現仍扼守綏甯。集中兵力再行進攻等語。謹此轉報。東路司令官王文華叩效印

黔護國軍占領趕水東溪一帶之捷電

急滇唐都督黔劉都督永甯蔡軍總司令叙府劉梯團長晃州王司令并轉各處鑒。頃得第

四次報告我軍。昨夕九時奪踞趕水逆軍。蕩平後即聯絡左右助軍進攻東溪。完全占領。特電飛報。戡刪印。

黔護國軍攻克青羊寺之捷電

萬急滇唐都督黔劉都督永甯蔡總司令叙府劉梯團長晃州王司令並轉各處鑒。頃得熊團長第五次報告。謂據六團團附胡忠相飛報。稱我右支隊十四號拂曉向青羊寺攻擊。當將逆軍前隊擊破。旋追至青羊寺。逆軍約步一營餘。機關槍二排。恃險抵抗。激戰至午後三時。我軍已完全將該寺占領。奪獲機關槍二挺。輜重甚多。逆軍向後方退却。詳情另報等語。查青羊寺後有路直通綦江。右可聯絡東溪。趕水。九盤子。左可牽制正定。特派臨時支隊向此方進攻。擊因距松坎百餘里。今始得報。謹此飛達。戡刪二印。

黔護國軍攻取九盤子趕水之捷電

滇唐都督黔劉都督永甯蔡總司令叙府劉梯團長晃州王司令並轉各處鑒。頃又得熊團長第六次報告。我軍昨今兩早完全獲勝。東溪詳報未到。青羊寺現亦僅知獲機關槍兩挺。至九盤子。趕水。共計擊斃逆軍連排長五員。士兵二百餘名。生擒得營連排長七名。士兵共

捷電

黔護國軍攻克青羊寺之捷電

黔護國軍攻取九盤子趕水之捷電

捷電 黔護國軍占領分水領等處之捷電 黔護國軍在三角塘方面戰勝之捷電

十八

百三十餘名奪獲機關槍兩挺步鎗多枝子彈無算等語特爲奉告戴戡刪三印、

黔護國軍占領分水領等處之捷電

雲南唐都督永甯蔡軍總司令貴陽劉都督叙府劉梯團長趙梯團長晃州王司令並轉各處遵義周縣長並飛送殷叔桓先生囑得熊團長由東溪來第七次報告我軍占領分水嶺擊斃逆營長一名兵甚多逆軍膽喪均退紮扛子壩等語又據本部副官由正安飛轉來報我軍六團三營于十三號由新州向南川方面攻擊已占領沙溪大鍋場馬嶧逆軍殺斃十人餘均敗回川城內我軍現仍進攻云云謹此飛報戴戡銑印

黔護國軍在三角塘方面戰勝之捷電

滇唐都督黔劉都督行營蔡軍總司令晃州王司令鑒逆軍由江津出三角塘有步一團礮六尊機關槍二挺於二十四號向龍台寺高廟進攻我左路意在恢復東溪抄我後路當由熊華兩團各派一營夾攻激戰一晝夜現據熊報逆被擊敗我軍向三角塘方面追擊特聞戴戡有一印

黔護國軍攻克獅子岩之捷電

滇唐都督黔劉都督行營蔡軍總司令晃州王司令均鑒。江津逆軍二十四號由龍台寺攻我左側。昨日被我軍擊退。該逆扼守獅子巖要隘。頑強抵扼。頃得熊團長報告。我軍已攻下獅子巖。擒俘虜槍枝甚多。詳情續報。謹此電達。戡讞二十三印。

黔護國軍大敗逆軍於草坪壘之捷電

滇唐都督行營蔡軍總司令貴陽劉都督並轉各處遵義周縣長均鑒。頃得殷處長熊梯團長報告。逆軍在草坪壘大敗後。我軍分頭追擊。搜索逆屍遍野。餘孽藏於深溝狹谷之間。經我軍一一擊斃。又奪得完全機關槍一挺。子彈四十餘。謹聞。戡叩元印。

黔護國軍佔領二塗岩小珊門等地之捷電

滇唐都督納溪蔡軍總司令並轉叙府劉梯團長貴陽劉都督韓參謀長晃州王司令並轉各處均鑒。微電計達。頃得殷處長轉據熊梯團長報告。我軍今早將屆羅坪逆軍誘下戰於石南壘。二塗岩上壩三處。我軍大獲勝利。已將二塗岩佔領。追敵至小珊門擊斃逆軍一百餘名。傷者尤多。奪獲逆槍多枝。我軍僅傷亡數人。又據報駐萬場逆軍約兩連。駐對插壘逆軍約一連。忽於昨夜向重慶方面開去。等語。查此股悍逆據險抵抗。歷七晝夜。熊梯團長親

捷電

黔護國軍攻克獅子岩之捷電
領二塗岩小珊門等地之捷電

黔護國軍大敗逆軍於草坪壘之捷電

黔護國軍占

十九

往督戰現被擊敗逆胆更寒謹此電達戡魚印

黔護國軍在石牛口戰勝之捷電

滇唐都督行營蔡軍總司令黔劉都督黃草壩王司令遵義周縣長並請轉各處鑒昨日正午我軍與逆約兩營戰於石牛口約兩小時逆軍敗退至割草坪我軍乘勢追擊適增援步兵三營江南退管礮六尊機關槍二挺憑險抵抗戰至晚十二時逆軍動搖我軍衝鋒上山擊斃逆軍四十餘人傷者不知確數奪獲不完全機關槍一挺步槍六支子彈十四駄我軍亦傷亡十餘名今早黎明逆援大至復激戰於割草坪之前方尙未結局謹聞戡刪印

蜀護國軍攻克南溪之捷電一

滇唐都督黔劉都督永甯蔡總司令並轉各省軍民長官鑒敵軍劉柏心支隊已於本月六號攻克南溪奪獲逆軍山礮四尊機關槍一支各種子彈及軍用品無算逆軍死傷甚重向自流井潰逃現正在追擊中特聞護國軍四川總司令劉存厚叩魚印

蜀護國軍佔據牛背石之捷電

滇唐都督黔劉都督松坎戴總司令鑒我軍義勇隊第一支隊長張煦（查張煦係川省義

捷電

黔護國軍在石牛口戰勝之捷電

蜀護國軍攻克南溪之捷電

蜀護國軍佔據牛背

二十

軍熊克武部下）報稱該隊襲擊牛背石二十二日黎明已占領逆軍司令部現正追擊等語查悍逆張敬堯駐牛背石既奪其司令部逆軍根本已動潰可立待垓（查蔡總司令已進攻重慶此電由永甯李日垓轉達）叩敬印。

蜀護國軍劉司令克復南溪之捷電二

急行營蔡總司令永甯李秘書楊廳長李局長滇唐都督黔劉都督松坎戴總司令殷參議均鑒敵軍約一營占據南溪經我軍田支隊舒謝營往攻力戰一晝夜敵人不支於卅一號拂曉將城外民房焚燒退去我軍當即入城置官安民人民得慶復生敬以奉聞存厚叩東印

趙支隊長世銘克復箇舊之捷電

雲南各師旅團營各機關各報館均鑒龍逆不明大義糾集土匪擾亂治安臨蒙箇屬匪踪遍地世銘奉令出征赴蒙應援屢與賊戰均獲全勝賊勢不支潰走古山大屯鷄街一帶我軍乘勝追擊追進古山轉戰大屯鷄街直逼箇舊箇匪數千頑固不服挾全力與我軍相抗我軍兵士用命奮力猛攻於號日午前九時業將箇舊完全克復地方父老額手稱慶懸旗

歡迎屯紮既定出示安民並整頓警察商務諸要政現在均已就緒地方秩序亦漸恢復惟龍逆等倖逃法網潰回江外擬暫休兵數日即行率師長驅江外直搗賊巢滅此朝食以除後患統計此次出師與賊相攻擊者大小十餘戰斃匪千餘人生擒數十人奪獲槍彈馬匹刀矛等物無算此等小醜跳梁本不足計然使殲滅稍遲大局亦或略有牽制今如此皆民國之幸也特此電聞漸舒錦念支隊長趙世銘叩梗印。

剿匪軍劉總司令祖武克復箇舊之捷電

急滇都督鈞鑒各機關各報館鑒土匪倡亂突陷箇舊人民受擾慘酷不堪又復分犯臨蒙冀阻援師其勢頗張其謀尤狡祖武竊以該匪等肇亂雖在一隅影響易及於全國自非迅予殲除不可當經督飭各隊先勦蒙匪次解臨圍斃匪數千屢戰皆捷羽翼既翦匪勢始孤十八日乃飭支隊長趙世銘統率所部以一支取道雞街口一支向大屯進擊時悍匪尙據鼓山拚死抵抗鏖戰一晝夜轟斃悍匪將近千名餘匪始漸潰散乃飭各隊乘勝逐節進勦二十日午刻遂將箇舊縣城克復現正搜索城鄉餘匪清理善後惟首要巨逆已奔赴江外憑險死拒應俟各隊到齊即厚集兵力直搗逆穴以絕根株查此次匪衆數在七八千人以

上竄擾數縣。甫將十日。遂大致戡定。此皆仰賴都督指授機宜。將士協力用命所致。實非祖武初意所料。及除將戰守情形具文詳報外。謹此馳陳。佈聞。總司令劉祖武叩胥印。

剿匪軍劉總司令祖武克復彌勒等處之捷電

滇電局分送各機關各報館。思茅劉道尹鑒。河口麻栗坡督辦秦營長。臨安李旅長。並送石屏通海。並送署我河西黎縣富州廣南開化安平曲靖。送廣西師宗阿迷青龍廠。送元江新平普洱。送威遠鎮沅他郎思茅。並送各縣知事。思茅徐支隊長。覽江外土匪龍體乾等糾集悍黨。迭犯臨蒙。突陷箇舊。勢頗猖獗。經我軍分頭痛剿。踴躍爭先。槍擊礮轟。逆屍狼藉。遂將臨蒙奠定。箇舊克復。敗殘零匪。遁歸江外老巢。曾將戡定情形分電在案。乃我軍正集中江岸。尅期進兵。直搗龍窩。以殲遺孽。殊粵東龍氏。破壞共和。遣派逆軍。突至滇桂交界。冀內外夾攻。撓我師徒。效忠袁氏。廣西獨立。兜截逆軍。後路大龍宵遁。其偽司令黃恩錫。即黃成柏。不顧大局。罔知逆順。以我軍方進攻江外。乘隙自廣西西林竄入。邱北彌勒廣西竹園十八寨等處。並擾至婆兮方面。不肖奸人。又復遂從而附和。勢將燎原。當飭趙支隊長世銘。移蒙箇得勝之師。馳往阿迷。居中調度。分路迎擊。軍府復加派勁旅。會師進攻。又另以精兵扼守。

架衣邀其歸路。匪衆智窮力盡。我軍遂於本月六號攻克竹園。八號攻克十八寨。彌勒斃匪極多。奪獲槍礮子彈甚夥。現正向邱北方面節節進剿。想釜魚爛。獸當不難。指日殲滅也。知關遠。注用特佈聞。並由各知事出示宣布。俾衆週知爲要。勦匪軍總司令官劉祖武。仝叩。

勦匪軍劉總司令祖武肅清邱北之捷電

滇分送各機關各報館。思茅劉道尹鑒。臨安朱旅長並送石屏河口麻栗坡督辦秦營長。通海並送甯我河西黎縣。富州箇舊開化廣南安平曲靖送廣西師宗阿迷送彌勒青龍廠送元江新平普洱威遠鎮沅他郎思茅並送鎮邊各縣知事。思茅徐支隊長覽。我軍攻勦逆匪迭獲大勝。竹園彌勒次第克復。曾於佳日通電計早到達。茲據警衛第四團團附長李識韓電詳我軍於真日拂曉進攻邱北。次日九時即克復縣城。生擒逆匪多名。奪獲機關槍兩挺。並擒獲偽參謀等兩名。已禁候訊辦等情。據此查此次逆匪犯滇。詭謀甚狡。先嚇江外夷衆於三月九日同時撲犯臨蒙箇舊。冀我備多力分。謬思一逞。乃甫經掃蕩。該偽司令黃承柏挾其萬餘逆衆。復由西林小路偷入滇邊。數日之間。突陷邱彌朋竹。前隊零匪復竄至十八寨。婆兮境內。意在擾亂治安。多方以誤。時所部軍隊除分守各要地外。均已集中江岸。籌攻

逆巢悍匪遠來。其鋒甚銳。我軍遙隔。幾難濟急。設使蔓延。稍廣戡定。或遲彼南中。逆酋必張大其詞。搖惑觀聽。而北方之御用報紙。更將推波助瀾。誇耀方略。頌莽功德。顧瞻前途。關係民國全局。甚鉅。當飭支隊長趙世銘。移箇舊得勝之師。反攻竹園。彌勒。踞匪復蒙都督抽派。陳段楊李各團營。由婆兮一帶節節壓勦。並調回黃趙兩挺進軍。至黔桂邊界。擊賊後路。勁旅朝發捷音。夕至彌勒。朋普。竹園。以次攻克。遂復邱北。甫將旬日。全股悍匪。殲除始得。以破其狡謀。實非初意所及。料知關注。念用特佈聞。並由各知事宣佈週知。南防勦匪軍總司令官劉祖武洽印。

護國第二軍張司令開儒戰勝龍軍之捷電

滇都督唐廣南總司令李均鑒。奉皓午電敬悉。昨巧電呈我軍奪占大洞。俘擄砲彈三駄。賊軍潰敗。後我軍正準備追擊賊軍。復懸五色國旗。遣使請暫停戰。現該龍軍退據者桑一帶。謹聞。開儒叩皓印。

挺進軍黃司令毓成大敗龍軍于黃南田之捷電

滇都督唐廣南李總司令張方梯團長永甯探投蔡總司令貴陽劉都督黃草壩劉總司令

期 一 第

鈞鑒。挺進軍銑日。下午一時。於黃南地方。與龍逆朱偽司令朝瑛所部千八百餘人。接戰。逆軍每排一紅旗。遍插山谷間。全線約長二千米。地掘壕爲守機關槍三挺。置之道路要衝。該地向山夾水迴折。流抱攻擊前進。均屬困難。楊縱隊長杰率前衛第一營三生的礮四門。由河左岸攀登山巔。又越數山谷。始達距敵八百米地。當即以礮試射。命中擊退其前進哨旋將。第二營展開分擔區域。直前撲攻。詎逆負固不屈。再接再厲。延戰至夜。月色微明。逆兵幾次反襲。均被擊退。礮聲隆隆。徹夜不息。黎明乃命第三營附以機關槍一挺。五生的礮二門。警衛連二排。由道路正面進攻。而逆軍前隊始搖動。因督催前線猛攻。擊破其一部。殺偽營長一排長二兵士五名。逆遂大潰。散走樹色間。其大股向百色。飛奔直追至塘升。距百色八十里。奪獲槍枝子彈衣物旂幟甚多。旋據桂軍陸旅長裕光由百色來函。已於咸日。宣布獨立。現迫令龍逆繳械。正嚴重交涉。倘有別情。當飛報會勦。並云。恐剝隘電線有阻。獨立電文。懇乞代致云云。謹飛報以聞。黃毓成叩篠印。

死

事

石
碑

紀事

滇省首義紀略

(一)叙言 自滇雲首義薄海內外知與不知莫不豔稱唐公繼堯反對帝制擁護共和延垂危之國命挽既倒之狂瀾於民國造無疆之庥於歷史增莫大之榮雖方之世界英雄如華盛頓林肯等亦未遑多讓顧唐公此次舉義非漫無把握輕率爲孤注之擲者可比凡舉義前種種之準備運以精心舉義後種種之設施矢以毅力蓋其蓄之也久故其發之也迅其辨之也精故其成之也大竊查自袁氏於民國三年廢除國會修改舊約法及總統選舉舊法唐公即有以窺其謀爲奸宄欲聲罪以張討者累矣只以時機未至不能不藏鋒以待袁氏之對於公也初不過存籠絡之意繼則有防維之心當其命陳宦來督四川即率有北軍勁銳三旅雖名爲換防川兵其實已存經營西南之志迨後兩遣專使到滇陽則爲唐太夫人改葬致祭陰即遣以來覘唐公之態度者乃英雄作事深藏不露專使之駐滇也未嘗不

日遣心腹潛踪而暗偵之。乃非惟唐公秘密與海內外諸偉人往復相商之謀。不得而知。即在省垣宣布一切政令。有杳乎莫測。其所以然者甚矣。何其謀之深也。在彼袁氏之意。以爲唐公已墮其彀中。殊不知公之見事如燃犀照怪。早於笑談中持筆。楚而鞭笞龍蛇矣。余觀自來舉大事者。惟忍乃克有濟。惟斷乃克有成。公於籌安會各電。按之而不早發。是其忍也。於迎蔡公松坡。李公協和入滇。後不旬日而即發。難是其斷也。至於審察於時會之宜。權度於義理之精。并默計雲南之形勝。可戰可守。事計萬全。而後作振臂之一呼。以故各省先後響應。自黔桂暨粵浙蜀外行且遍全國焉。非古之大英雄智勇兼賅者。烏足以語於是哉。茲者天厭元惡。亦既殂喪。履新繼任。依舊約法。以爲前途建設民國中興之運。肇基乎是。所謂時勢造英雄。英雄造時勢。是也。頃值海內喁喁。羣相望治。滇爲首義之地。公又首義之魁。天下人士爭欲仰瞻。丰采樂聞。行事也久矣。因特就公前後籌畫之謨猷。以及平日之言論。攸關舉義之大。且要者。摭而錄之。以備異日國史之採。至於護國軍之部署。則斷自分路開發之日止。亦借以著公指揮之方略。其有各路將士所報戰功。已據原電詳載之編首。故不贅錄。閱者可以參互而取証焉。

(二)唐撫軍長之歷史 公字莫賡雲南東川人先世以來皆讀書繼科名公生有奇稟倜儻具大志幼讀經史兼好性理學尤服膺於陽明知行合一之旨前清時例行考試補邑庠生見賞於當道鉅公因選送出東洋留學到日本後默視中外強弱之原因得知我國之所以不振者由人民無尙武精神之故苟不注重軍國民教育必不足以救危亡遂奮然投考入振武學校畢業後接入聯隊遞入士官學校皆畢業最優等當是時凡中國英妙特奇之材莫不薈萃於東洋羣爭以學業相摩尙惟公學術能超出儕輩聞公名者爭結識而與交公亦留心以延攬一時之英傑暇則召與聚合抵掌而談知清之政稗必不能久存將謀所以保存此中國者慨然有攬轡澄清之志焉論者謂中國鼎新之機即基於是矣歸國後歷充雲南督練處提調講武堂監督等差公皆實事求是訓練人材務濟以寬嚴以故大得軍士之樂附而聲譽即由是隆起辛亥反正公與蔡松波李協和沈汪度諸公先事秘密計畫兵不血刃光復省城滇事既定黔局糜爛乃應黔父老之請率偏師往戡之公到而黔亂胥平士民推戴留公都督黔中黔之軍政狃於前清防營餘習公則陶礪而改組之於是黔陸軍煥然一振黔人至今無賢不肖誦之不絕口旋移節督滇公稔知滇毗於強鄰非練兵不足

以固疆圉。故於到滇後。汲汲以擴充講武學校爲要。其所造多英敏之士。有以儲今日將弁之需者。方籌安會未發生之先。公每奉及中央政令。遇有背於法理者。顧常撫髀興歎。曰。微觀時局。難保不滋他變。會當馳驅中原。救民於水火中耳。公志存胞與。敵屣利祿。時託諸吟詠。間嘗著有東大陸主人言志錄。激昂蘊藉。顧視不凡。洵足開拓萬古之胸襟。推倒一時之豪傑。讀其詩。可以想見其風矣。公在滇之政蹟。美不勝書。謹書其關於舉義之大且要者云爾。

(三)兩年來之籌備 公之督滇也。初以開武將軍兼巡按使。舉軍政民政。一身而理之。嗣保任公志清。爲巡按使。故得以一意經營軍政。公以爲練兵之道。須在練將。故於講武學校。尤兢兢注意其教育。以道德爲主旨。旁及各技術。靡不貫通焉。又足兵之道。先在足食。公則節省他項之財。而擴充兵備。以故士馬騰懼。滇軍之名譽。遂藉以見稱於天下。公平居嘗謂今日之時勢。其表面雖已治安。不知亂機早已潛伏。若不修軍政。於閒暇則臨時鮮有不掣肘者。聞者竦之。茲將其對於軍事上種種籌備情形。略錄於左。

(甲)培養軍事人才 滇省軍事人才大半出於講武學校。溯開創至今。已歷年所。辛亥反正。

之役。校中人士與有力焉。故袁氏隱以爲不便於己。欲謀取消者久矣。況以滇省財政奇絀。自常情論之。似亦可以緩辦。惟唐公獨具深謀遠慮。故於到滇後。凡該校事宜。靡不認真整頓。極力擴張。上年八月。曾添招志願學生百餘名。又將測量局班員調入該校學習。此次謀舉義。所以得分配足額。而各擅其用者。皆先事籌備之力也。

(乙)注重軍隊德育智育。如設將校講習會。凡師旅團營長官。均令入會。教以道德要旨。法制概要。名將事略。此外又印刷理學各書。分授各將校自習。又每星期召集各將校親授。以王學指要。并孫吳兵法。暨軍事各學之類。

(丙)提倡軍隊武勇精神。如注重劍術拳術之類。每操演日。公皆親臨教授。一一而指揮之。
(丁)提起軍人愛國精神。如每集合軍官。輒訓以中國內憂外患。禍至無日。聞者無不激發。
(戊)提起軍隊進取精神。如每訓官兵。輒引德意志普魯士軍隊。日本鹿兒島軍人爲本軍模範之類。

(己)訓導軍人以愛民爲主旨。如每訓誠官兵。輒云。民爲邦本。苟無民。何以立國。又云。設兵原以衛民。吾儕天職。除爲民而外。他無所事。況人民納稅以養吾儕。若不思所以報之。其將

何以對民。苟卿所謂仁人之兵。夫仁者愛之。理愛之爲道。其義甚廣。故孔子曰。汎愛衆。韓昌黎釋以博愛之謂仁。爲兵者誠能以愛衆爲心。自然視民事切於己事。而戰無不先。登守無不力。固保國之本。萃於是矣。公之演說不一其端。茲特撮其大旨如此。

(庚)秘密擴張軍隊。查中央定制軍隊之計畫。增加非經中央許可。不能實行。唐公曰。擊時艱久。欲擴張軍隊以備不虞。乃藉補充缺額名義。陸續添練軍隊。當起義之前。又添編警衛兩團。陽以爲固邊圍陰。即以之張實力。袁氏未察於此。以爲唐公爲其所用。遂簡任唐繼禹。趙世銘兩人爲團長。唐繼禹者。公之介弟也。沈毅有爲。機警絕倫。能知人善任。故人皆樂爲之用。論者常比德於乃兄焉。趙世銘亦兼文武才。勇敢善戰。尤誠樸。任事以故。唐公皆倚爲心腹。而得其實力焉。

(辛)秘密籌備軍實。起義前三日。即借準備秋操爲名。派軍需課課長繆嘉壽赴日本。購買十餘萬元之軍用品。以備臨時需用。

(壬)籌備軍械。上年曾向德國購訂二百餘萬元之軍械。旋以歐戰發生。不能全數運輸來華。起運部分。又爲袁所扣留。公乃遣專員到京交涉。嗣因帝制問題發生。聞言四起。事遂中

叙如此其他亦然例如綦江滇黔以一混成旅之少數與北軍三四整旅相持固守不退湖南方面黔軍不及五千能占領數城且有一府城在內西南方面龍觀光之部徘徊於南甯者一月停頓於百色者半月乃始進行由是以觀北軍之所倚賴者全在人數之衆軍備之充滇黔軍雖少其所恃者固在優勝之戰略也據中國某軍事家估計袁家最少須有十萬軍隊於戰局始略有影響此種預算並非過分蓋僅瀘叙兩地北軍已需三萬之衆乃能逼之使退使滇人而退回本省占熟悉地勢之便利試問更須若干軍隊乃能勝之耶矧戰局愈廣所須兵隊愈多吾故知北軍之數斷不能少於十萬也或者謂十萬之數即使絕對需用然從中國五六十萬之軍隊抽出五分之一事非大難其言未嘗無片面之可信但抽調各省精兵以赴前敵吾想該省黨人又得一起事之好機會矣若如燕魯汴鄂代以新兵其中又寓有危險蓋倉卒招募之士卒斷不能倚賴於危急之時倘驅之出戰又必易爲革黨所勸誘安在而見其可行耶次於此者爲軍械財政問題以言軍械滇黔須從外邊輸入比之北軍自輸一着若財政則滇黔方面並不遜於北京北京政府須自行籌款以供軍費外債行政等各項用途皆成絕望而滇黔則有華僑方面之供給此軍械財政之比較也而最

爲危險者則莫如內亂。北京政府與夫各省大吏除對待滇黔軍隊而外又須自顧門牆蓋革黨方面除劇烈運動而外對於商學各界甚而綠林人物其勢力均日見擴張活動之處所在皆是殆無一大城無革黨潛蹤以窺伺機會求逞其一得者迹是之故人皆躍躍欲動試問政府官吏果能終久強制不使暴發耶（中略）若滇黔則不然不必防本地人民因該地帝制派偵探之煽動致起而與之相抗惟有一心禦敵盡其力量以求戰勝而已至就軍事地位而論自起事至今滇黔兩軍仍占勝着揚子上游北軍雖獲小勝然所得固不足償湖南之所失也現時局勢之最要變動即滇軍於川南改取守勢而盡力以向湘桂使彼能於川邊阻拒北軍俾不能分力以向他面是彼雖不戰而已占勝着之一半矣湘中大戰之期爲日不遠吾不知北京政府果了然於湘中之危局否耶（中略）廣西態度亦極宜注意各御用報曾引陸將軍爲其子謝封一摺爲陸氏忠哀之證但以雲貴之先例例之此種憑證豈可遽信蓋時至今日忠哀之唯一明證厥在行動使非陸氏確聞滇黔進兵其態度固不能無疑也。以余卜之陸氏之傾向何方定可於未來十日間揭示於國人矣。

英文楚報之美我軍一

自南方共和軍與北方帝制派開戰以來本報貴陽敘州重慶瀘州等處目擊雙方軍事行動之各訪員莫不通信本館以南北兩軍互相比較而判其仁暴優劣強弱夫以局外之人就耳目之所聞見而加以評論自無慮其不公且身爲外人當然無左袒任何方面之權然而玩其辭意則皆完全與南軍表同情者也各訪員通訊中其與人以最普之一種感想則爲北軍到處騷擾惹起一般人民之恐慌生命財產悉任其自由處置不復有所瞻顧而湖南馬繼增師長之自戕即因其部下恣意焚掠波及教堂自知不能約束而以一死了事者也至於南軍所爲乃適與此相反蓋其人皆恂謹守法操行優美故到處受人歡迎不若北軍所過居民咸望影而逃也竊謂今日之北方可以代表舊日之中國今日之南方可以代表晚近之中國前者之態度厭新而喜舊其所奉爲金科玉律者厥惟復古於是迷信神權尊孔佞佛在官吏眼中幾若香燭紙馬爲希世之奇珍繁文縟節爲惟一之要務人民之權利可以戰栗服從四字包括之至於言論自由出版自由則皆在所嚴禁而南方則不然尙自由務進取率其國人以追蹤各先進國冀與之齊驅並駕惜其求效過速不免有躁進之弊耳此南北比較之大略也本報前得訪員來函謂重慶當道曾正式告誡該處紅十字分

第 期

會祇准於城內辦事而北軍總司令則更令將受傷之民軍盡數交出我知一入彼手必將命其部下精於梟首之醫生爲之施治無疑矣而在叙州則紅十字會會員且爲北軍特別之槍靶遂不得不退出戰地此皆北軍之特色也若夫南軍則對於紅十字會異常尊重且極示感激之意凡可爲力無不樂於贊助以此與北軍相較其相去之遠爲何如哉北軍素有善戰之名而敘州之役乃竟名不副實守軍出城抵禦未見敵影即亂放槍礮及至子彈耗盡於是拔隊而行紛紛逃走實則此時敘府鄰近並無一個敵軍也及後兩軍相遇北軍人數雖數倍於南軍服裝槍械無不遠勝而連戰連北幾至望風奔潰至於戰略則更非其所知故本報訪員之言曰歷觀各戰滇軍一人足當北軍之二則其所謂善戰者不過如是而已本報訪員又謂叙州不至復失而今則北京政府堅言已由北軍克復矣實則南軍雖已退出此軍亦尙未入城也自是而後北軍戰勝之報絡繹不絕而南軍方面乃一無消息我人今試一回溯白狼倡亂之時北軍政府以五萬精兵攜帶大礮飛機竭力剿捕勝報頻傳而白狼縱橫馳驟卒不可得終且率其徒侶滿載以歸歷久始能平定則今日政府所傳之勝報其價值可知矣我知閱者諸君讀本報訪員來函必下同一之斷語曰滇軍戰士實

可。欽。敬。使。中。國。而。甘。於。滅。亡。則。已。使。中。國。而。尚。欲。圖。存。則。此。等。人。物。在。所。必。需。而。今。之。所。謂。大。皇。帝。者。乃。與。之。勢。不。兩。立。必。欲。置。諸。死。地。抑。獨。何。心。哉。我。人。於。此。殊。不。能。不。爲。中。國。悲。矣。

英文楚報社之美我軍二

自。共。和。帝。制。兩。派。開。戰。以。來。通。信。員。之。接。觸。軍。事。地。域。如。貴。陽。叙。州。瀘。州。重。慶。等。處。者。爲。數。凡。八。皆。嘗。以。消。息。告。知。吾。人。其。中。所。言。無。不。判。別。南。北。兩。軍。之。優。劣。查。彼。輩。所。述。均。按。事。敷。陳。斷。無。偏。袒。某。方。之。理。顧。皆。表。同。情。于。南。軍。隱。藏。之。真。相。不。覺。藉。戰。事。而。外。露。使。非。有。此。戰。人。或。不。之。疑。矣。（中略）試。繙。閱。各。函。則。知。北。軍。對。待。人。民。與。某。國。軍。無。異。所。到。之。地。咸。釀。成。恐。慌。苟。便。于。己。卽。任。意。亂。爲。雖。生。命。財。產。亦。不。之。惜。例。如。馬。繼。增。之。部。下。在。湖。南。縱。火。焚。掠。毀。及。教。堂。馬。因。是。自。盡。是。也。反。之。如。南。軍。則。人。盡。溫。和。人。民。對。之。如。大。旱。之。遇。雲。霓。若。北。軍。則。聞。風。奔。避。質。言。之。北。軍。者。舊。中。國。之。代。表。也。南。軍。者。新。中。國。之。代。表。也。北。軍。之。態。度。仇。視。新。時。代。之。精。神。其。所。守。格。言。爲。恢。復。古。制。迷。信。神。權。香。燭。爲。可。貴。之。珍。虛。文。乃。首。要。之。品。人。民。權。利。則。以。帖。服。兩。字。表。之。言。論。自。由。出。版。自。由。則。以。強。力。壓。制。之。反。之。南。軍。所。代。表。者。爲。自。由。爲。進。步。其。首。領。咸。欲。使。己。國。與。列。強。平。衡。由。上。以。觀。北。軍。之。不。重。視。紅。十。字。會。殊。無。足。

怪據重慶通信則紅十字會人員止許在城內從事使城關長閉則會成虛設矣又曹錕送紅十字會之通告謂一切敵軍傷兵均須交曹處置果如其言是付諸善取人首之外科醫生而已若叙州之紅十字會會員則被北軍射擊迫得離去戰場反之如南軍則知該會之爲用甚表歡迎竭其所能以便利會事查從前北軍本有善戰之譽今以叙州之往事觀之則名實直不相符在表面爲出外禦敵在事實乃與幽靈搏戰旣亂放槍礮使人誤爲作戰即拔隊以去事後探訪始知並無敵蹤人數雖多軍備雖足然每戰必北以言戰略復着着中計(中略)近日北京方面屢傳戰勝之消息但是迴思白狼之役北軍數凡五千攜帶大小礮飛機多具亦屢報戰勝但白狼終於漏網挾其贓物黨羽復返故巢白狼一土匪耳尙且如此更何論于雲貴之義師耶讀者諸君苟閱本館叙州通信當無不贊滇兵之佳謂此種人材爲中國苟欲自立所不可缺者無如彼輩與大皇帝意見相左有必死之罪苟落其手惟有斬之戮之白狼土匪耳無如何政見故其逃也可以不問革黨則不然不復有思救之望矣吾于是不能不爲滇軍惜不能不爲大皇帝惜不能不爲中國惜

太晤士報之美我軍

三月十六日北京通信云。記者接本報特派戰地訪員二月七日敘州府來函。所談關於敘州方面戰况頗詳。實爲一種確實可靠之紀錄。並聲稱北軍之種種野蠻舉動。悉爲彼所目覩。因錄之如下。自雲南軍攻入川界在叙州西南二三日路程處與川北兩軍交鋒以來。今已三星期矣。袁軍小戰數次無不潰退。敘州城內之軍隊聞警卽亂放槍礮。耗去子彈無算。而其時雲南軍距敘州尙有三十英里之遠。迨至一月二十日清晨城中袁軍乃悉數遠颺。縣官亦隨之而去。迄今未知下落。雲南軍於二十一日晨入敘州城。禁令森嚴。秋毫無犯。原有之行政機關卽與雲南軍協同辦公。雖有種種可怖之謠言而全城甚爲安謐。一月三十一日北軍復至分兩路進攻。勢頗凶勇。自自流井進攻者於敘州北三十里外與雲南軍僅戰一日。即大敗逃歸。自瀘州方面進攻者兩軍遇於離城十五里之處。初戰時雲南軍以寡不敵衆。且倉猝不及防備。致遭小挫。次日南軍重振旗鼓。軍勢復盛。乃將北軍盡行逐退。此役南軍傷二百人。均由敘州教會醫院醫治。上星期自叙州西南至東北一帶均有繼續之戰事。昨日城北三十里之地又有惡戰。雲南軍之傷者數十人。亦送教會醫院醫治。共計南軍之死者至多不過二三十人。而大半傷兵不日當可痊愈充當軍役矣。雲南軍駐敘之總

數不過二梯團約三千人。屢次交戰。時北軍之數必二三倍於滇軍。然每戰必大敗。北軍故今敘州一帶。仍在其勢力範圍之內。現聞已有援軍來助。北軍對於敘州一時亦恐難奪回也。此間與外埠電報郵使。都不能通。故他處革命事業。亦無由得曉。東非一帶。尙亦無消息。

義軍聲譽

英文京報之美我軍

北軍戰略。由今觀之。似擬分敘州瀘州綦江湖南百色五路進兵（中略）使北京參謀部。誠能餉械無缺。則此紙上空談之計畫。未始不佳。且或可以實踐。第求之實際。究能成功與否。殊不能不令吾人疑慮也。欲考雙方軍力之真值。其唯一善法。即在細審各次戰事。彼此之實力。今試略察兩方之作戰性質。先就敘州而論。假使以一禦一。袁軍非滇軍之敵。已無待言。有兩次戰事。袁軍比滇軍多兩三倍。卒被痛擊。就瀘州而論。則數僅一千之滇軍。即能力禦四千之袁軍。直至袁軍援兵大增。滇軍始不得已引退。及再渡揚子江。而後北軍以一萬之衆。竟不能取滇軍約五千所守之納溪。而滇軍四處游擊。即能於方不滿十英里之地。抵拒北軍。凡兩星期之久。雖兩地北軍皆能將滇軍逼退。然未有一次非數達一萬以上者。瀘

軍之武裝第一連五梁中祖南軍師令倍於二月林出發數日策二連亦出發此武裝之
觀西方面爲第一軍李際陸當之（對北和南尚未宣亦獨立站云然）記者（北京訪員）按
據他方面消息足證上函所述滇軍操行優美北軍舉動野蠻之說並非虛誣且觀於北京
政府近來屢次電飭遠征軍各司令嚴行約束軍隊勿使騷擾商民之事足知北軍之橫行
不法政府亦未嘗不自知之也且以上述通訊交於記者之訪員爲一絕對可靠之人北京
政府如欲調查上述各事之確否則請於肇事各區從獨立方面仔細探訪當可一一得有
確據始知本報訪員未嘗厚誣北軍也近因檢查函電甚爲嚴厲故關於南方戰事之可靠
消息甚不易得更不易於速遞惟今記者已妥爲設法使各種消息俱由某某等方面傳遞
自信必能避過檢查員之耳目而勿爲所察破也

大阪朝日新聞之美我軍

今日討袁之聲乃中國國民上下一致之聲也雲南一呼遂以燎原之勢瀰漫於四百餘州
故在雲南方面上自都督下迄士民無不熱心以貫徹其目的良家之子弟欲爲將校而志
願於講武學校者殆有人滿之憂此輩皆以自費而勇於作戰者如招募兵卒羣爭應之多

見溢額雲南之兵數原有八團之常備兵此次起義後逐次招募已達二十八團其已出征者約二十團今尙逐次增加兵卒之招募極不困難而軍器一端雲南兵工廠日夜督工趕造以應其用。

四川方面蔡鐸率第一軍當之現於瀘叙間與北軍對峙此方面之北軍兵數較優故雲南軍未猛向前進然第一軍乃集雲南之精銳而成故在叙州者已數次擊敗優勢之北軍假令此方面不取攻勢固守現在之地位以待貴州方面作戰之進步較爲得也且蔡鐸常言此戰若敗彼即不生存於世故彼以死力當防禦之任苟彼生存一日決不使北軍得進入雲南一步貴州方面乃雲南第三軍之一部戴戡爲司令官與貴州軍連合湖南方面王文華之軍隊已占領湘西一帶四川方面綦江現在包圍中綦江一落雲南軍之手直扼其背而斷瀘叙北軍之聯絡至此時蔡之第一軍轉取攻勢則四川之形勢不卜可知况熊克武之部下在榮昌隆昌者窺北軍之後耶。

廣西方面爲第二軍李烈鈞當之（按此時廣西尙未宣布獨立故云然今李已至南甯）此軍之先發隊一旅已集中廣南軍司令部於二月杪出發越數日第二旅亦出發此方面之

活動不遠可見且李之部下多日本出身之將校其活動必不劣於他軍李由雲南省城出發時頗極一時之盛滿城市民空巷出送於車站以壯其行雲南人之意氣可知矣

附袁軍殘暴之種種

袁軍殘暴彰於天下彼乃尙欲掩飾以欺人故余特歷舉事實以著其惡所採各節皆根據東西各報使吾國民知袁軍暴狀不獨吾能言即人亦能言之昭昭可揭非一人所得而掩也

(一)大阪每日新聞特電云第八師日在宜昌城內搶劫雜貨店及棧房並槍傷體面商人兩名

按吾安分守己之商人亦日日求國中和平之人也袁軍乃戮辱之如此則袁軍所在之地即吾商人臥不安枕之地矣

(二)東報岳州臨湘神田澱湘潭長沙等處之北軍強占民房有人出而攔阻即飽以老拳按民房乃民之祖宗珍重以遺之子孫者乃吾民千辛萬苦以經營之者自袁軍有老拳而吾民無室處矣

(三)上海日日新聞宜昌函云有五十餘歲之老婦三名爲北軍輪姦十五歲之幼女九名亦受北軍之辱

按即不爲軍人姦亦萬惡之首而袁軍乃並老婦幼女而亦辱及之罪惡更有甚是者乎

(四)朝日新聞函云新到重慶之北洋第七師兵毫無軍紀常有強捉民婦至旅館輪姦者

按第七師爲李長泰所部袁氏所視爲得力軍隊者而其入川之第一事乃爲輪姦民婦

(五)大阪每日新聞云北軍之遇鄉間之負米糧來城者仍強奪之(按有一仍字則不止一次可知矣)壯者則拘爲夫役

按人民不幸而遇兵凶其負米入城意殆欲糶米易錢歸以活其父母妻子耳袁軍得之不足供一飽而負米者全家痛哭矣

(六)大阪朝日新聞云北軍到處強暴橫行在該處之外人咸有不安之狀

(七)字林西報叙州函北軍名譽至劣遇外人必施以干涉沿途派船似毫無紀律者

按吾國不幸不能對外人之旅居中國者盡賓主燕樂已大不安彼乃施以干涉不顧交誼是不特自絕於國民且自絕於外交矣記者敢代表正義之國民竭誠致歉

(八)大坂朝日新聞重慶電南川巨家金某之女由城內歸家中途爲北軍尾行調戲爲團勇所叱致起格鬪

按當地紳士爲一方之秀其求和平每更甚於平民而一遇袁軍乃受辱如是凡爲紳士而求真和平者可以悟矣

(九)大坂每日新聞漢口電云北軍在沙市沿途捕捉人民送往宜昌家族欲奪回之則受兵士毆打號泣之聲慘不忍聞

按徵發有法違法之徵發當然爲人民所拒彼乃毆打勒迫之然則良懦苟手無寸鐵惟有睹殘破之室家而號泣耳

(十)字林西報南京訪員函凡人民有與友人言及中華民國之國民者即入警獄

按中華民國爲吾民共有民國國民爲吾民之通稱今日之罪在居民國而不願爲國民者若吾國民曾有何罪推袁氏之意必令吾國民爲一人之奴隸乃許不入警獄耳

(十一)某東報宜昌電英國教士云余等下重慶時親見有民船一隻因從興隆灘急流下瀉誤撞官兵運船並未損壞當場即捕船戶三名綁在桅桿槍斃是等慘暴行爲無怪川民

怨聲載道。

按急流直瀉。其罪在水。袁軍不能加罪於水。乃遷怒於民。懸桅槍斃。魂當痛哭。然而袁軍方撫掌得意於其旁矣。

（十二）字林西報叙州通信云。北軍在此間附近行爲殘暴。顯然不能掩飾。余親見滇軍若干被俘。後割舌削耳。並支解其體。慘不忍睹。

按待遇俘囚。世有常法。少有出入。已成野蠻。割舌支解。載在何章。雖然此亦未始非激民軍以有死不降之志也。

社

研
庵

說

論說

義聲日報發刊詞

在昔翟義起兵。范史特予徐州討賊陳志。大書讀陳琳之文。奸賊則頭風立愈。披賓王之檄。狐媚亦掩袖含羞。原其大義所昭。是以人心同憤。况春秋陳師首嚴。曲直三代論戰。只重義仁。遠覽皇墳。近綜歐事。莫不燦垂日月。炳若丹青。本報筆師麟經。例採清議。挾風霜於斧鉞。寄誅討於楮毫。喚未死之人心。同深固結。申既明之大義。共矢扶持。揚志士之鬚眉。言言秉信。虜奸賊之魂魄。字字誅心。方中國之肇造。民國也。培千年之歷史。泰歐西之文明。旁酌胥周折衷。取當持鐵血主義。換卻多少頭顱。本法律研究。耗盡居諸心力。謂非行是共和政策。必不足以保國。而存種者。以故羣材所嚮。民國沛興。祇期建設。襄成冀得昇平。永享乃袁氏首冒不韙。妄觀帝尊。逞其老悖之私。背其盟約之信。始而以玩弄滿清者。欺人於孤兒寡婦。繼而以操縱共和者。籠絡夫異材羣雄。苛虐之政。頻加猜忌之形。屢破其顯。剝我衆庶。莫填。

其慾壑之無度者罪猶淺其陰媚夫外人隱使我衣冠之淪喪者罪且深相彼神姦弗勝擢數固已備載諸公檄散見於各報無俟本報之贅言者惟我滇都督唐公義冠寰區智彌宙合憤天下之失望作振臂之高呼而前都督蔡公亦志切旋天功能拯覆爰馳至北京與同南會用是褻聯智勇駢轅俊英商學鸞臻士庶輻沓瀝肝宣信開誠誓盟述巨愆僭窃之謀軍士莫不握拳切齒陳國事阽危之狀婦孺無不灑淚流涕因之感動人心首倡大舉電告各省正折中央義旗一張天下欣睹明其爲賊而後師出有名在我以義自然聞風興嚮茲於陽曆一月一日懸示通告凡省垣內外人民見者皆額手相慶揚旗結綵以大紀念而示不忘嗚呼焜五色之纛旆長綿金碧河山鼓六詔之風雷亘保義和甲子而本報亦即誼於是日成立盾墨之彥徵集如雲露布之才會輯若堵固將秉陽秋之例待紀夫偉烈豐功兼風雅之源代用夫發蒙振聵莊言之不足者則以諧謔出之東方滑稽之流也大聲之不聞者則以涕泣陳之屈子呼籲之旨也所望同袍有願咸作戈矛之修衆志成城永奠金石之固而况孟曰取義孔言成仁以其沁沁侃侃偷生而喪仁何如磊磊落落舍生而取義凡屬有志之士急當投袂而興苟有血氣之倫亦應聞鷄以舞楚雖三戶終必亡秦周士三

千卒期滅紂則此義聲一播而期衆義之集成者是即今日本報所用之苦心也若夫義旗所指行見雲合風從義師所到定規摧枯拉朽掃妖氛而清寰宇共沐浴於歐雨亞風除奸慝而慶休明咸舞蹈於昊天軒日是又本報珥筆以俟馨香以禱者其他京外各省本省新聞暨學警商實業各界政要以及街巷叢談小說例得系載於後期洪纖之畢萃庶毫髮之罔遺而要歸於義爲止閱者鑒之

廣義

呦鹿呼羣王雎摯別義也馬臨風而懷土犬垂首而依人亦義也蓋義之在天地無不具於物而唯人也能卽之以旋乾而轉坤植紀而立綱言義之文肇造虺誥至孟子七篇而後語之也詳辨之也精大則推之千駟萬鍾細則極於簞食豆羹有寧舍生而取義者其功基於集其用生於勇而效遂及於大義之大者感人心亘萬古沛乎浩然充塞於兩間以故際國家鼎新之運奸雄竊命之秋志士英傑莫不起而毅然任之蓋恐義一傾壞其不胥天下而爲禽獸也幾希詩曰相鼠有皮人而無義不死何爲此之謂也綜觀往籍伯夷叩馬不失爲探薇義士武庚叛周終許以殷商義民王莽篡而更始兵起曹丕僭而武擔號興諸葛誕母

丘儉之尙義。徐敬業。駱賓王之稱師作史者。莫不曲予筆。削隱維大義。又如文文山。史閣部。陸秀夫。瞿式耜。諸賢。值國家危亡之際。收渙散之人心。提一旅之師。當百萬之衆。再蹶再振。至死而猶欲復者。其英光灑然。如存何其壯也。假使世無此數賢。相與擔仁抱義。遙遙於上下間。吾謂塊然之覆載。亦將黯淡而無色。豈不慨哉。今者袁氏竊帝首。壞共和。只希垂暮之自娛。不圖中土之淪喪。天下之人。皆明知其非義。而不敢言者。猶得諉曰。怵於其勢也。乃陳勸進之表。萬口同聲。上美新之文。千夫一致。類胡廣之委蛇。同馮道之長樂。廉恥之道。盡喪。羞惡之良。何存。吾恐突脂滑稽。喔咿嚅唳。而盡婦人也。將奴顏婢膝。吮癰舐痔。咸爲禽類矣。歐西見我民氣之懦。不克自振。勢必愈肆。行其狼貪虎噬之大欲。亡國亡種。禍見眉睫。豈不大可痛哉。豈不大可恥哉。嗚呼。觸共工之頭。莫語其憤。翻滄海之水。莫滌其污。幸我滇唐蔡李。任諸公鑒燭神姦。明察巨憝。振臂高呼。首倡大義。是爲天下人不敢爲之事。卽所以代表天下同然之情也。夫一夫作難。陳涉尙足亡秦。而况統有全滇一旅。陳師少康。尙能興夏。而况擁師十萬。所冀明哲之彥。知幾之賢。或並轡而起。無讓祖生。以先鞭。或聯筑而進。匪徒滄海之一擊。蓋義生於勇。勇由於氣。果其辨義之既明。自能持氣之莫奪。及可蹈爵可辭。

而不可改者。中庸水可濡。火可熱。而不可渝者。氣節。其有義近於俠者。不爲田橫之踞。島則爲仲連之蹈海。庶可以鼓一時人心。抑有義由於養者。學李中孚之困窮。踵王薑齋之韜晦。亦足以振當今民氣。匹夫匹婦具有同心。碩士魁材當亟奮發。希陶靖節之解組。遑辱僞朝。衣裳繼王儒仲之棄冠焉。用賊廷爵賞。顧必申大義於天下。始能存天下於共和。而能保共和於無替。乃能綿國祚於無疆。要之唐蔡李任諸公。倡義之盛心。爲大局計。非爲一己之私計。爲民國後日存亡計。非爲袁氏今日勢力計。以故救時之俊。趨嚮若雲。蒸若霞。軒萃若鱗。堵是皆迫於義而後興者也。不然位號將軍。比郡縣則已開疆。列戟爵襲侯伯。論封建則已胙土分茅。亦誰非人情。而不享安富尊榮。以受袁氏厚利之餌者。只以英雄磊落。義凜日星。問義難安。圖舉斯迅。凡二公所不容於袁者。皆天下人所不容於袁。亦卽義所不容於袁。義既不容袁。故不待天下人發之。而自我滇倡之。是望天下人咸起而繼之。磨點蒼之石。佇待書勳鑄朱提之銅。旋看立柱。此本報所爲廣繹其義。大聲疾呼。以爲薄海之義士告也。

本社同人送蔡松波先生討袁序

一人而係天下之轉移。一身而發天下之大難。王侯之爵不足以櫻其心。威武之勢不足以

奪其志揆其意之所向祇知國與民之爲重有堅貞自矢雖經百折而不少撓者非古所謂
豪傑之士歟間嘗縱觀古今橫覽中外冀得遇是人焉則雖爲之執鞭亦所欣慕乃今爲於
松波 蔡公見之 公籍隸湘南少留學日本士官學校凡軍事學術莫不備嫻而探其精
前清之末公以特調來滇任陸軍協統是時清多稗政海內志士奮而欲起者數矣會武昌
起義滇軍繼之西南各省雲鸞風合不浹旬而遍天下遂得以掃羶腥而清寰宇是舉也吾
滇中安堵無驚秩序整然論者謂非 公籌畫之嚴密部署之精詳有未易至是者民國既
成 公留都督滇中旋以中央改調乃轉今 都督唐公代之本年北京設籌安會忽復發
生帝制蓋袁氏窺竊神器處心積慮已非一朝一夕之故矣 唐公之都督滇中也毅然以
保共和爲己任一聞袁逆之狡謀早已憤發而欲興適 公馳至京師與會而前江西都督
李公協和亦繼之雄奇魁傑之志士咸思曩景運紛至而沓來特推 公爲第一軍總司
令 唐公掃境內之士而盡屬之 公焉擇吉於陽歷正月十六日率師北征滇人士聞
公之將行也揚旗結綵輝耀街衢祖帳之盛綿延於十里郊關之外無論婦人孺子莫不以
一賭 公之行爲幸者是又 公平日之恩澤有以淪浹於滇民云爾當師未行之先北風

微雪天氣陰晦至師行之日忽而豁然開霽一晴無翳旭日一輪高捧中天舒光泛景晃漾於千旆萬纛中而士馬無聲魚魚肅隊號令寂然是可以覘軍容之盛已是時居民咸觀有彩雲見於東南角間夫天象之垂與人事相爲感兆吾知公此行必有以奏膚功而光民國故天特示象以預著其瑞歟在辛亥反正之日彩雲亦聞示見意者吾滇自有史以來未有如斯二役足以彪炳彤簡增光金碧天之懸象其所以示後之修史者爲大書特書之券耶先是公以其西法所拍肖像留置本社蓋謂本社同人今日組織義聲報紙有可以扶綱而植紀者其繾綣之情同人等級佩而不敢或忘惜無斑馬椽筆未能以揚大烈而述耿光是又區區下忱所同愧也同人等厠滇父老未而送公於郊得瞻公乘馬歎行意度閒雅凜然其威藹然其容傳曰師克在和司馬子曰上下相報和之至也是可以決此行之必有以告厥成功者同人等又將濡墨以待書捷浣毫而俟紀勳矣茲當行師之餘臚公事實而爲公送其以是爲北征之嚆矢也可抑以是爲負弩前驅也可

本社同人送李協和先生討袁序

古所謂英雄豪傑之士非惟其才其力足以任天下之大即其識亦有先天下人所不及見

者孫策知卓操之終必亂漢也故退而坐收江東王猛察桓溫之不足成事也故轉而往投符堅易曰知幾其神乎詩曰相彼雨雪先集維霰蘇老泉謂惟天下至靜者乃能見微而知著是矣吾黨嘗持此義反復以求之今天下士竊得協和李公一人焉公籍隸江右少倜儻有大志讀書不屑屑於章句之末嘗留學日本畢業士官學校舉陸軍步騎礮工各科暨孫吳穰苴諸略莫不會通而研究以極於精性豪爽好交游凡所到皆願接交一時之奇偉志士而當時之奇偉志士亦咸聞其風而爭欲與之游以故天下皆知有李協和先生爲慷慨丈夫者民國肇興公以反正功推爲江西都督時袁世凱遣人暗刺宋教仁之案方生而大借款之要政既不詢於國會亦不公佈之國人即大總統正式之位皆出袁一己私意陰布其黨徒挾其勢力以金錢鼓動強踞而怙爲之公於是獨憤憤不平特舉兵湖口聲袁氏之罪而討之當時袁之惡猶未暴露於天下故公亦未得以伸其志而袁之勢反張海內志士咸韜晦而之東西兩洋彼袁寢不敢安食不敢忘者惟公一人而已乃自今日觀之則有以知袁之鬼蜮技倆惟公早有以燭其姦而褫其魄也其識可不謂遠且大哉今者逆迹已彰滇軍發難大義之倡都督唐公首之而惟公與松波蔡公至滇相

與提挈贊襄於其間。故得以分道出師。先後北討。其取道由四川進者。蔡公已膺第一軍。總司令賦薄伐而詠載道矣。近聞敘府瀘州一日三捷。騰歡之聲遍達蔀屋。茲將取道兩粵。又掃境內而屬之於公。推公爲第二軍總司令。某等知公此行必有以收前此未竟之志。當即公之遠識。并公所咏詩捲土重來之句。以下之抑。又聞之五嶺以南。與江西毗壤。惟大庾嶺限之而貢章二水滂礪。流漑自鄱陽湖出之大江。而仍匯之於海。某等知公平日盱衡大局。瀏覽古今。當立馬萬山之頂。看潮流之奔湊。輪帆之往來。有以罄其形勝。而握其機械。以預爲今日行軍之用者。則此行之克大敵而奏膚功。又堪操券求之矣。抑聞公篤於故舊。而好甄拔人才。以故士之有一才一藝者。莫不羣焉爭起而歸附。公之待士亦棄瑕忘隙。一開誠而佈。以公操斯術。以往何患天下之士不盡爲公用。亦何患天下之功不自公。今日成之哉。茲於二月二十一日爲公師行之吉。某等謹即平日所聞於公之宏識偉行。撫而錄之以爲公祖帳之餞。其亦公所情不能忘者歟。楊柳纒穉節旌。載道遙瞻。捷報無任低徊。義聲報社同人謹序。

論雲南關於歷代及近日用兵之形勢

舉天下之大事者。在乘之以機。用天下之大兵者。在扼之以勢。夫惟機與勢合。而後權操自我。乃得攻取戰守。罄無往而不利焉。孫武子吳起尉繚子者。皆古之善知兵者也。今觀其著書大旨。要不外先定其計。而審以機。行之以權。而衡以勢。故論者謂漢高明太。脫不遇暴秦流寇之機。則終其身不免一匹夫。樂毅武侯脫不憑燕王先主之勢。則沒其世不過一隱者。孟子曰。雖有智慧。不如乘勢。雖有磁基。不如待時。斯其義大矣。今者滇軍首難。仗順誅逆。其赫然聲威。早已騰播於天下耳目間。若以言乎其機。則袁逆處衆叛親離。羣情欲犯之時。而我滇則外鄰無釁。內政翕和。是機之大有可乘也。又以言乎其勢。則我滇據建瓴之上。可以執長策而馭鞭弭。彼軍勢居下流。即使仰而抗義。我處其逸。彼處其勞。以守則我無亡矢遺簇之患。彼已受跋涉困頓之疲。以戰則我開關延敵。迎刃而破。彼則士馬不飽。樵蘇後爨。有不遑巡畏縮。束手待擒也哉。此亦勢之大可乘者。故自我北征之師。取道出蜀。乃未及彌月。橫江一戰。而叙州附近之州縣已先後佔領矣。永甯大捷。而納溪一帶之川軍。又倒戈相向矣。甚至露布馳傳。一日三捷。即瀘州打箭爐各鎮要處。亦皆聞風款附。授首歸誠。若是者。雖皆出於諸將士效死致命之所致。然非勝算先操。審權機勢於在握。亦烏能收功如是之迅。

耶。至袁逆禦我之兵。其散見於各報者。聞已開有三師。然不過虛張聲勢。以駭庸夫愚婦之聞聽。至核其實。則由宜昌一路開赴川者。不過數團。其所稱勇敢冒死而先進者。今已爲我摧其鋒銳。其尙未進者。則亦不過強弩之末矣。又取路由湖南而進者。聞現尙逍遙於常德武陵間。而黔軍倡義之與我合者。又早已奏捷而佔領晃州。是亦足以扼其喉而盪其腦者。在袁逆用意。彼豈不欲速抗義師。一以絕各省之響應。一以示天下之聲威。乃何以一再觀望。踟躕不前。蓋明知我滇形勢之堅固。有不敢輕以嘗試者。則彼老奸亦不可謂不知兵也。惟其事處窮促。名又不順。輾轉無術。一籌莫展。勢機之困人。有如是者。昔項羽以漢中之地。王劉邦。識者已知沐猴之不足以有爲。惟張良人傑。能知其要。故勸漢高速往。卒因此捲土重出。克成大業。甚矣事之成與不成。胥於勢之得與不得決之也。當滇軍未舉義之先。天下之英雄傑士。憤於袁之僭逆者。莫不起而謀曰。今日若欲發難。非滇不可。蓋地距遠。則彼之陰謀有不及施。勢據勝。則我之戰守克足自裕。在唐蔡任李諸公。其審之精而慮之遠也久矣。只以軍機秘密。有不能以洩之於外者。如其不然。亦誰肯舉吾滇之重且大。而爲此孤注一擲也哉。夫惟知兵者。而後可以用兵。亦惟識勢者。而後可以論事。語曰。不知將來。盍觀已。

往。又曰。後事之師。前車之鑒。故吾且得摭拾往古之戰事。備考山川之險要。以及往來道路之所必出者。一一得而證明之。既以杜彼袁軍之覬覦。卽以代我滇行軍之耳目。孫子曰。知己知彼。百戰百勝。又語曰。狂夫之言。聖人擇焉。正是之謂耳。查我滇古屬極邊之地。地去中原最遠。卽凡有事天下者。勢不能先。自漢武帝鑿昆池習水戰。而後征伐之役。滇始著見於史冊。彼漢武者。亦帝王中之梟雄耳。當其時。所居滇者。不過西南一犍夷。乃猶不敢輕以相覷。故遣司馬相如入蜀告諭。使王褒入祀金馬碧雞。皆雄主一時羈縻之用意。然因其常有事西南夷。故財政以匱。國體卽由此而衰。此滇之不易圖者一。後漢諸葛武侯。治內攘外。伯仲伊呂。至於行軍。尤稱謹慎。當其欲用兵中原。知非先服南荒不可。故五月渡瀘。深入不毛。查其所出之路。乃由今黎州。經越嶲。西昌。達會理。而至弄棟。(弄棟卽今姚州)然七擒七縱。務在以德感服南人之心。則亦姑示綏縻而已。假使其以兵力威之。則以南人之強。地勢之險。亦未足以遽收功者。此滇之不易圖者二。李唐之世。楊國忠貪邊功。以鮮于仲通。李密。率二十萬之衆。而攻南詔。卒至全師盡喪。萬人成塚。至今引以爲戒。論史者第知唐之不振。由於內用宦官。外用李林甫諸奸之所致。而不知自天寶以迄咸通。乾符之間。皆困於南詔之侵擾。用師

耗。餉疲靡之不已。而國運即由此而式微。此其難者。三。宋祖有鑒於唐。而知滇之不易於用兵也。故閱覽地圖。執玉斧而揮之曰。此外非吾所有。彼其術亦云狡矣。此其難圖者。四。明清兩代。滇皆入隸版圖。查前明之用師。乃先撫有貴州。置驛於普安之間。以漸事經略。當太祖初規定取時。諭傅友德曰。關索嶺本非正道。正道又在西北。其詳審於地利之必謹。蓋有以震於滇形勢之險也。此其難又五。清之圖取。乃借明故臣之力居多。其以洪承疇經略五省。孔有德尙可喜。分徇兩廣。吳三桂徇四川。兜合而入雲南。其實外假招撫之名。內有響應之機。初不關於兵力也。此其難又六。就中惟元世祖忽必烈。係以兵而得人滇者。史稱其自臨洮。經行山谷二千餘里。自金沙江濟降摩荻。而入大理。當時駭爲從天而降。迄今查之。實取道於瀘水。置驛於永甯赤水之間。蓋用蜀東南以爲利。然亦幾冒孤軍之險矣。此其難又七。或有謂吾子旣云滇不易圖。何以吳三桂憑之。與清爲抗。卒至於無成。不知此憑虛臆度之言。初不察其事之實也。三桂之失敗也。在湖南之岳州。其起事也。則在憑据雲南。當其振臂一呼。而天下響應者六省。前清已用西藏之達賴喇嘛。許割長江南北而罷兵。卒不之允。後因其暮氣昏頹。舍雲南根本之勝。而偏就湖南區區小隅。此其所以敗也。然亦有天意焉。究

非人事所得而測者。要而言之。雲南之形勢。實天塹地險。有不易以兵力加者。即間有圖取雲南。亦出於招徠柔撫。而以智馭術取之。并不關於用兵戰鬪之所得。歷史具在。有可按也。又查其道路之出入。惟與四川旁達交通。故經營川地。是即所以保固滇藩。頃者。永甯既佔。瀘州捷書又聞。則長江之險。爲川所有者。已爲我滇奪而据之。北師縱強。有不能以飛而至者。豈不固歟。再由會理入武定。由鹽源入姚州。由打箭爐入中甸。諸路皆瀕於成都之西南。亦地勢之所宜爭者。現在彼川軍自保之不暇。亦萬不敢冒險深入。而况已扼要而駐以重兵矣。又西南二防。界連外鄰。北兵無間可達。亦可以無虞。惟毗於廣西者。其入滇之路有三。一由百色入剝隘。一由西隆入廣南。又由西隆入曲靖。剝隘廣南。則我滇直與廣西爲接。而我地勢之勝。較高於廣西。由西隆入曲靖。中間隔以黔之黃草壩興義府。亦足以爲滇之蔽障。我滇軍亦早已擇要防堵。相機取進。即有兩廣北師。斷斷無從而乘瑕蹈隙者。是俱可以無憂。以上所言。皆案據歷史。確查地勢。根於現在實事而言之。用以備行軍之券。并爲天下之關心時事者告。雖軍情百變。瞬息千里。而地勢据勝。有敢斷而言之曰。以守則有餘。以戰則足以進取。而無往之不利。其即我今日天造地設。金湯鞏固。雲南形勢之謂歟。茲別有黔

蜀形勢論續後閱者正之。

論義戰

昔孟子有曰（春秋無義戰彼善於此則有之矣）竊以自春秋以至戰國每下愈況更不足言今即子輿氏之言推之中國自秦訖清二千載以來歷朝廿四史雖爲一部大相斫書而就中可稱之爲義戰者實不數數觀吾以爲自有史以來而可以稱爲第一義戰即質之歐美列強而無異詞者則莫如今日討袁之義軍。

雖然吾欲論今日之義戰吾且先徵秦以後之足稱爲義戰者以實吾言惟是一部廿四史必欲列舉某役爲義戰某役爲非義戰則又不免於費詞矣今且約略而言之有如項羽鉅鹿之戰所以誅無道秦也此之謂義戰劉秀昆陽之戰所以討篡漢之王莽也此之謂義戰諸葛亮祁山之戰所以討國賊之曹丕也此之謂義戰至若晉代淝水之戰宋代黃天蕩朱仙鎮之戰皆所以伐異族也此之謂義戰又如朱明之滅元民軍之亡清亦皆以驅除異族也此之謂義戰其他戰役史不絕書例如劉之滅項唐之滅梁則適如子輿氏所稱爲彼善於此者不足爲義戰也其有古稱之爲義而今則不足述者如諸葛誕徐敬業之起義師然

不過爲一姓一家効死而功又不成義則有之實不足言戰也準斯以談有如前清洪楊之役曾左胡李諸人効忠異族殘殺同胞則更不足言義而反爲害義矣

是故中國二千載來可以稱之爲第一義戰者必自今日討袁之義軍始矣以明其然也蓋自辛亥革命民國肇興合五大民族爲一大中華民國可與世界上之法之美鼎足而三民憲國家固以人民爲主體而總統乃其公僕也今袁世凱以公僕而盜主人之國時爲叛逆叛逆之賊人人得而誅之然處袁逆積威之下我中華之五大民族每多敢怒而不敢言獨我雲南首舉義師以張天討未幾而黔陽應之未幾而桂林又應之其餘閩浙贛寧湘鄂各省又皆躍躍欲動而我天南諸省凡戰於蜀中戰於湘中戰於粵中之共和軍是皆所謂義戰也且雲南爲首義區域而其軍人又皆勇敢善戰在歐美列邦及東鄰日本咸稱頌之良以此次討袁實合乎全國中人民之心理並協於世界上民族之主義爲四萬萬人戰非徒爲一姓一家戰義氣之磅礴義聲之洋溢空古今震中外光日月壯河山舉歷史上之所謂義戰無有大於是焉者故曰義戰第一亞聖復起不易吾言矣

且子輿氏不又嘗言民貴君輕乎今民既貴矣則有如袁氏之尙欲爲君以荼毒生靈者其

罪更浮於桀紂。昔孔子有言：湯武革命，順乎天而應乎人，是爲義戰之先聲。而今日之討袁軍，尤可謂之大革命。故梁任公亦曰：自有史以來，功未有若斯之偉也。

論敵不可縱

一日縱敵，數世之患。此先軫之言於晉襄公也。一日縱敵，終身之患。此王鑒之言於晉元帝也。誠以用兵之道，不動則已，動則必審之於始，而要之以終。若無端而請調停，中道而議和，約安知其緩我者非玩我者乎？其誘我者非圖我者乎？甚矣兵情之多詐，而不可不慎密以防之也。吾嘗借觀於古，而有以爲今之鑒戒焉。夫差不許勾踐行成，夫椒而何至有甬東之禍；項籍苟聽范增諫於鴻門，而何至有烏江之亡；彭樂之縱宇文泰，慕容紹宗之不殺侯景，劉巨容、曹全、曷之，不追黃巢，皆以一息之偶疎，遂至貽禍之無窮。讀史至此，莫不太息而痛恨之。頃者袁氏盜竊帝制，已宣布僞令而取消矣。即其一切神奸巨惡，天下人亦既明知而共見矣。惟停戰之議竊獨以爲不可稍縱者，蓋兵可百年而不用，而不可一日而不備；矧於今日，兩敵相持，存亡之判界在幾希，是烏可或忽也哉！夫義軍之與袁逆，有不待多議而言即可決者。袁氏而苟一日即退，總統之位義軍一日即可罷兵。袁氏而不退，總統之位義

軍從何而罷者若猶以飾詞矯賴陰謀固據是卽所謂餌也吾觀自古以來國家之事誤於調停之手者多矣操莽之篡漢朱溫之盜唐假使當日朝廷之大臣有一二剛正果決者以斥之亦未始不足以戢其心乃賢如張禹孔光猶復委婉取容至不肖之如劉歆華歆楊涉張文蔚等無怪其詞諛逢迎無所不至矣故士大夫好持議論洵無補於事實南宋一代今日請和議明日請罷兵使者冠帶猶相望載道而襄樊之甲兵忽焉而降臨安俾繫頸繫囚之不暇則調和何從而可恃哉故吾曰其宣佈停戰者是緩我亦卽所以誘我者也吾固知凡天下之人僉有以燭其奸而不墮其術而吾猶望吾義軍善繚乃甲冑修乃戈鋌乃矛或羸師以張之乘其疲餘直搗其穴有不剷除淨盡而不罷者春秋傳曰勿使滋蔓蔓難圖也孟子曰雖有鐵基不如乘勢時乎時乎不再來天與而不取後必有悔之無及者特鏡於古事而備論之

慰漢軍受傷士卒文

鍊魂鑄魄道家祇重精神割目剜心佛氏自外肢體蓋不朽者名節而易壞者骷髏此化臂化肝莊子所由任命爲猿爲鶴達人因之委天也原有負傷漢軍士卒者勁骨凌天忠心貫

日睢陽。齒具恨。嚙元。慙順平。胆全誓。包國賊。拳螫弧之。轟奮往。爭先張金僕之。姑冒勇期進。佛郎機發血。灑漫天紅夷砲。轟肉飛。被野將軍袍。解紅濺桃花壯士肘。懸碧生楊柳李北平。以射石名將。遍體留癩。唐尉遲以奪柵稱雄。橫身見簇。然而雲台畫像。不遺燕頷虎頭。凌閣。范金恒著。鳶肩猿臂而已。頃聞其遠道。遄歸抱疾。就養雄心。藉藉毅魄。沈沈喜定。遠生入玉。門恨伏波未裹馬革。有張儀之舌在何難。更逞縱橫。戴秀實之頭來自足。齊奪壁壘。醫延扁鵲。誇煎腸以奏其功。臂療華陀。看刮骨而神莫改。所謂傷以形者不傷。以天全其德者自外。其身者也。夫折枝動葉。草木尚屬有情。破卵傷胎。蟲魚亦能飲痛。矧其功在保國。力切衛民。同是與胞。俱含血氣。一毛之拔。楊氏不為一指之傷。子輿取譬。既斷脰而決踵。甚搯臂而摧肝。律以痛癢相關。自覺手足如喪在當之者。或受焉若忘。而觀之者。則因而生感矣。是以藥物菓餌。父老之饋遺。以誠摯。裹糾繚鄉人之情。誼猶藉昆湖夜雨。話親故之纏絲。蒼洱遙雲。看鄉山之眷戀。漢高雄主。恒念沛豐錢鏐。豪情不忘吳越。想此人情。當亦受傷士卒所聞而慰者也。至語於撫恤之典。則以都督唐公之尊。且猶親降而摩視之。即凡滇人士之有聲望者。俱無不身臨而顧視是亦足以慰厥情者。若夫共和永固。史冊新編。則濡董狐之直筆。

自足。彰介之推股痕策孫吳之戰勳。應更揚。凌公績。創處公例。所在洵足慰懷。白樂天新樂府曰。含血吮瘡。撫壯士煎鬚。燒藥賜功臣。吾得挾瑟而歌。以解受傷諸士之痛也歟。

頌都督唐公撫循傷軍之盛意

昔郭汾陽待士卒以寬。每遇有疾苦痛患。莫不撫循周至。以故唐人詠詩美曰。僕射軍容若父兄。然士卒之愛戴公者。亦恩同覆載。故當時軍中皆呼曰。我令公甚矣。情之感人。之深也。吾演。都督唐公平日治軍紀律一本於嚴。至於待士恩澤一孚於厚。當義軍分出蜀湘之時。人人仗義俱懷一殺賊報國之心。是以身冒矢石。摧鋒陷陣。行所不避。然用兵有百算之勝。而將卒無不傷之理。況當今時世。火器之機。日新月異。天地且猶不能弭其憾。人事何由得而逃其災。以故兩敵相持。賊軍之受戕者固甚多。我軍之被創者亦間有。查此次受創士卒。皆各由其營長官以輓捩便輿轉送回。演以就醫。治用意仁且愛。都督唐公得聞其至之日。卽命其二介弟輕騎小隊。駕稅南郊。以申迎勞。而示宣慰。比時軍士聞之。已無不感。浹肌膚。及至入城。則分安置於宏濟陸軍兩醫院。照料之周。妥調劑之協。宜甚周。且備嗣聞。都督卽於踰日。排騎率從親臨兩醫院。一一問視士卒。撫其傷痕。而獎慰之。以視孫權指周。

秦之創而問其所起。唐太宗見將士之中矢而親爲吮血。儼有其風。後又聞其祖太夫人暨其夫人皆親降醫院。分賜藥物。以宏煦育。則又與虞潭之母以環佩給軍。韓蘄王之夫人助桴鼓。代士後先。媿隆焉。竊謂此日將士身中之小創。皆異日歷史上之大名。昔尉遲敬德身經百戰。解衣以示唐太宗。太宗見其遍體如鱗。至感而欲妻以女。敬德不易也。其後凌煙畫像。褒鄂之英姿。千載下颯颯猶有生氣。是以凡爲將士者。斷無不因傷以成其名。吾推諸將士之心。恨不以馬革裹尸爲幸。至於肢體之創。毀有夷然。不以爲意者。莊子曰。物視其所一而不見其所喪。視喪其足。猶遺土也。浸假而支無趾。兀無脹。化尻以爲輪。化臂以爲馬。其何傷於將士之天歟。又聞李陵之戰。匈奴身經百創。時軍中有萬全良藥。得以痊治。今者西醫之術。良於華。扁况我滇熱心救世之衆。提倡紅十字會。尤推而廣之。知不難立起傷創。宏奏神功。惟都督唐公一片撫循軍士之盛意。有令人感激而忘其傷。所自并欲起而裹創。以誓滅賊者。不可以不識其美。更聞滇中好義之君子。有葉君湘石。周君劍公等。皆於傷軍到後。續往問視。或饋以藥餌。或慰以言詞。其用情良屬懇摯。是可以見滇人士之心。皆與仗義之將卒同一心也。例得併頌之。以爲當時風。

唐都督勞軍之盛典

易曰說以先民民忘其勞禮曰先勞而後祿釋之者曰勞者慰也蓋言人有甚勞之功自上佈惠以安慰之謂也春秋傳稱定王以王孫滿勞楚子是爲勞軍之始其後歷代踵行如漢文帝勞周亞夫之軍是已然將士在外爲之君上者憫念其艱時賜衣帛特頒牛酒史冊所書莫不特筆以示褒揚自海禁宏開則知歐西各國尤崇此典凡遇大軍所開行其國君王與其哲后或寄微物以申紀念或遺訓詞以表同情要其勲勳懇懇之用意實足以感洽軍心懽欣鼓舞於其間嗚呼是何意之美而典之盛歟頃者義軍討逆分道進取其暴風沐雨涉水跋山而不遑惜其苦辛者何也爲民國前途計也爲求共和之永保者也 都督唐公眷懷於此本疾苦與共之意作體恤周摯之情特舉勞軍之典而亟行之就五華山之風景用西法彩繪而印之於幅并題以詩蓋以示不忘當時舉義之意云爾又復精選珍藥慎爲製煉借以備軍士寒暑之防卽所以寓饑渴懷來之思彼其用情之周且厚有不穆若清風溫如挾纊也哉茲聞其各品物行且製就必將命彼賢員載詠驂騑分往於黔蜀湘桂間凡義軍所駐之處皆慰勞所必及之處期以週而溥焉吾知軍士一時得領此物必羣聚而喜

曰此我。都督之賜我者也。此我。都督念我軍士爲國勞身於外特給此以慰我者也。我軍士等必須奮身報國誓抵黃龍求所以答我。都督者即所以報我國家斯言也。斯情也。吾得而預度之至。都督唐公獎勞之意則一卒之饑猶已饑之一士之溺猶已溺之其遠道遺物之誠摯有如示待收汗馬功勛以努力之情是非言語之所能形容馨者其在毛詩有曰駢駢征夫每懷靡及上勞下之詞也。王事靡盬不遑將處下答上之謂也。吾觀於上下之感情聯孚忠懇而如是有以知師之和而大功之克成在指顧間矣。昔郭汾陽待士卒以寬故唐人詠詩有曰僕射軍容若父兄。都督唐公儼有其風觀於此舉不其明證至勞軍之典則自入民國以來在我滇今日亦屬創舉有可以當佳話之流傳而備異日史乘之採者故援筆書之。

中國新英雄之紀元

近讀梁任公先生與袁世凱書洋洋灑灑數千百言有（啓超願我大總統以一身開中國將來新英雄之紀元不願我大總統以一身作中國過去舊奸雄之結局）最爲警闢之語而彼袁氏者果能納此最後之忠告耶曰否否今者袁氏決心稱帝矣夫以共和國家而有

帝制自爲之人依世界共和國之通例卽爲叛逆既謂之叛逆卽爲奸雄非英雄矣既謂之奸雄則討奸雄之人卽英雄矣吾夢想英雄吾崇拜英雄吾是以論二十世紀中國之新英雄。

雖然吾欲論中國之新英雄吾且論中國之舊奸雄吾欲論中國新英雄之紀元吾且論中國舊奸雄之結局夫所謂中國之舊奸雄者幾何人哉蚩尤也王莽也董卓也曹操也司馬懿也劉裕也朱溫也石敬瑭也張邦昌也之數人或及身而爲帝或及其子孫而爲帝或竟不成爲帝而要之皇帝自皇帝奸雄自奸雄天下萬世之讀史者莫不深惡而痛絕之今不圖袁世凱猶醉心奸雄必欲一步其後塵也夫使袁氏當前清之季卽能以權臣勢力篡清位而代之則革異姓之命尙足爲我漢族吐氣而揚眉雖曰奸雄公論或恕之乃不奪之於前清而竟以共和國之大總統一旦思爲天子可以如華盛頓而不學美不可如拿破崙而偏效法愚哉愚哉今預測袁氏之末路不爲蚩尤王莽之被誅卽爲朱溫之爲其子所殺不然則將如石敬瑭張邦昌之稱姪皇帝兒皇帝低首列強以辱我黃族且貽中國以瓜分之禍吾判定袁世凱眞爲袁術之嫡派子孫要亦塚中枯骨已耳試問堂堂中國立今日

文明之世界豈尙能容此神奸梟雄以復行專制耶勢不誅之而不止矣然則所謂以一身作過去舊奸雄之結局者非袁世凱其誰

今夫袁世凱帝制不成之日卽中國過去舊奸雄結局之日而雲南民軍倡義之日卽中國將來新英雄紀元之日顧或者曰中國數千年來所稱之英雄夥矣卽如伯夷叔齊耻食周粟爲商之英雄魯仲連義不帝秦爲戰國之英雄田橫守義不屈爲漢初之英雄龔勝不附新莽爲西漢末之英雄管寧誓不臣魏爲東漢末之英雄諸葛武侯前後出師爲三國之英雄陶淵明不仕劉宋爲東晉之英雄張睢陽死守孤城顏常山罵賊而死爲唐代之英雄司空表聖餓死王官谷爲唐季之英雄陸秀夫文天祥張世傑之孤忠爲宋末之英雄史閣部之殉難與夫孫夏峯顧寧人黃梨洲王船山諸先生之不仕滿清爲明季之英雄凡此皆英雄之卓卓者今乃有新英雄紀元之名稱何故則應之曰子所述者中國專制時代之英雄也吾所紀者中國共和時代之英雄也此其不同之點也且以共和時代論之凡第一次革命成功之偉人與第二次討袁不成功之偉人皆可謂之英雄藉曰非英雄是以成敗論英雄矣豈知言之君子而如是乎雖然吾今所論將來新英雄之紀元是與過去舊奸雄之結

期 一 第

局相對待以言之者也。吾既論中國舊奸雄之結局，吾更進論中國新英雄之紀元。何言乎紀元也？當大中華民國五年一月元日，我滇唐都督莫廣與蔡李任、劉諸君倡義討逆，用伸大義於天下，自非英雄奚能爲此？吾故曰：雲南共和軍舉義之日，即中國新英雄紀元之日也。當是時，英雄之來會者，蔡君松波、外復有李君協和、熊君克武、韓君五峯與滇之羅前總長黃前司令張劉顧三師長及各團長營長連長會議於五華山軍都督府。慶雲出而德星聚，義聲一樹，中外交推，謂此爲新英雄之紀元。誰曰不宜？夫唐蔡李諸君所謂有名之英雄，也有有名之英雄，尤貴有大多無名之英雄，以輔翼之，故無名者亦英雄，且自來英雄造時勢，時勢造英雄之說，良爲篤論矣。不有唐蔡李任諸君，則共和之國家無以擁護。此英雄造時勢之義也。不有袁氏之盜竊神器，帝制自爲，則可不必舉義師而英雄不見。此時勢造英雄之義也。抑吾非謂新英雄之僅此犖犖諸君也。今之與滇軍聯合而響應者，如貴州之劉護軍使、四川之劉師長，皆英雄也。推而遠之，凡各圖事於桂西粵東之陸君、陳君，皆英雄也。即暗與滇軍聯絡之馮上將軍，又一英雄也。不甯惟是，即不贊成袁逆，稱帝如徐菊人、李仲仙、張季直、周少樸諸先生，亦皆英雄也。更進而昌言之，凡此後反對帝制以響應民

軍者無論有名無名無一而非新英雄也然其紀元則自今日始
記者曰吾嘗閱歐西英雄傳矣自今以往吾中國之新英雄傳又將出現矣苑金以鑄之買
絲以繡之俟諸異日今日者正新英雄與舊奸雄大決戰於中原之日或爲附和奸雄之奸
黨或爲有志英雄之英年一逆一順一曲一直聽國人自擇焉此吾演繹梁任公書言之微
意也竊又以不佞此文是或足以寒奸雄之膽而壯英雄之氣者敢以質之知言君子

書東大陸主人言志錄後

記者讀東大陸主人言志錄詩也非文也書曰詩言志是爲千古論詩之第一義今作者之
詩謂之言志錄譬諸黃河經行數千里而入東海及探其源頭則自星宿海發之古今來詩
人衆矣而能知此義如作者屈指數之曾無幾人作者誰今滇都督唐公贊賡也吾既讀唐
公之詩並遍讀任趙諸君之序凡贊公詩之雄奇瑰麗與公勳業之彪炳寰區至矣盡矣蔑
以加矣不佞又何庸贅言雖然公之號爲東大陸主人與謂所作之詩爲東大陸主人之言
志則諸君序文尙未曾有所發明也記者誠不佞竊即斯義而嚶論之傳曰言爲心之聲又
曰心之所之謂之志志之所嚮詩以聲之此詩言志之義也古今來詩人衆矣而能爲卓然

大詩家者必推陶杜陶淵明之志慨念黃虞杜少陵之志許身稷契即二公之詩以窺二公之志千載而下可以想見其爲人今唐公之詩爲東大陸主人之言志則可知公之所志即在爲東大陸主人主人者奴僕之對待也東大陸者西大陸之對面也今世界上民主大國首推美利堅凡美國十三洲之國民無一而非主人也雖所稱美總統如開國之華盛頓與近世羅斯福塔虎脫威爾遜其人者不過全國國民中選舉爲公僕之一人不得以一人爲主人也推之世界上之民主立憲國亦皆猶是也若我中國凡專制時代之皇帝則以一人爲主人而視四萬萬之國民皆爲奴隸爲臣僕與美國殊矣由斯以觀公之號爲東大陸主人也公之素志蓋欲使我中國爲一民主大國使中國之四萬萬國民皆爲東大陸主人而與西大陸之主人並駕而齊驅天相中國辛亥之役全國反正民國肇興舉數千年來奴僕之國民一蹴而反爲主人黃帝神明之胄不當如是耶不圖公僕袁世凱背叛主人自爲皇帝斯時我中國之四萬萬同胞有甘爲奴僕者亦有不甘爲奴僕敢怒而不敢言者獨我都督唐公首以滇軍聲罪討逆以伸大義於天下豈好爲發難哉主人翁之責任不能不以大力負之也不如是而東大陸之堂堂中國真無一人且真爲亡國民族貽西方美人笑矣故

今日者不爲袁家之奴僕斯爲民國之主人可以兩言而決之然後知公之言志在青年至今日而實行踐履英雄之懷抱其所蓄積者不已久耶抑不佞竊窺公之素志僅在爲主人而絕無冀爲總統之心故其誓詞有曰天祚中國幸克有濟舉凡建設之事悉讓賢能以明初志此以知公之所見者大而其志又甚遠也抑更以今之義軍濟濟英雄同心北伐何一非志公之所志以克爲主人焉者登華山而躊躇四顧神州東大陸庶幾不至陸沉也乎





文

越村

范

文苑

◎東川唐冀廣先生近作

由黔移師督滇道中偶成

甲馬旌旗又此行。兩年依舊一身輕。山花舒卷情常定。林鳥飛投意總誠。歷史千秋留泡影。神州百戰盡蝸爭。瘡痍滿地何年補。慚愧前途父老迎。薄海風潮一劍擔。萬山雪月又天南。須知平坦征途穩。莫道崎嶇宦味甘。蓋世才從達處老。極天事亦夢中參。孕虞育夏尋常事。桑梓歸來酒正酣。

甲寅冬月南巡

漫滌心田別樣新。百年依舊此天真。蒼茫塵海應無我。澎湃風濤且渡人。蕉葉池塘波卷綠。柳花陌路樹藏春。達觀一覺紅塵夢。流水飛雲證夙因。人海萍飄路欲迷。靜觀纔見道心微。揭開宿霧羣山在。掃淨浮雲衆鳥飛。戰馬驕嘶旌鼓壯。村農愁喜稻梁肥。卅年書劍愁將老。不爲蒼生早賦歸。

一覺人寰夢未闌。祇應談笑挽狂瀾。彌天荊棘刊刪易。滿地瘡痍補救難。布德思丁服槃匱。宣威介子斬樓蘭。西風木葉蕭蕭去。剩有長松傲歲寒。

游華亭寺時甲寅十二月

如此江山畫不成。萬家燈火勢縱橫。艱難國步行猶易。溷濁人心洗要清。豈是池龍甘水淺。寧知天馬視山平。林中一綫邊城小。眼底浮名未足爭。

乙卯夏日病中偶成

闢天龍劍作雷鳴。底事蒼穹太不平。渺渺塵心天地老。茫茫正氣日星明。河山遙控八千路。貔虎何難百萬兵。一舸他年棲海上。櫻花樓閣笑聞鶯。重任輕擔一病肩。飄然裘帶當林泉。自觀五蘊都成幻境。到三清始見天燕子。泥啣新雨後。蜂兒花摘曉風前。無端救世心偏熱。梧月蕉雲且暫眠。

七月黑龍潭養疴

秋來何事怒龍鳴。獨坐空山夜月明。亞陸風雲原是幻。歐洲波浪不須驚。他年放膽重經國。此日開誠且治兵。日馭回天鞭有力。問心吾自勵吾生。

少年未醒浮雲夢亦復雄心賦大風柏老彌堅寒歲節花開不減舊年紅摸王範帝今猶昔
鎖利韞名色是空睡起披襟狂笑傲一竿煙月釣潭龍
飯罷從容理釣舟浮生大夢儘風流頻年悲憫人空老舉世沈淪杞獨憂熱血不禁真愛國
冷心翻笑假封侯靜觀一悟曲肱樂身在天風最上頭
江山放眼誰爲主大地茫茫任我行事業英雄寧有種功名王霸總無情千章老樹饒生意
百尺寒潭訂舊盟舉世由來平等看誓憑肝膽照蒼生

●李協和先生近作

甲寅除夕

吁嗟何日得休肩僕僕風塵又一年殺氣迷漫歐大陸妖氛黯澹故鄉天愁腸斷盡巴黎女
好夢驚殘蓬島仙我爲衆生抱悲憫爆花聲裏枕戈眠

題長嘯失敗後

簇簇旌旗士氣新雄風直掃朔方塵曇花一現伊何故捲土重來繫此身愧我乏能光史册
有誰殺賊慰斯民漫云殘局難收拾覓得尊疊共解顰

文苑 李協和先生近作

韻松來檳相聚未幾又之日本有贈

久別相逢意倍親。殘冬松柏益精神。問君可記當年事。嘆我難知此後身。把酒言歡惟舊好。聯床共話喜斯人。何時得副蒼生望。羞道漂流別有因。

乙卯除夕有懷因成一律并柬莫公

忘年忘節幾春秋。棘地荆天任我遊。民困敢辭馳驟苦。病多猶抱武湯憂。重來昆海尋知己。直搗幽燕殺國仇。畫裏山河固無恙。甲兵洗淨足高修。



選

載

向潮村漁

選載

梁任公辭職南下後致袁世凱書

大總統鈞鑒。前奉溫諭。冲挹之懷。悱摯之愛。兩溢言表。私衷感激。不知所酬。即欲竭其愚誠。有所仰贊。既而復思。簡言之耶。不足以盡所懷。詳言之耶。則萬幾之躬。似不宜曉瀆。以勞清聽。且啓超所欲言者。事等於憂天。而義存於補闕。誠恐不蒙亮察。或重咎尤。是用吮筆再三。欲陳輒止。以省親南下。遠睽國門。瞻對之期。不能預計。緬懷平生。知遇之感。重以方來世變之憂。公義私情。兩難恕默。故敢卒貢其狂愚。惟大總統垂察焉。國體問題。已類騎虎。啓超良不欲更爲諫沮。益蹈愆嫌。惟靜觀大局。默察前途。愈思愈危。不寒而慄。友邦責言。黨人構難。雖云膠葛。猶可維防。所最憂者。我大總統四年來。爲國盡瘁之本懷。將永無以自白於天下。天下之信仰。自此墮落。而國本即自此動搖。傳不云乎。與國人交。止於信。信立於上。民自孚之一度。背信而他日。更欲有以自結於民。其難猶登天也。明誓數四。口血未乾。一旦而所行。盡反於其所言。從此將何以號令天下。民將曰。是以義始。而以利終。率其趨利之心。何所不

至而吾儕更何所託命者。夫我大總統本無利天下之心。啓超或能信之。然何由以盡喻諸。逖聽之小民。大總統高拱深宮。所接見者。惟左右近習將順意旨之人。方且飾爲全國一致。擁戴之言。相與徼功取寵。而豈知事實乃適相反。即京朝士夫。燕居偶語。涉及茲事。類皆出以嘲諧輕謔。而北京以外之報紙。其出辭乃至不可聽聞。山陬海澨。閭閻市廛之氓。則皆日皇皇焉。若大亂之即發於旦夕。夫使僅恃威力而可以祚國也。則秦始隋煬之亂。宜與天無極。若威力之外。猶須恃人心以相維繫者。則我大總統今日。豈可不瞿然自省而毅然自持也哉。或謂既張皇於事前。忽疑沮於中路。將資姍笑。徒損尊嚴。不知就近狀論之。則此數月間之營營擾擾。大總統原未與聞。况以實錄証之。則大總統敝屣萬乘之本懷。既噉然屢矢於天日。今踐高潔之成言。謝非義之勸進。益見盛德何嫌。何疑。或又謂茲議之發。本自軍人強拂其情。懼將解體。啓超竊以爲軍人服從元首之大義。久已共明。夫誰能以一己之虛榮陷大總統於不義。但使我大總統開誠布公。導之軌物。義正詞嚴。誰敢方命。若今日以民國元首之望。而竟不能輟陳橋之謀。則將來雖以帝國元首之威。又豈必能弭漁陽之變。倒阿授柄爲患。且滋我大總統素所訓練蓄養之軍人。豈其有此。昔人有言。凡舉事無爲親厚者。

所痛而爲見警者所快。今也水旱頻仍。殃災洊至。天心示警。亦已昭然。重以吏治未澄。盜賊未息。刑罰失中。稅斂繁重。祁寒暑雨。民怨沸騰。內則敵黨蓄力待時。外則強隣狡焉思啓。我大總統何苦以千金之軀。爲衆矢之鵠。舍磐石之安。就虎尾之危。灰葵藿之心。長荏苒之志。啓超誠願我大總統以一身開中國將來新英雄之紀元。不願我大總統以一身作中國過去舊奸雄之結局。願我大總統之榮譽與中國以俱長。不願中國之歷數隨我大總統而同一斬。是用椎心泣血。進此最後之忠言。明知未必有當。高深然心。所謂危而不以聞。則其負大總統也。滋甚。見知見罪。惟所命之。抑啓超猶有數言。欲忠告於我大總統者。立國於今世。自有今世所以生存之道。逆世界潮流以自封其究。必歸於淘汰。願大總統稍捐復古之念。力爲作新之謀。法者上下所共信。守而後能相維。於不敝者也。法令一失效力。則民無所措手足。而政府之威信亦墮。願大總統常以法自繩。毋導吏民以舞文之路。參政權與愛國心關係至密切。國民不能容喙於政治。而欲其與國家同體休戚。其道無由。願大總統建設真實之民意機關。涵養自由發抒之輿論。毋或矯誣遏抑。使民志不伸。翻成怨毒。中央地方猶枝與幹。枝條盡從彫悴。本幹豈能獨榮。願大總統一面顧念中央威權。一面仍留地方發展之。

餘地禮義廉恥是謂四維四維不張國乃滅亡使舉國盡由妾婦之道威逼利誘靡然趨炎則國家將何以立願大總統提倡名節獎勵廉隅抑貪競之鄙夫容骨鯁之善類則國家元氣不盡銷磨而緩急之際猶或有恃矣以上諸節本屬常談以大總統之明豈猶見不及此顧猶拳拳致詞者在啓超芹曝之獻未忍遏其微誠在大總統藥石之投應不厭於常御伏維采納何幸如之去闕日遠趨覲無期臨書惻愴墨與淚俱專請鈞安尙祈慈鑒

梁任公致滇中各將校士卒書

滇中同義諸將校士卒公鑒大盜移國天柱將傾賴諸公一怒以安天下之民海內志士仁人感極而泣環球萬國動色起敬自有史以來以一地方之舉動而關係全局功未有若斯之偉也啓超驚下無似徒懷孤憤數月以來在外奔走呼號思與諸公作桴鼓應以效助於萬一而力不副志所成就殊微劣不足道差幸是非既已大明各友邦態度日趨變而助順大約日內必承認爲交戰團體更稍進展則承認爲正統國家而購械之路已通此後可源源接濟大局之定當不遠矣啓超本擬俟外交略定後即入滇從軍與諸公共此壯猷行有日矣而桂中陸將軍遣使見招謂當俟啓超入桂乃能部署發表以今日形勢桂之見重於

天下自無待言。故不得不改馬首以趨。所急今已抵越南之海防。五日內外當在桂軍矣。爲事會所牽。未能與我最名譽最愛敬之首義諸賢握手。並轡企念之懷。曷其有極。諸公義麾所指。奇捷殊勛。恒使萬國動色。雖日以順伐逆。應乎心理之大同。然非義勇養之。有素曷克臻。此元兇之殪。指顧間事耳。在今日幾已不成問題。然莽卓雖誅。大局豈遂云已。定將來若何肅清餘孽。若何確立治安。此艱鉅之任。仍惟諸公肩之。望諸公益奮其高尚武俠之精神。爲全國軍界樹最良之模範。則國家之利賴其永永無極也。啓超瞻望南雲。不勝崇仰渴慕之誠。謹託友人黃君羣躬詣昆明代達誠款。尙希鑒此微誠。相與努力。啓超不勝榮幸之至。專此即頌。勛安不宣。

梁啟超謹啓 三月十七日

梁任公在軍中敬告國人

啓超實國中最愛平和。憚破壞之一人也。當元二年之交。國論紛拏。啓超懼邦本之屢搖。憂民力之徒耗。頗思竭其駑駘翼贊前大總統袁公。亟圖建設。以爲以袁公之才而居其位。風行草偃。勢最順而效最捷。但使能開誠布公。正權納軌。順應世界大勢。調節社會新潮。則致國安榮。功可操券。故當正式內閣之建。勉列閣員。力圖共濟。乃與袁公共事數月。漸覺其別

有肺。臍。非。能。先。公。而。後。私。及。辭。職。後。靜。觀。兩。年。愈。懼。夫。縱。彼。頑。兇。必。且。覆。邦。而。淪。種。夫。處。今。日。文。明。競。進。之。世。而。行。中。古。權。譎。殘。刻。之。政。外。襲。衆。建。之。名。內。蹈。專。欲。之。實。黜。全。國。之。智。箝。全。國。之。力。涸。全。國。之。資。財。摧。全。國。之。廉。恥。而。以。資。一。時。便。安。之。計。成。一。姓。篡。竊。之。謀。生。於。其。心。害。於。其。政。取。子。毀。室。率。獸。食。人。循。此。遷。流。更。閱。年。載。則。人。道。且。將。滅。絕。於。中。國。而。中。國。更。何。由。自。存。於。世。界。者。疇。昔。仁。人。志。士。以。前。清。失。政。危。及。國。命。匡。救。既。窮。於。術。不。得。已。乃。起。而。釐。革。之。而。共。舉。此。舊。邦。新。命。以。託。諸。袁。公。袁。公。不。務。滌。瑕。穢。與。民。更。始。效。尤。清。季。抑。加。厲。焉。前。勞。既。虛。後。望。更。絕。於。是。國。人。乃。囂。然。喪。其。樂。生。之。心。而。國。家。益。儻。然。不。可。以。終。日。啓。超。與。袁。公。誼。既。親。舊。事。共。艱。危。誠。不。忍。覩。其。自。裂。身。名。且。陷。國。家。於。萬。劫。不。復。三。年。以。來。直。諫。巽。語。調。護。維。持。矢。志。靡。他。吾。才。既。竭。泊。夫。帝。制。議。興。敗。棋。劫。急。猶。復。垂。涕。而。道。至。再。至。三。曾。是。昏。迷。終。不。寤。聽。明。于。國。憲。悍。仇。民。晷。西。南。諸。鎮。仗。義。執。言。爲。民。請。命。各。超。雖。驚。下。無。似。爲。大。義。所。驅。不。敢。不。黽。勉。以。從。諸。君。子。之。後。今。亦。既。杖。策。在。軍。中。矣。操。戈。於。室。不。祥。莫。大。殺。機。既。動。其。血。玄。黃。淨。洗。甲。兵。未。卜。何。日。言。念。別。途。怒。焉。如。擣。雖。然。戎。首。袁。公。非。吾。曹。也。試。思。以。袁。公。之。所。爲。求。袁。公。之。所。欲。而。謂。能。使。中。國。毋。亂。其。誰。信。者。縱。彼。及。身。能。勉。維。現。狀。然。人。生。安。

能無死彼一旦死厥狀且將何若吾知無論何人閉目以思及將來應皆不寒而慄蓋袁公在國中播種惡因既深且廣我國民終當刈此惡果穰穰浩劫無可逃避所爭者早暮耳而袁公多擅政一日即惡因之廣深多增一度以彫殘垂盡之元氣更日日加以削伐不一二年行將漸滅而無復餘其時欲更求負荷世難之人恐不可復得則惟有一任悍卒流寇縱橫起滅爲無意識之破壞相尋不已馴至勞外力代我收拾則國家真永沈九淵云何能拔譬猶病癰終須一割割爲險着夫誰不知然割較早則險較微割愈遲則險愈劇養而不割及其自潰雖有扁鵲技無復施故雖以夙耽溺於平和之夢如啟超者幾經躊躇審顧懲前毖後遂不得不毅然決然揮淚瀝血從諸賢之後以與袁公相見於疆場凡欲以死中求生亡中求生而絕非有所爭於意氣有所貪於權位此雖不必曉曉然向人自白然萬不得已之苦心固願剖而捧之以與天下共見也若夫前途肅清之略與建設之猷千險萬艱固意中事然國人則安能有所憚而委置不顧者須知不能不解決之問題既已臨頭無論若何屯蹇終須以自力解決之委心任運運其任我耶以啓超所見則謂險固誠險艱亦誠艱然何至遂無可爲我國民固自有天賦之特長我國家亦不乏雄飛之緣會徒以生息於惡政

治。之。下。窒。其。本。能。枯。其。發。展。以。有。今。日。及。今。努。力。拔。此。病。根。安。見。種。種。憂。虞。不。遂。迎。刃。而。解。此。真。國。人。所。宜。審。擇。而。奮。興。者。也。至。如。啓。超。者。樹。德。本。淺。更。事。尤。希。抑。何。足。以。爲。國。家。輕。重。惟。痛。念。頻。年。以。來。頗。不。免。緣。黨。派。偏。見。誤。斷。事。理。間。接。以。釀。國。家。隱。患。中。間。又。嘗。以。悲。觀。弛。惰。自。荒。匹。夫。之。責。致。國。民。活。力。生。一。部。分。之。損。耗。今。以。國。脈。安。危。迫。於。眉。睫。不。敢。不。沈。痛。懺。悔。靖。獻。此。身。以。圖。自。贖。微。誠。所。貫。舍。命。不。渝。功。不。敢。承。罪。不。敢。避。國。之。君。子。其。有。同。茲。感。痛。者。乎。相。與。提。挈。於。其。前。而。督。責。於。其。後。豈。惟。啓。超。庶。免。於。戾。即。國。家。其。將。利。賴。之。

康南海勸袁世凱退位書

慰。庭。總。統。老。弟。大。鑒。兩。年。來。承。公。篤。念。故。人。禮。隆。三。聘。頻。電。諮。訪。累。勞。存。問。令。僕。喪。畢。必。至。京。師。猥。以。居。廬。莫。酬。厚。意。今。當。大。變。不。忍。三。緘。棟。折。榱。壞。僑。將。壓。焉。心。所。謂。危。不。敢。不。告。惟。明。公。垂。察。焉。自。籌。安。會。發。生。舉。國。騷。然。吾。竊。謂。今。之。紛。紛。者。皆。似。鎖。國。閉。關。之。所。爲。皆。未。聞。立。國。之。根。本。又。未。籌。對。外。之。情。勢。者。也。夫。以。今。中。國。之。岌。岌。也。苟。能。救。國。而。富。強。之。則。爲。共。和。總。統。可。也。用。帝。制。亦。可。也。吾。向。以。爲。共。和。立。憲。帝。制。皆。藥。方。也。藥。方。無。美。惡。以。能。愈。病。爲。良。方。治。體。無。美。惡。以。能。強。國。爲。善。治。若。公。能。富。強。自。立。則。雖。反。共。和。而。稱。帝。若。拿。破。崙。然。國。

人方望之不暇。若不能自立。則國且危殆。總統亦不能保復。何紛紛焉。自公爲總統以來。政權專制。過於帝者。以共和之國。而可以無國會。無議員。雖德帝不能比焉。威權之盛。可謂極矣。然外蒙西藏萬里。割棄青島。戰爭山東。蹂躪及十五款。割後舉國震驚。至第五項之後。商共憂。奴虜中國之危。至矣。人心之怨。甚矣。今當歐戰。至酣。列強日夜所摩厲者。武事也。忽聞公改行帝制。日夕所籌備者。典禮也。行事太反。內外震駭。遂召五國干涉。一再警告。及遣大使東賀。加冕大典。道路傳聞。謂於割第五項軍政、財政、警政、兵工廠外。尙割吉林省及渤海全疆。以易帝位。未知然否。然以堂堂萬里之中國。元首稱帝。則稱帝耳。不稱帝。則不稱帝耳。雖古詈莽操。然力能自立。安有聽命於人。如臣僕者哉。且公即降辱出身。忍棄中國。祈請強鄰。求稱帝號。若唐之石敬瑭。之於契丹。若梁蕭察。之於周。若南唐李煜。之於宋。然強鄰必察民意。可以義動。不可以利誘也。今既見拒大使辱益甚矣。且名爲賀使。必無拒理。今之被拒。益爲鬻國。以易帝之證。而國民益怒矣。假令受使。結約有效。若法之待安南。如英之待埃及。或要索稱臣。或名歸保護。則全國軍隊。長官。必皆派監督。顧問。或派駐防之兵。或收財政之權。至是則國實已亡矣。虛留帝號。何能自娛。然公或者以求伸於四萬萬人之上。而甘屈於

強國之下能屈辱爲之而國民憂亡必大憤怒即諸將亦恐懼國亡而怒不然亦憂強國之派監軍或顧問或易而代之彼諸將自知權位之不保必不肯從公之爲降虜也則必斬木揭竿勝廣徧地矣幸而見拒中國尙得爲中國耳然數月以來舉國之民士農工商販夫豎婦莫不含憤懷怒黨人日夕布謀將士扼腕痛恨頃上海鎮守使鄭汝成已遭刺死海軍之肇和兵艦亦已內變廣東旣亂滇黔獨立分兵兩道入川楚破叙攻瀘遂爭重慶全川騷辰沅繼矣湖南大震武昌長沙兵變繼告長江將響應之蒙古並起而山西歸化綏遠亦相繼淪陷陝亂日劇則拊北京之背他變將作外人將認之爲交戰團矣公以軍隊爲可恃乎昔者滇黔豈非贊成帝制者哉而今若何今聞四川之陳宦實與滇軍交通而貴州朝得助餉夕即宣布自立今聞四川如此恐各省軍隊皆類此耳廣西即可見矣公自問有何德及彼以何名分範彼而能使彼聽命盡忠耶吾聞鄭汝成告人曰帝制事吾不以爲然但無如何耳鄭汝成者公所謂忠臣親臣贈以破格之侯封者然乃若此可以推全國諸將之心矣公以封號爲能籠諸將之心耶聞各省諸將受封多不受賀或不受稱而雲南唐任且即起兵焉且公在清末亦受侯爵何能因是感激而足救清祚哉若軍旣含怒同室倒戈於前數

年突厥摩訶末廢帝見之吾時遊突厥所親覩者矣然突厥尙遠公未之見辛亥之秋武昌起兵不兩月而十四省響應清室遂遷夫豈無百萬軍隊哉而奚爲土崩瓦解也此公所躬親其役者也夫以清室三百年之深根固蒂然人心既變不能待三月而亡公爲政僅四年耳恩澤未能一二下逮也適當時艱賦稅日重聚斂搜括刮盡民脂有司不善奉行苛法無所不至加比欸千萬五國之巨欸二萬萬四年之間外債多於前清國民之負擔日重然無一興利之事以鹽爲中國大利而稅之今全歸之於外以煙爲中國之大害而禁之今返賣之於官近者公債之新法日出甚至名爲救國儲金欺誘苦工而取之以供加冕之用故兵急財盡咸疑交通中國兩銀行虧空人爭起欸不信僞幣其勢將倒國會既停選舉既廢自治局撤私立參政院代民立法則失共和之體天下豈有號稱共和而無議員者士怒深矣加水旱洊臻盜賊滿野民無以爲生民怒甚矣即無籌安會事尙恐大變之來而公之左右諸媚者欲攀附以取富貴蔽聰惑聽日告公者必謂天下皆已治已安人心莫不愛戴密告長吏令其妄報僞行選舉冒稱民意令公不知民怒之極深遂至生今日之大變漢朱浮曰凡舉事無爲親厚者所痛而爲見讎者所快昔孫權爲曹操勸進操曰是兒欲踞吾於爐火

之上耳。今諸吏之擁戴公者，十居八九，聞皆迫於不得已，畏懼暗殺，非出誠心，舉朝面從，心違，退有後言，或者亦踞公於燼火之上，假此令公傾覆耳。賈誼所謂寢於積薪之上而火其下，火未及燃，則謂之安，以公之明，胡不察焉？且使今日仍如古者閉關之時，則公爲諸將擁戴，如宋藝祖焉，然猶未可蓋古之稱帝者，固由力取，不必有德，然必積久，堅固而後爲之，然以曹孟德手定天下之雄，司馬懿、司馬昭、高歡、高澄，有世濟其美之才，皆爲政數十年，舉國臣民爲其卵育，然尙徘徊逡巡，不敢遽加帝號，五代諸主，旦夕稱帝，即歲月不保，然此皆閉關之世，若如石敬瑭者，藉外力而立，亦即爲外虜而亡矣。夫共和非必善，而果宜於中國也，然公爲手造共和之人，自兩次即總統位，宣布約法，信誓旦旦，渙汗大號，皆曰：吾力保共和，誓不爲帝。於袁治平之請爲帝，於宋育仁之言復辟，則皆以法嚴治之，中外之人耳熟能詳，至於今日，翩其反而此外人，因以大疑而國民莫不反唇者也。徧考地球古今萬國之共和國，自拿破崙叔姪外，未有總統而敢改爲帝者，美洲爲共和國者，凡二十日，尋干戈矣，然皆爭總統耳，未有欲爲帝者，更未有爭爲帝者也。中世意大利及德國諸市府之總統，未有敢爲王者，即羅馬之奧古士多威定全國實行帝權，亦兼用諸官職號，未敢用帝王之

稱後世襲用愷撒奧古士多者以前代總統之名爲元首之號行之三百年至君士坦丁遷都海峽避去元老院之名然後愷撒之號傳於後世今乃爲帝者之稱卽今德奧尊號是也愷撒爲羅馬總統有手平法國強安羅馬之大功有人進王者之月桂冠者愷撒試戴之其義兒澈尼斯卽手弑之近者墨總統爹亞士手平墨亂七任總統置二百年之墨亂於泰山之安飾以歐美之治其文治武功歐美人莫不推爲近今第一吾遊墨時曾以殊禮待我雖號爲專制然尙未廢國會也更未敢稱帝號也然第八任總統遲不退讓遂使馬爹羅振臂一呼爹亞士遂夜出走以其百戰之雄搏戰之餘僅以身免易曰亢龍有悔知進而不知退知得而不知喪故也嚮使愷撒爹亞士知亢龍之禍識退讓之機則身名俱泰照耀天壤惜其聰明才武而忍俊不禁貪而不止遂至身死名裂一至於此况才望功德遠不及愷撒爹亞士而所求過於爹亞士者哉老子曰知足不辱知止不殆今已辱已殆矣尙冒進不止昔人所謂鐘鳴漏盡行不休日暮途窮倒行逆施則不止辱殆而已必如愷撒而後已求如爹亞士之能逃出不可得矣以公之明何不思之且今公之心腹親舊宰相若徐世昌唐紹儀大將若段祺瑞親舊若張謇費樹蔚皆紛紛遠引其他黎元洪熊希齡趙爾巽李經羲周樹

模、孫寶琦、汪大燮、羅文幹、馬祖、湯化龍、梁啟超、韓國鈞、俞明震等紛紛掛冠。其餘羣僚尙不足計也。朝宇皆空，槐棘無人，即強留率迫一二人，或畏死復來，然人心大可見矣。今所餘在公左右一二謀議者，皆負罪畏死，懷抱異心，其餘皆庸佞之徒，只供奔走而已。以此之人心，以此之人才，當承平繼統之時，猶不能支，而謂可當內訌外拒、中外大變之世乎？昔公之練兵小站也，僕預推轂焉。今公用以威定天下，恃小站時心，督諸將徧布中外也。然忠貞若王士珍、辛亥玉步之後，即已拂衣高蹈。今雖強率而出，聞其在陸軍部上奏於臣字，必加塗抹，實與張勳之強勁同焉。雖受恩私室，然實乃心清朝者也。其沈毅若段祺瑞，以公之設模範團而奪其兵柄也，乃自疑而辭去。近日頻遭刺客，日欲出亡。若蔡鏘兼資文武，舉演來歸，而久投閑散，近且居宅無端被搜，因以恐懼遠走。舉兵故公之心腹舊將，皆有自危之心，即有倒戈之志。蓋以趙秉鈞之忠而鳩死，以尹昌衡之壯而久囚，以黎元洪之公而久幽。若馮國璋、張勳、陳宦、湯薌銘、朱瑞、龍濟光、陸榮廷，皆公之股肱，藉以坐鎮南方者，乃聞宵小作間，謀者以造言生事爲希榮邀功計，謂諸將互相聯合，各有異志，果遂頻調重兵南下以防之。或日遣刺客以殺之，致令諸將信而被疑，忠而見謗。即今張作霖、張紹曾，亦有嫌疑，則必鑒

於趙秉鈞、段祺瑞、尹昌衡之危迫，益生携貳耳。今各省諸將暫爲公用者，或有奉陝豫徽耳。然師旅之長亦難一心，然則誰非蔡鏐、唐繼堯、劉顯世，任可澄者？但觀望待時耳。且夫各省將軍師長率多段馮張王四人部下，咸受羽翼於義師，而未有隸於公。其與明公恩義本淺，今主帥見猜，則部將生疑，咸恐不保。令之遠征，諸將即不倒戈，誰肯爲公出死力者？且公戎旅有幾，不以遣征西南，則以防衛西北所餘軍隊，不過三數千衆，保衛都畿萬難。他遣則何以持久，萬一有變更，以何師剿之？頃聞模範團拱衛軍有變，誅戮無數。夫模範團拱衛軍公之心腹干城也，然猶如此，則腹心難作防不勝防。若各省內外聯合，更何以爲計？辛亥之禍，魚爛瓦解，可爲殷鑒。竊爲公危之近者，新華宮內變，益令駭聳。以明公之族人親臣之愛子，警長之要官，且猶如此，哀英及公之二十年舊僕，勾克明亦咸思剗刃於公。其他內史爲公侍從近臣，亦多有同謀者。然則公之近臣親臣若此者，正不知凡幾，皆包藏禍心，旦夕伺發。互相交通，密相容匿。公宵夕寢處，何以爲安？朝夕饗餐，何以爲食？門庭侍衛左右僕役，何以爲用？朝覲召對，引見臣僚，何以爲信？天怒人怨，衆叛親離，至此公自思之，應亦爲骨變心警。毛髮聳豎，無一刻得安者矣。昔王莽之末，親若王涉，國師若劉歆，宰相若董忠，皆謀殺之。且

以宋文帝之明而死於元兇劭之親以明穆宗之正而喪於韓金蓮之手他若董卓之死於呂布王世充死於宇文化及仇讐起於閹闔猛獸發於輦轂枯木朽株盡爲難矣公雖若王莽之憂不能食李林甫之夜必移牀何以防之昔唐宰相楊再思謂一日作天子死可無憾果以叛誅昔人謂左手據天下之圖而右手以匕首搃其胸雖愚夫不爲也今天下洶洶民生流血百業停廢皆爲公一人耳南望川楚慘痛何極夫公奄宅天下四年矣至今溥海騷乃欲望統一於內國憤起外警迭來之時平定於銀行將倒內外將變之後必無是理矣故欲有所望則必無可望也常人仕官至出將入相亦終有歸老之時假令公四年前罹病不幸溘逝已極人生之望矣况公起布衣而更將相身爲中國數千年未有之總統今又稱制改元袞冕玉璽而臨軒百僚奏臣陪位已數閱月亦足自娛矣又過求之恐有大患矣公自審其才上比曾左李諸公應遠遜之而地位乃爲羿浞王莽勢變之險如此尙不急流勇退擇地而蹈徘徊依戀不早引去是自求禍也易曰天下之所助者順人之所助者信是以自天祐之吉無不利今公對清室則近篡位爲不順對民國則反共和爲不信故致天怒人怨不助不祐不吉不利公之近狀必無幸免矣然則與其爲國人之兵迫而退位何若公自

行高蹈之爲宜耶。以公之明。寧待再計乎。今僕爲中國計。爲公計。有三策焉。聞公昔有誓言。已買田宅於倫敦。若黃袍強加。則在汶上。此誠高蹈之節。遠識之至也。若公早讓權位。遯跡海外。嘯歌倫敦。漫遊歐美。曠觀天地山海之大。娛遊其士女文物之美。豈徒爲曠古之高蹈。肆志之奇樂。亦安中國保身名之至計也。爲公子孫室家計。無以逾此。今旣爲左右所誤。謬受大位。遂致內亂外拒。威信隳矣。然今爲公計。爲中國計。仍無以易此。明哲保身。當機立斷。策之上也。次則大布明令。保守前盟。維持共和。嚴責勸進。文武僚吏之相誤。選舉僞冒。民意之相欺。引咎罪己。立除帝制。削去年號。盡解暴斂。罷兵息民。用以靖國民之怒。塞鄰好之言。或可保身救亡。然大寶不可妄干。天下不能輕動。今者民心已失。外侮已深。義旅已起。不能中止。雖欲保總統之位。或無效矣。雖欲言和。徒見笑取辱耳。必不可得矣。惟公審之。若仍逆天下之民心。拒列強之責言。妄誓背信。強行冒險。不除帝制。不革年號。聊以自娛。則諸將雲起。內變颺發。雖有善者。愛莫能助。雖欲出走。無路可逃。王莽之漸台。董卓之郿塢。太白之旗。路易之臺。爲公末路。此爲下策。以公之明。何擇焉。公之安危在於今日。決於此舉。及今日爲之。猶可及也。過是欲爲之。亦不可得矣。悔思僕一言。則無能爲計矣。僕一書生耳。終日以讀

書爲樂。懶於接客。畏覽公事。癖耽書畫。雅好山水。自以爲南面王之樂。無以比之。而甚畏事權也。僕自釋褐入部時。未嘗一到署。但憂國危不得已而發狂言。亦如今日耳。當戊戌時。僕毘贊大政。推轂大僚者十餘人而已。身未嘗受一官。上意命入軍機。亦未嘗受夫五聲繁會。人之所好。而墨子非樂。瘍癰穢惡人之所畏。而劉邕嗜痂人之性。各有所近。非能強也。況今艱難之時乎。猥以虛名。曰被後生擗捨。所謂元忠肉甘。徒供獵人之羅網而已。謠言無已。後必仍多以公之明。想能洞之。故擁戴僕爲將來總統者。僕視爲凶危。而力拒之。其推戴公以帝制者。亦爲至險。望公亦力消除之。僕之不可受總統。猶公之不可受帝號。改元年一也。我惟不爲總統。故敢以規公。亦並謝去。運有榮悴。時有窮通。惟我與公正可互相勸勉也。追昔強學之會。飲酒高談。坐以齒序。公呼吾爲大哥。吾與公兄弟交也。今同會寥落。死亡殆盡。海外同志。惟吾與公及沈子培。徐菊人。尙存感舊。歎歎今誠不忍見公之危。而中國從公而亡也。傳曰。忠言逆耳。藥石也。書曰。若藥不眩。厥疾不瘳。僕度左右之人。明知阡危。不敢逆耳。竊恃羊裘之故人。二十餘年之舊交。當中國之顛危。虛執事之傾覆。日夕私憂。顛顛愚計。敢備藥籠。救公痼疾。吾聞君子愛人以德。小人愛人以姑息。今推戴公者。姑息之美。疾也。傳曰。美

疾。不。如。藥。石。惟。智。者。能。預。見。事。機。惟。善。人。能。虛。受。善。言。不。勝。冒。昧。屏。營。之。至。惟。公。圖。之。佇。聽。明。誨。北。風。多。厲。春。色。維。新。爲。國。自。愛。康。有。爲。白。

袁世凱偽造民意鐵證書後

(梁啓超)

雲南軍政府討賊檄文中。指斥袁世凱運動帝制之罪惡。有威偈利誘矯誣民意等語。袁氏乃曠其素所奴畜之參政院。反唇相稽。謂雲南亦曾經表決贊成。曾經請願推戴。誰實偈之。而誰實誘之者。嗚呼。吾至是而不得不嘆袁氏黑膽之鉅而凶顏之厚也。自國體問題發生以來。所謂討論者。皆袁氏自討自論。所謂贊成者。皆袁氏自贊自成。所謂請願者。皆袁氏自請自願。所謂表決者。皆袁氏自表自決。所謂推戴者。皆袁氏自推自戴。舉凡國內國外明眼人。其誰不知者。然而袁氏方以爲天下人皆易欺。狡不自承。以至今日。今北京政府致各省將軍。巡按密電之全文。既暴露矣。其電皆有姓名。有月日。有印。據原紙。且經軍政府拍照印布。袁氏及其黨人。縱有萬手。當莫能揜。縱有萬喙。當莫能賴。則請我全國父老昆弟。乃至普天下萬國含生負氣之人。類試一張目。以視一閉目。以思此果何等妖孽。何等罪孽。而乃容其橫行於光天化日之下。而莫或過問也。今請將其各電中要點摘錄指證之。九月二十六

日孫毓筠電云、（現擬另籌徵求民意辦法、由各省將軍巡按使都統就在省各縣紳民中、每縣擇定一人、召集臨時公民大會、）九月二十七日籌安會代表團電云、（各縣投票人、事實上雖係軍民長官指定、而形式上仍須用各縣推舉字樣、以昭鄭重、一面指定各縣投票人、一面即將各縣投票人姓名、分飭各縣知事、補具詳文、正式推舉、但須倒填日月耳、）八月三十日段芝貴等十人電云、（現擬定第一次辦法、用各省公民名義、向參政院代行立法院上請願改革書、每省各具一請願書、均由此間代辦隨將稿底電聞、請將尊名並貴省紳商列入、）夫公民名義而用之、誰用之、政府用之也、用其名者、謂不必取其實云爾、請願改革公民、而由將軍巡按使都統就在省人員擇定公民、耶、私民、耶、請讀者一裁判之、各省請願改革書、乃由段芝貴等十人代擬、此誰實願之、而誰實請之、者、乃至二十餘省之將軍巡按紳商、皆由北京政府代為之列名民意、耶、官意、耶、帝意、耶、請讀者一裁判之、九月二十九日朱啓鈴等電云、（現正提議另組公民大會、即在各省會地點開會表決、以期速定大計、惟組織之方法、雖由參政院議定、而組織之精神、則在各監督長官有以操縱之而利用之、此項公民、每縣擬公推一人、能於在省各機關中挑選此項人員、必不至於誤會意旨、

（觀此則公民機關全恃長官之操縱利用可知也。請讀者試思所謂利用操縱者何事而意旨之示人以勿誤會者又何事也。公民而在省中各機關挑選公民耶。公吏耶。請讀者一裁判之。十月七日朱啓鈴等十人電云：（國民代表大會推戴電中須有恭戴今大總統袁世凱爲中華帝國皇帝字樣，委託參政院爲國民代表大會總代表電，須用各省國民大會名義，至商軍政各界推戴電，簽名者愈多愈妙，將來宣詔登極時，國民代表大會及商軍政各界慶賀書，亦請預擬備用。）觀此則推戴袁世凱之由來可知也。參政院得有國民總代表資格之由來可知也。乃至各省各界無量數之推戴電及慶賀書其由來皆可知也。民意耶。官意耶。帝意耶。請讀者一裁判之。十月十日國民會議事務局電云：（國民會議議員各縣之初選當選人，實爲產出國民代表之樞機，允宜特別注意，各縣初選監督，當能體會入微，善爲運用，儘可於未舉行初選之前，先將有被選資格之人，詳加考察，擇其性行純和，宗旨一貫，能就範圍者，預擬爲初選當選人，再將選舉人設法指揮，妥爲支配，果有滯碍難通處，不妨隱加以無形之強制。）觀此則國民大會之當選人以何種方法產出可知也。所謂體會運用所謂能就範圍所謂指揮支配所謂無形強制請讀者試思此何等語其中含有

幾許惡孽更問讀者此項選舉人能否有絲毫自由選擇當選人之餘地此項代表人能否有絲毫自由主張意見之餘地而天下萬國往古來今果聞有此種選舉法焉否也十月十一日朱啓鈴等十人電云（每縣初選當選人來省報到必須設招待員或派員疏通意見再由監督長官以談話宴飲爲名召之至署將君憲要旨及中國大勢並將擬定充選之人名示之須用種種方法總以必達目的爲止）十月二十六日朱啓鈴等十人電云（國體投票開票後當即行推戴無須再用投票手續即由公等演說應推戴袁世凱爲中華帝國大皇帝如贊成應起立表決後即將擬定之國民推戴書交請各代表署名事畢再由公等演說推戴及催促大皇帝即位之事可用國民代表名義委託代行立法院爲總代表即將預擬之國民代表致代行立法院電稿交請各代表贊成至推戴書文內必須叙入字樣已將漾電奉達此四十五字萬勿更改）嗚呼吾遂錄至此則已無從更下批評讀者但釋文察義則可以恍然於全國一千七百餘票何故無一票之反對可以恍然於各省投票決定國體後何故皆即以同日上推戴書而無一省之延緩可以恍然於各省何故一致委託參政院爲總代表而無一省之參差可以恍然於各省推戴書中何故皆用恭戴今大總統袁

世凱爲中華帝國皇帝承天建極傳之萬世等四十五字而無一字之異嗚呼民意耶官意耶帝意耶請讀者自裁判之十月二十九日國民會議事務局電云（前次電達以後尊處用款有無窒碍情形統希隨時密示本局謹當竭誠相助以便尊處放手辦事）請讀者掩卷一思所放手以辦者何事所竭誠以助者何款吾更何言吾惟欲問外國資本家借款與我者與夫我國民之應募三年四年公債者購儲蓄票者捐救國儲金者當初夢想所及曾知其所出之款乃作此項用途否也十月十一日國民會議事務局電云（京外官署往來密商之件實爲治亂安危關係設或稍行洩漏轉蹈事機不密之嫌而事關國本密件若傳於道路尤恐貽政治歷史之污此節對內對外動關國家威信務望特派親信人員嚴密保管）又十二月二十一日該局電云（此項電文無論如何秘密終涉跡象倘爲外人偵悉不免妄肆品評更或史乘流傳遂留開國缺點中央再四思維以爲不如一律查明燒燬萬望趕速慎密辦理）吾不知讀者諸君讀至此兩電其感想何如吾所最怪者則袁氏及其黨人乃猶知此爲政治歷史之污乃猶知此爲開國缺點乃猶知此爲有傷國家威信乃猶知此爲難逃外人品評夫袁氏不嘗日日揚言謂改變國體主權在民政府更無發言之餘

地乎。謂吾誓死不肯爲帝。無奈國民全體擁戴。強迫勉犧牲身家。以從其請乎。若果爾爾者。誠可謂最大之榮譽。最高之道德。何所謂污。何所謂缺。何害於威信。何畏於品評。而秘密之。而燒燬之。何爲者也。以切切秘密。亟亟燒燬之。件又曷爲而全文暴露於天下。萬國人之眼前。則吾願袁氏及其黨人。勿怨他人。惟速自反焉。可耳。十月十五日國民事務局電云。（國體改革。果能於形式上辦到絲毫無憾。自足奠久安長治之基。凡關於法律上之形式。除確有十分障礙者外。投票程序。務必表示鄭重。庶對內可以爲彈壓反側之資。對外可以杜干涉責任之漸。）十一月七日朱啓鈴等十人電云。（某國近藉口中國人心不一。恐有變亂。強拉英俄隨同勸告。此事萬無緩辦之理。各省票數全體推戴齊至時。政府自當稍取委蛇遜讓態度。以表示重視邦交之意。而在國民一方面。則宜表示決心。有進無退。使外人見我萬衆一心。則日之勸告自歸無效而消滅矣。此事務希萬分秘密。）嗚呼。吾又不知我邦人士。讀此其感想復何如。彼曷爲而設此種種形式。謂即此可以杜干涉也。及五國勸告既至。則又欲假借所謂民意者。以嚇退之。尤可笑者。勸告明明五國。彼乃又云某國藉口強拉英俄一若英俄等四國全失其國家人格。全無復自由意志。惟聽某國之操縱。指揮一如彼之。

秘密奴使各省將軍巡按奴使公民奴使參政院然者其侮辱友邦至於此極吾不知我友邦讀此果作何感想也至其欲勒逼國民表示決心有進無退使勸告無效而消滅者我國民終受其逼勒與否自是別一問題若果悉遵彼之發蹤指示則寧非政府率領全國國民演第二次義和團之惡劇此非吾故爲深文周納請明眼人觀因推果一審此電作此語者是何心理也以上各節略舉大端至其種種鬼蜮情形請讀者將各電原文子細熟觀當能想像八九質而言之此次皇帝之出產不外右手挾利刀左手持金錢嘯聚國中最下賤無恥之少數人如演傀儡戲者然由一人在幕內牽線而其左右十數嬖人蠕蠕而動此十數嬖人者復牽第二線而各省長官乃至參政院蠕蠕而動彼長官等復牽第三線而千七百餘萬不識廉恥之輩冒稱國民代表者蠕蠕而動其醜態穢聲播於社會者何啻千百萬事特其真憑實據一時未能具體的暴白於大眾之前故一任巧詞狡賴莫可如何今吾普請全國父老及友邦公正賢達之士各憑良心以鞠此獄第一請問數月以來京外運動帝制所表現之事實是否與各電所囑使者一一符合第二請問此諸電者能否由反對派捏造片詞隻字拍照蓋印原紙之影相機噐是否可憑第三請問段芝貴朱啓鈴梁士詒周自齊

張鎮芳袁乃寬等十餘人是否袁氏爪牙心腹國民會議事務局是否袁氏機關（堂密）（華密）等電碼是否袁氏獨有之秘密符號由此觀之則此一齣傀儡戲全由袁氏一人獨演更安有絲毫疑義存者然吾料袁氏於窮無復之之時必且將爲無賴之狡辯謂此等電皆彼輩羣小所私發我始終未嘗與聞若果爾者則袁氏應是土木偶人於萬事無所知覺天下甯有此情理即使強執無理之理而硬推諉爲未嘗預聞秘密則猶有許多公開之事袁氏亦得諉爲不聞知否彼籌安會非顯然犯罪之團體耶據約法法律命令無論若何辯護該會員斷不能逃極刑而在輦轂之下白晝橫行袁氏豈得云未見何爲不解散其會逮捕其人參政院之國體開票在十一月十一日當未開票以前人民之贊成君主贊成共和政府何從預知而所謂大典籌備處者於九月下旬已經成立在總統府中設辦事機關其處長處員皆袁氏自行任命袁氏又得諉爲不聞知否據此可知此項密電者皆由袁氏強迫段芝貴朱啓鈴周自齊梁士詒等十餘人用其名義以拍發與彼電文中所商定強迫公民用其名義以推戴者同一手法平心論之此次罪惡豈惟各省將軍巡按使不能負其責任即段朱周梁輩亦僅爲從犯而主犯實在袁世凱之一人各省將軍巡按使就法律上

之責任言之。彼等皆有服從中央命令之義務。中央所命云何能抗。即心中不以爲然。亦只得奉行。惟謹就政治上之責任言之。彼等欲扶持國家。翦滅叛賊。亦必須有所準備。待謀定然後動。觀於雲貴各省長官之態度。前此不得不虛與委蛇。至今日始能奉辭伐罪。則其他各省長官類皆同一苦心。不難推見。故曰各省將軍巡按使無罪也。至如段朱周梁楊孫之輩。其人格之卑鄙齷齪。誠不足道。然不過欲做官耳。欲發財耳。若夫冒犯天下之大不韙。作此罪惡滔天之陰謀。彼等尙無此胆量。譬之畜犬。非得主人之嗾使。安敢妄恣搏噬。是故此。次陰謀一切表裏之責任。皆應由袁氏一人完全負之。可斷言也。此獄之主名既定。則罪狀何若。願與全國父老及各友邦公正賢達之士。更進鞠之。法律上之罪狀。顯而易見者也。元首叛逆行爲之制裁。明載於約法中。其他若紊亂國憲之罪。陰謀煽動破壞國體之罪。見於刑律及單行法律命令中者。不下十數條。吾今不必一一徵引。若國家法律猶能保持絲毫効力者。則袁氏數月來之行爲。若者宜受死刑之宣告。若者宜受無期徒刑。或某等某等有期徒行之宣告。若者宜受停止公權褫奪公權之宣告。若者一罪累犯。若者數罪俱發。案據事實印合條文。鐵案如山。何所逃避。然法律既皆被犯罪人自身蹂躪。以盡國家所挾以繩。

之者既全失其具然則吾民除以實力擁護法律復活法律外更有何道以圖救濟者嗚呼我國父老昆弟其諦思之我友邦公正賢達之士其諦思之使我民國約法第三十一條第九項猶能有一二分効力之存在則今茲之事以立法院一度之彈劾大理院一紙之裁判萬事皆了而何至動干戈於邦內尤當知我中國此數年中若猶爲有法律之國家則袁氏與其徒黨自當有所嚴憚而種種獸性域技皆戢不敢發更何從有今日之事又當知此等憲典法令本皆袁政府躬自制定頒布就中號稱國家根本大法之約法袁氏已惡原本之不便於己而擅自改定以成今本我國民之於立法事業久已無絲毫容喙之權能一切法律皆隨袁氏一人所認爲利便者以制定之以自身所制定之法律而自身日日破壞其効力則法律更何所託命者而託命於法律之下之人民更何所託命者嗚呼吾欲問我全國父老昆弟吾欲問我友邦公正賢達之士問國家爲物是否無法律而可以生存問人民生息於無法律之國家之下者是否有應根據本能以亟求建設法律厲行法律之權利是否有應犧牲一切以擁護現行法律之義務夫我國民今日之反抗袁氏者在外人或視爲法律外之行動雖然當思法律外之行動誰實爲始作俑之人使法律之爲物尙有幾微之痕

跡存留於袁氏心目中則吾民固甚願在法律內與之周旋譬之私人曲直之相持苟有法
 庭可以赴愬誰樂舍此而出於決鬥我國民今日所處之境遇願我友邦公正明達之士一
 易地而思也況乎即執法律以相繩則我國民今日之舉動正自有法理上極強之根據吾
 願我友邦公正賢達之士諦審諦觀今茲之役誰實爲革命誰實爲叛亂請問維持現行國
 體者爲革命耶抑在現行國體之下謀推翻之以別建反對之國體者爲革命耶遵守現行
 憲法法律者爲叛亂耶破亂現行憲法法律者爲叛亂耶此種最普通之定義無論何人應
 皆可立答而決無絲毫游移商榷之餘地明甚則更請子細覆讀此十五通之電文而印合
 以數月來之事實試問袁氏及其徒黨之爲革命爲叛亂又豈更有絲毫游移商榷之餘地
 者則更問國中既有此種革命叛亂之人凡奉職於國家機關者應否竭其力之所及以討
 伐而平定之明乎此義則知今茲各省將軍巡按使以中華民國守土之官討中華民國叛
 國之賊實爲法律範圍內應行之權利不容辭之義務或者不察乃反以革命軍之名加諸
 各省其顛倒黑白不亦甚耶抑我國民所爲深惡痛絕於袁氏者不徒在其法律上之罪狀
 而已而實在其道德上之罪狀法律上之罪狀害僅中於一時道德上之罪狀毒乃延於累

世法律上之罪狀僅爲一國國民之所難恕容道德上之罪狀實爲世界人類所宜同嫉道德之節目萬端而其根本之根本莫重於有信一切惡人皆可以遷善惟專作妄語之人自欺其良心之人則永絕善根萬劫不植袁氏一生其言與行無一不相違其心與口無一而相應彼袁氏蓋天下古今第一愛說謊且善說謊之人也苟非爾者何至有爾許多人爲其所賣夫鄙人即曾被賣之一人矣彼其生平說謊之歷史若悉數之恐累數萬言而不能盡即以五年來兩次變更國體之已事論之猶憶當辛亥年（一九一一年）十一月之交袁氏早已與武昌南京通款輸情授受總統其間蓋歷四五十日而袁氏於此期間蓋無日不指天誓日謂以死效忠於清室直至宣布共和之前數日其心腹將帥若段祺瑞馮國璋張勳等蓋猶在夢中也至於此次之稱帝彼其四年以來矢忠共和之言已章章在人耳目者且勿論直至籌安會發生之前一月馮將軍入謁彼猶言若強之爲帝將逃往英倫此語曾由馮將軍宣布之於各報中盡人所同見也籌安會發生以後京外官吏往見者彼之言論壹皆與所以語馮將軍者大同小異尤有外國報館訪事往謁彼言帝制非所主張彼常以恪遵約法擁護共和爲職志此語登於紐約獨立週報中上海泰晤士報及各報多轉載又

盡人所聞見也。此猶可曰：口說無憑。當九月初二日參政院開院時，彼所下教令，不嘗明言本大總統認改變國體爲不合事宜乎？此猶曰：對內也。彼答覆五國警告，不嘗明言主權在民人民欲探何種國體，政府無權過問乎？而豈知彼一面日日作此等語調，發此等文書，裝作浮雲富貴敝屣萬乘之態，一面日日嗾使其徒黨徧發彼窮醜極穢之種種密電，欽派代表敕令推戴如此行爲，豈復知人間有羞恥事？夫以彼兩次就任，疊宣明誓而背棄之，若無物天猶敢欺，何況於人？責以道德徒形詞費，最可惜者。各友邦人士至今猶在夢中而甘受其侮弄者，尙多數耳。俚諺有云：寧遇大盜勿逢狗偷。袁既處心積慮，欲篡取國家爲其一姓之私產，使彼果有膽量者，能堂堂正正標出旗幟曰：我欲爲帝爾四萬萬人，其速奉我爲帝不爾者，吾將屠戮之。世界各國其速認我爲帝不爾者，吾將攻伐之。似此雖蠻橫猶不失爲有血有氣之一男子。今乃專用鼠竊伎倆，晝伏夜動，東偷一孟，西偷一鉢，以前清託孤之大臣而盜賣前清以民國服務之公僕，而盜竊民國。既假借外人言論（古德諾）以劫持吾民，復冒用吾民名義以欺罔列國，不自量度而貿然嘗試，一遇挫折則覲然乞憐，以總統爲未足，則覬覦皇帝。若皇帝做不成，則又將謀保總統，險詐反覆卑劣無恥，一至此極。以此等

人而爲一國之元首吾實爲中國人羞之以此等人而全世界人類四分之一歸其統治吾實爲全世界人類羞之護國軍總司令蔡將軍誓師之言曰（吾儕今日不得已而有此義舉非敢云必能救亡庶幾爲我國民爭回一人格而已）嗚呼我全國父老昆弟及我友邦公正賢達之士曾亦知將軍此言其中含有幾斗之血幾斛之淚者嗚呼我國四萬萬人之人格至今日已被袁世凱蹂躪而無復餘袁氏自身元不知人之所以異於禽獸者何在以爲一切人類通性惟見白刃則戰慄見黃金則膜拜吾挾此二物以臨天下夫何求而不得者四年以來北京政府曷嘗有所謂政治惟有此二物之魂影縱橫披猖盤旋薰灼於人人心目中而已夫無論何國皆中人之資居大多數中人云者導之善則可以嚮善導之惡則可以趨惡袁氏據一國之最高權日日以黃金誘人於前而以白刃脅人於後務欲硬制軟化一國之人以爲之奴隸自非眞強立之士其不易自拔也有固然矣嗚呼吾實有奇恥深痛之語羞與友邦人士言而又不能不自訟於友邦人士之前者蓋四年以來我國士大夫之道德實已一落千丈其良心之麻木者什人而七八此無庸爲諱者也而此種罪孽誰造之吾敢斷言曰袁氏一人造之袁氏窺破人類公共之弱點乃專務發達此弱點以資其利

用其有能。自制其弱點。而不甘受彼利用者。則必設法屠殺之。驅逐之。窘蹙之。使其不能自存。當前清之末。袁氏執政。已專用此策。以自植勢力。我國政界惡濁之空氣。實自茲播種。及其爲總統。乃益煽而揚之。試思以此種人爲淘汰之術。挾大刀以鼓鑄社會。云何可當。使袁氏帝國成立。賡續行此政策。數年乃至數十年。其必善類日漸滅絕。惟惡種獨能流傳。其不至舉我全國人盡喪失。其爲人類之價值焉。而不止也。夫人類之生於宇宙間。自其公共之目的。與公共之天職。即各人各自潛發其良知良能。以貢獻於社會。而使社會日以向上。是已然則人類社會一部分之墮落。即爲人類社會全體公產之損耗。其理甚明。今全世界之人類十六萬萬耳。而其中乃有四萬萬見。扼於袁氏之手。日日獎勵其獸性。獸慾而勦絕其人類之本能。此種人道公敵。若不驅除。吾恐世界末日之期。行將逼近矣。我國民之反抗袁氏。實由自覺爲人類全社會之一員。不甘使我自己及我子孫。日淪於禽獸。蔡將軍所謂爲國民爭回人格者。此其義一也。復次我國民道德。雖云墮落。然現在已經墮落者。不過鬪茸官吏之一部分。其多數人民之質。直潔白固依然也。即官吏之大部分中。其良心雖日即麻木。然究未嘗消滅也。袁氏欲爲帝。則竟自帝。吾民力不能抗。而聽其所爲。夫又何懟。今也不

然曰吾不欲爲帝也汝等四萬萬人強帝我我其何所逃避嗚呼我友邦人十欲知我國民有若干人願帝袁氏乎吾恨有一法不能試演若能召集全國民於外國領土內使爲無記名投票則百票中必有九十九票之反對吾敢斷言也此法既不能試演似無由證實吾言雖然諸君若肯將此十五通密電細讀細思自能得確切不磨之反證試思贊成帝制推戴袁世凱而果爲民意則何故由袁氏爪牙腹心發起何故必由各省長官指派代表何故代表以在省各機關之人員充選何故由北京代擬請願書推戴書何故以政府訓令明示種種操縱利用之法此等疑問五尺童子所能立答也抑尤當知天下事無論大小問題謂一國中只有贊成絕無反對此實爲事理所絕無昔一八零四年拿破崙一世稱帝行國民總投票贊成者三百五十七萬二千三百二十九票反對者仍有二千五百六十九票一八五二年拿破崙三世稱帝贊成者七百八十三萬九千票反對者猶二十五萬三千票今也參政院所開之一千七百八十票求一張之反對者而不可得請明眼人一思此豈復情理內之現象者要之此次實演一齣催眠術之幻劇袁氏及其徒黨十數人爲施術者而參政院各省軍民長官乃至代表人選舉人皆爲受術者又如機器袁氏及其徒黨十數人自司轉

振而參政院各省軍民長官爲其軸代表人選舉人爲其輪催眠劇之受術者爲有人格耶
 爲無人格耶此次當事人被袁氏蹂躪人格之明證也其所謂選舉者謂吾民選舉也吾民
 則何嘗選舉者其所謂代表者謂代表吾民也吾民則何嘗請其代表者實際上四萬萬人
 無一人不反對而彼乃強指爲四萬萬人無一人不贊成（譬諸強姦一弱女使旁人代之
 署婚證挾以爲據謂此女情甘從我天下冤憤其孰過此）此全體國民被袁氏蹂躪人格
 之明證也今次各省軍巡長官之反抗袁氏乃表明我不甘爲催眠劇之受術者不甘爲機
 器之輪一般人民之反抗袁氏乃表明我不甘受強姦不能承認他人代我署名之婚證蔡
 將軍所謂爲國民爭回人格者此其義一也嗚呼我友邦公正賢達之士其思之凡人生於
 天地間是否有應自保持其人格之權利是否有應自保持其人格之義務更還觀我國民
 今日所處之境遇何等黑闇何等冤酷使他國人易地以處其自衛之道宜何若也尤有一
 事欲請我友邦人士諦審毋誤者須知今次我國民之反抗袁氏絕非由某地方之特別惡
 感絕非由某黨派之特別私仇質而言之除袁氏鷹犬之百數十外直可謂之全國一致不
 過或爲積極的反抗或爲消極的反抗各因其性情地位而態度少殊且積極態度之表示

亦不能不審時機而後發耳。今舉其已顯著者若雲貴首義之蔡鍔、唐繼堯、任可澄、劉顯世、戴戡等，本非袁氏之敵黨，盡人所同見也。不審惟是彼袁氏三十年來最親交之友人，前此曾任最高要之職者，或現今仍任最要之職者，文官若北方之某氏、某氏，南方之某氏、武官若北方之某氏、南方之某氏，皆凝然示其不屈之態。吾今不必歷舉其名實，則此已等於公開之秘密，稍留心我國時事者，宜共知之。即如鄙人固亦曾與袁氏共事數年，曾竭吾心力以爲彼贊助。此次國體問題發生，吾以友誼婉勸力爭，不知幾度，吾豈樂與反抗者而我之良心遂迫我使不得終默。吾雖不文，然吾之此文字字皆能委曲傳達全國人民之心理。吾敢公言也。以吾觀之，此次我國民之反抗袁氏，在國法上爲討伐一國之叛逆，在道德上爲驅除人類之妖魔。一息尙存，義無返顧，欲其寧息，惟有兩途：一則袁氏退讓政權，一則袁氏將我民屠殺過半，而我國民所深望於我友邦者，則願兩無所袒，靜待我國民之自圖解決。若我友邦以平昔與袁氏有私人交誼，故不忍於哀鳴籲懇，而或貸助以金錢，或代彼迫害其敵，此固各友邦之自由，抑亦尋常國際上習見之成例。吾國民固絕不敢有所怨懟。惟吾欲請我友邦公正賢達之士，稍放遠眼光，一觀我國形式，各友邦若執扶袁之態度，爲能脫

我國於危亂耶抑益陷我國於危亂耶更欲請我友邦公正賢達之士當手持經卷對越上帝時一自聽其良心所宣之命令應否助一惡魔使得肆其淫威以蹙四萬萬良善之民於死地他國民爲擁護法律保持人格起見不得已而行其自衛權者其人爲可憐可敬抑爲可憎可嫉吾知我友邦其必有以善處此矣吾於篇末宜更贅數言讀吾文者慎勿以吾爲訕謗一國元首也謂吾所指斥者爲中華民國元首耶則中華民國已無元首謂吾所指斥者爲中華帝國元首耶則世界上並無中華帝國曷言乎中華民國已無元首耶約法上犯叛逆罪之人其大總統資格當然消滅固無論矣且袁氏亦已不復以大總統自居新華宮中固久無大總統其人也（此文撰成後續見各報所登北京大典籌備處一月二十五日發各省通電之文現在我國所奉元首爲皇帝而非大總統今上所居者爲皇帝地位而非總統地位）云云觀此則我中華民國既無大總統其人益可信曷言乎世界上並無中華民國耶則還質之我友邦我友邦若曰有之則吾無詞也若猶未有也則吾不知所謂帝國元首者爲何物也夫對於一國元首宜有相當敬禮吾能知之今吾所口談筆伐者乃一匹夫故吾得恣吾言而無所不盡也抑吾此文一露布其必有莫大之危險與莫大之艱窘隨

乎。吾後。吾自知之。天下人亦皆能知之。然吾以中國國民一分子之資格。以世界人類一分子之資格。吾確信。露布此文。爲吾身不容辭之義務。吾有所畏憚。規避吾良心之責備。吾弗能堪也。我全國父老昆弟。尙其鑒諸。我友邦公正賢達之士。尙其鑒諸。

岑西林回國討袁之宣言

春煊敢告各省將士官吏諸父老兄弟。春煊亡命海外。於今三年。屢屢欲言。忱於非時。今其時矣。不敢不言。春煊惡人言或不當於理。雖然。春煊直人口決。不敢違心。但掬吾心而言。言不當理。願天下人責之。教之。不然。則願天下人信之。春煊之必誅討袁世凱也。非修私怨而來。亦非攘權利而來。實爲保全中國數千年固有之正誼人道而來。春煊嘗官於清朝。袁世凱盜取清朝。故春煊有爲清朝誅討之責。春煊嘗食於民國。袁世凱又摧滅民國。故春煊尤有爲國誅討之責。迫此二責。誓必滅賊。此賊一日不除。人道正誼一日不保。民且不民。何有於國。吾雖冒恥。可以苟存。吾子吾孫。必且漸染。夷於禽獸。若言私怨。天下人所知。吾與袁世凱。何嘗有推刀尋仇。牢不可解之事實。耶。若言權利。溫飽之資。粗足不至復爲子孫殖田宅作牛馬之愚。若言高位仕宦之味。備嘗尙未歸效。墨翟捐項。踵利天下之勇。賊不死。耶。則吾

死。爲。快。賊。幸。死。耶。則。爲。民。自。樂。世。人。以。粗。疏。鹵。莽。責。我。我。不。敢。辭。若。以。爲。鬼。爲。蜮。疑。我。豈。直。冤。我。毋。亦。宅。心。稍。有。不。甚。光。明。者。耶。

夫。我。既。無。墨。翟。之。勇。然。則。倒。袁。之。後。孰。則。當。負。天。下。之。難。者。吾。不。具。言。請。讀。約。法。天。下。之。一。致。憤。哀。者。憤。其。自。殺。宋。教。仁。以。至。做。皇。帝。無。一。而。不。背。約。法。也。然。則。扶。植。已。倒。之。約。法。與。推。倒。蔑。棄。約。法。之。袁。世。凱。蓋。同。時。而。并。急。約。法。規。定。當。負。天。下。之。難。之。人。雖。危。且。辱。有。不。得。避。不。然。雖。安。且。榮。有。不。敢。爭。袁。世。凱。做。皇。帝。國。人。既。出。萬。死。以。倒。之。矣。繼。是。而。有。爭。權。利。者。吾。知。國。人。出。萬。死。以。倒。之。必。與。倒。做。皇。帝。者。同。一。激。烈。春。煊。雖。鱗。鱗。不。至。是。雖。欲。勇。當。天。下。之。難。若。此。難。者。豈。惟。春。煊。所。不。當。且。願。天。下。豪。傑。志。士。勿。過。熱。圖。而。以。身。爲。天。下。之。的。也。然。則。倒。袁。以。後。吾。將。自。居。何。等。乎。世。不。知。吾。不。才。必。欲。執。公。僕。之。例。過。相。督。責。則。乘。田。委。吏。孔。範。具。存。稱。吾。之。力。榮。辱。何。計。若。諒。吾。之。不。才。而。容。吾。之。自。主。吾。雖。不。學。然。聞。今。之。美。利。堅。其。士。夫。之。上。流。多。盡。力。於。社。會。稱。吾。之。力。近。有。可。裨。於。鄉。黨。遠。有。可。益。於。世。道。者。誠。能。竭。吾。之。愚。何。必。憑。藉。當。路。萬。一。易。作。之。氣。與。境。俱。消。民。國。本。位。實。重。在。民。吾。退。而。爲。編。戶。何。遂。辱。於。在。朝。耶。溫。飽。粗。足。乃。吾。不。敢。自。欺。之。言。宦。味。備。嘗。乃。吾。傷。心。閱。歷。之。言。進。不。敢。妄。求。退。有。

所自守。願天下人勿爲我慮也。

要之吾唯一無二之志願。惟在討賊。他非所計。有能申天下之人道。正誼。同我討賊者。雖吾之深仇大怨。吾必親之愛之敬之服之。不然。雖吾之宗人舊故。亦必遠之絕之。攻之討之。疾惡乃吾所短。服善乃吾所長。以小善除大惡。不以小惡除大善。以公理除私怨。不以私怨害公理。凡與春煊周旋較久者。必知春煊尙聞此道。而能舉事以代証。若夫藏刀談笑之內。殺人杯酒之間。即深怨我者。或亦不能舉事以爲證也。

國步日難。方且繼此續有所言。與天下相見。以言蓋自。此始不敢多言。以溷視聽。故先宣吾之志。繼此則論事矣。言而不當。勿吝教責。疑吾不誠。則非知我。

祝民國五年

(錄中華新報)

山窮水盡。疑無路。柳暗花明。又一村。此詩人絕處逢生之妙喻也。四年之冬。羣陰當陽。天地否塞。舉國鬱鬱。幾相悶死。願天心向善。春至陽生。今竟以民國五年。惠我四萬萬國民矣。夫民國五年。固當局惟恐其或有者也。故咒之忌之。必不欲使其與我國民相見。而吾四萬萬國民。惟恐其或無者也。故愛之望之。必不欲其及吾身。而中斬帝制運動之始。當局即決定。

無論如何必至四年年終終結新皇登極至遲亦不得逾明年元旦中間雖經五國警告國亡在即而帝慾逐逐不稍中息今竟以西南半壁反對帝制致令已沐者不得如期而冠猶得使吾莊嚴燦爛之民國留一綫於間不容髮之際及今不斬後益有望此在興高采烈之當局其晦氣爲何如而在吾意氣忿激之國民其愉快又爲如何耶惟義軍甫起締造爲難妖敵方張撻伐匪易吾人默察天心靜審時事覺有無限重大責任荷諸吾中華民國國民之肩萬不敢稍自墮棄以上負列聖之靈下重子孫千萬世之憂者心所謂危不敢妄祝謹於民國五年之第一日齋戒沐浴敬陳於我國官吏人民之前其諦聽焉

第一 當知民國五年者爲正義派與惡魔派誓決勝負之大關鍵也惡魔政府爲民國政治之大敵禦之之法惟在全體國民誓發宏願並力驅除不使惡魔政治再見於中國而後政本始可永固今者惡魔造孽已臻極點獨夫肆凶中外共憤使於此時猶復委蛇遷就而不思奮力以清之一旦元魔登極羣魔作倂倒行逆施毀殘正義余恐吾黃祖艱難締造之莊嚴祖國與夫四百餘州之山川正氣苟非至天絕地滅將永無復見天日之一日今者西南崛起八方響應此即正義派伸怒之日亦即惡魔派授首之時不知吾中華民國官吏人

民其將奮羣力以除此一人而奠立國之本乎抑將阻義師以擁此一人而彰魔道之威乎此余所以屈茲歲首爲天下正告者一也

第二、當知民國五年者爲救國派與賣國派誓決勝負之大關鍵也國家權利絲毫不許片面讓人此爲愛國者死守之信條今者當局以皇位之能做與否不在國人而在列強於五國警告之後急急於割讓利權以媚外人或則許某某諸國以特別權利或則許某某諸國以加入協約國或則中英中日中德同盟之說或則割讓直魯等省遷都河南之耗驚心動魄日有所聞迨近西南獨立義軍崛起當局知用兵南方非先結好某國萬難得志甚至當局對於某國親自交涉謂事前未與貴國妥協甚屬不合貴國若不幫助吾之帝位恐難事成事後決不歧視貴國云云吾國民聽者祇此區區數語無論帝國不能幸成即曰幸成吾不知蒞吾中土者果爲誰氏行見黃帝之子孫不得臣某氏而竟臣某國矣若使國民以臣某氏者其結果乃竟臣某國試問吾中華民族翻身之日當在何時此次雲南起義始於唐蔡二將軍夫蔡之由京抵東也志在養痾何以決然赴滇而爲此決絕之舉蓋在東親得當局賣國之確報（見西文各報）迫於救國之誠而不得不出此最後之決心者也吾不知

吾中華官吏人民其將聽一人以犧牲國家而死無安所乎其將討一人以捍衛國家而促義師之成功乎此余所以屆茲歲首而爲天下正告者二也

如上所述今年何年非正義派與惡魔派戰救國派與賣國派戰之年耶今日何日非我四萬萬官吏人民決心援正義派與惡魔派戰援救國派與賣國派戰之日耶惡魔派之受降與否爲正義人道自由公理人權消長之大關鍵即爲真正共和之能永固與否所攸關賣國派之授首與否爲國權之損益之大關鍵即爲中華國家之長久與否所攸係今者已兵連禍結如欲使惡魔之獨夫賣國之種子永久絕迹天壤萬非少許之犧牲所能有望當此生死關頭竊願舉國上下持最後之決心鼓十二分之勇氣毋畏艱難毋計生死舉四萬萬國民保障真正共和之精神以與此一人戰則非徒民國五年爲締造民國之真紀念而民國六年七年以至於億萬年將永昭於天壤也吾於是敬祝之曰民國五年萬歲

讀唐都督誓師戒律感言

(錄中華新報)

雲南唐都督之誓師也曰無論如何困苦艱難非達到倒袁之目的不止相戒以二事一絕對不爭權利一不作亡命之想(見本報二十三日緊要新聞)偉哉唐都督之戒律誠今日

共和軍中人物所宜視爲座右銘鏤諸肺肝者也。吾共和軍痛心疾首於獨夫之竊國相繼投袂而起誓誅殘賊之人保障民國心志所託惟知人民之哀樂不知私己之利權僅謀國家之存亡不謀個人之生死。此今日義旗新起之現象無南北無黨派皆有一致之犧牲精神矣。安用記者。眈眈竊取唐都督之戒言以勉諸君哉。

雖然兩軍相加哀者勝矣。故越人棲身會稽之時即夫差授首姑蘇之日。記者陋劣又安敢不發警詞增諸公今日之哀心。以祝最後之勝利。今日之役實以下中國四千年歷史之存亡決四萬萬民族之爲奴爲主者也。袁氏竊其君之社稷盜吾民之共和無不出於強姦手段。或誘以金錢或迫以威力或榮以爵位或繼以囹圄使全國士夫皆爲彼失節之婦禮義墮落廉恥喪盡此種民族此種國家立於世界與尙廉振恥之文明人相競爭果何所恃而不滅亡果何面目而不愧死他日奴隸牛馬鞭笞蹂躪爲萬劫不復之賤種人類皆將於此卜之矣。袁氏推翻共和吾民所得之結果如此則今日吾共和軍之保障共和乃所以振救吾民之不爲賤種人類也。質言之今日之戰爲四千年歷史之存亡而戰也。爲四萬萬人民之奴主而戰也。吾共和軍中人物既擔此空前絕後之大任矣。肩此大任趨萬里之程懸獨

夫之首所憑式者必有高潔不污之精神焉精神惟何即唐都督之戒律不爭權利不作亡命之想是也我國儒家之言曰士不可不弘毅任重而道遠仁以爲己任不亦重乎死而後已不亦遠乎此即民國立國惟一之精神數千年獨夫民賊所極力摧折者也今袁氏集數千年民賊之大成將舉此摧折之餘剪除淨盡吾共和軍起而扶持之斯亦任重而道遠脫吾民於賤種人類不可不謂之仁處積威之下驅除洪水猛獸不可不繼以死死之一字可以變化寒暑之序改換陰陽之節挽回天地之權萬千世界隨我生滅執此至高潔之精神毀彼極卑穢之民賊又綽綽然有餘裕矣故記者於唐都督之戒飭尤重其第二語焉不作亡命之想即有決死之心與知恥之勢有恥與決死即最後勝利之所歸昔者勾踐伐吳致其衆而誓之曰寡人聞古之賢君不患其衆之不足也而患其志行之少恥也今夫差衣水犀之甲者億有三千不患其志行之少恥也而患其衆之不足也今寡人將助天威之吾不欲匹夫之勇也欲其旅進旅退進則思賞退則思刑如此則有常賞進不用命退則無恥如此則有常刑果行國人皆勸父勉其子兒勉其弟婦勉其夫曰孰是吾君也而可無死乎是故敗吳於圍又敗之於沒又郊敗之遂滅吳（以上見國語越語）越之滅吳乃恥與死滅之

也。曰：患其志行之少。恥曰：退則無恥，曰：而可無死乎？此吳越存亡之所分耳。恥之與死，爲人類生存之原素。無古今之分，中外之別。得之者存，失之者亡。今袁氏爪牙、水犀之甲者，尙不及夫。差之衆而志行少，恥實且過之。何也？夫差之衆敗齊陵，晉長黃池之盟對外之光榮較袁氏甘心城下盟者相去何啻天壤。當時霸主謀臣且謂其少恥，然則袁氏之烹狗之少恥者，豈不盡出其下乎？天下盡知袁之烹狗莫不寡廉鮮恥，安望有必死之志。反觀昆明池上共和軍之發軔，東北共和軍之繼興，人人知恥，人人決死，人人爲濟河焚舟之孟明，人人如沉船破釜之項羽，人人效過隧斬岸過水折舟過谷伐梁過山焚萊之武王善覘兵者，卽以此卜成敗之數。兵法曰：置之死地而後生，其此之謂歟。

共和軍與袁軍勝負之推測

（錄中華新報）

義師起於滇，共和國旗賴以不墜。帝王毒燄因以不張，二者相持已一月矣。彼獨夫挾其爪牙之威風以定亂，自詡國人以維持秩序，誇衒鄰邦者，此種信用早歸諸無何有之鄉。國人起而交謫鄰邦，相與猜疑。昔之威信掃地淨盡，今且義旂所指而黔而蜀而桂而粵，共和軍之勢力漸漸蔓延。袁軍之根據漸漸剝落，其他行省亦已草木皆兵，褫奪盜賊之膽，勝負之

數不待龜筮。記者恐國人切望雲霓。奚獨後我。謹將共和軍所操致勝之道。與利於持久之方。爲國人一縷陳之。

(一) 共和軍之理直。傳曰。師直爲壯。曲爲老。蓋軍氣之盛衰。恆視其理之伸屈。理伸者。小可以勝大。弱可以復強。故桀紂之旅。若林終誅於湯。武拿破盜之蹂躪。歐士卒囚於荒島。即今世文明戰爭。尤各先爭是非之曲直。以壯其軍人之氣。一鼓作氣。再而衰。三而竭。此形勢之氣也。仁義之師。殺敵致果。無敵於天下。此精神之氣也。今共和軍新起之秀。刃利鋒銳。已得形勢之氣。爲民討賊。保護共和。復得精神之氣。二氣既壯。其鋒自不可當。袁氏既竊其君三百年之大位。復盜吾四萬萬人民四載之共和。竊其君位。謂之篡奪。竊吾共和。謂之盜賊。篡奪者得罪一姓一家。欺人孤兒寡婦。爲舊道德之大惡。元凶使其君有少康光武者。出聲罪致討。則袁氏當膺泥莽之典。賊竊者得罪全國人民。欺弄天下。背義忘信。爲新道德之大惡。元凶全國之人。凡有血氣。莫不羣起共逐。則袁氏當上路易斷頭之臺。由前之說。是不容於舊道德之國家。由後之說。是不容於新道德之世界。理已先曲矣。爲彼一人作爪牙者。更何氣之可言。無氣之軍。安得有勇。此共

和軍必勝之道一也。

(二) 共和軍逸而袁軍勞。兩軍相持逸者恒勝而勞者恒敗。逸者爲主而勞者爲客。主客之勢既殊勝敗之數乃定。共和軍已先發制人則出境以佔敘州一則由黔而領綦縣。聲勢相應蜀軍倒戈重慶咫尺相望取之自如探囊然後直趨夔巫扼險以待盡演黔二省之財賦當關而守袁軍奔馳數千里以北方平原之衆轉鬪萬山崎嶇之中地理山川概非所習攀援躑躅不堪其勞蜀江水落岩石嶙峋舟運險艱師行稽澁此地理之勞也。千里餽糧士有飢色樵蘇後爨師不宿飽各省不暇自顧更無相濟之力。變亂不測尤有後斷之憂此軍需之勞也。軍勞苦則力罷力罷則勇者怯地理不習則手足錯亂手足錯亂則智者愚袁軍南來初不自知爲何事及渡臨湘而赴宜昌乃知爲與共和軍相戰將士皆有不樂之色此兵心之勞也。彼有三勞我有三逸勝負可知矣。

(三) 共和軍勢順而袁軍勢逆。中國戰爭歷史凡起自西方者必成功於東方太史公曰：東方物所始生西方物之成熟夫作事者必於東南收功實者常於西北故禹興於西羌湯起於亳周之王也以豐鎬伐殷秦之帝用雍州漢之興自蜀漢此吾國歷史之明

徵也。蓋以山國之軍馳驅平原由貧瘠之域望膏腴之土形便勢利若水之就下焉共和軍進行之計在一軍扼巫峽之險進窺宜昌而謀武漢以一軍入成都與蜀之共和軍相合出劍門直取三秦二者皆有高屋建瓴之勢况各方響應有同瓦解獨夫爲垓下之囚以勢逆也。

(四)共和軍之聲援極盛 今日滇黔各省之共和軍實全國共和軍之先聲也相繼以起日有所聞凡屬共和之民皆我聲氣也中國者民國之中國也土地人民民國之土地人民也推倒民國竊爲家產者袁氏一姓之私利也共和軍以天下征討一夫其聲援衆袁氏以一夫抵抗天下其聲援寡袁氏爪牙爲利祿富貴而至者也今不得利而先受其害則爲之犯難蹈死者鮮矣其他一二省將軍雖不響應共和軍實未嘗發一矢餽一錢以餉袁之烹狗亦無殊於中立矣此聲援之所以寡也當雲南首義之時袁氏宣揚於外謂共和軍以一敵八指顧間可以平定今已一月有旬矣所謂一者將增至於八焉而袁之烹狗頓成狐注孟子曰殘賊之人謂之一夫今日袁氏之謂也。

由上所徵共和軍有四勝袁軍有四敗此非記者之私言凡我國人不必曉暢戎機嫻習軍

略。而。是。非。衆。寡。之。別。無。不。昭。白。於。心。袁。氏。之。志。亦。已。衰。竭。故。前。以。爲。指。顧。間。可。平。定。者。今。則。限。曹。錕。六。個。月。之。期。勝。敗。之。數。是。袁。氏。已。自。知。之。不。知。六。月。之。時。適。爲。孟。夏。吾。民。且。歌。南。風。肆。袁。氏。之。尸。於。金。臺。矣。




州

錄

爰
仙

中華民國五年九月一日出版

義聲日報第一冊



編輯者
發行者
印刷者

雲南義聲日報
雲南義聲日報
雲南開智公司

定價七角

預定價目

一期	三期	六期
七角	貳圓	肆圓
郵費五分	郵費壹角五分	郵費叁角

廣告價目

每期全頁	每期半頁	頭等地位	長登另議
價拾伍圓	價捌元	封面均加倍	費請先惠